



6

5-E

16



~~J. 4~~

E. 3 1/4 3.

~~D. XXXVII~~

I. 4.

~~G. 5 E. 16~~








195 EOH

195 EOH

195 EOH



HISTORIA
DEORVM
FATIDICORVM:
CVM EORVM ICONIBVS.



164

HISTORIA


DEORVM FATIDICORVM,
VATVM, SIBYLLARVM,
PHOEBA DV M,

APVD PRISCOS ILLUSTRIVM:

Cum eorum ICONIBVS.

Præposita est dissertatio

DE DIVINATIONE ET ORACVLIS.



COLONIÆ ALLOBROGV M,

Sumptibus PETRI CHOVËT.

M. DC. LXXV.

Ex Libris P. Abbat. Jo: Benedicti Tassis.

Dn. *** A M I C O Pl. C.

— P. MVSSARDVS S. D.



V M inter nos incidisset nuper sermo, de variis præstigiis quibus Cacodæmon miseris olim mortales fascinabat; diximus errorem non mediocriter promovisse, quod de rebus futuris per oracula, harios & sagas, pronunciare impurus ille spiritus attentavit.

Quamquam enim ista emunctioris naris homines non fecerint flocci; Peripatetici imprimis qui Aristotelem secuti, Sibyllas, Pythonissas; atque adeò Enthusiastas omnes, mente lymphata furere, aut atra bile commotas, nonnulla prælagire credebant: hi tamen erant scholarum duntaxat susurri, quos in publicum edere piaculum fuisset: quippe persuasissimum erat vulgo, mulieres eiusmodi Deo plenas esse, ipsumque Iovis vel Apollinis numen, præsens illis adesse. Istud enim non mediocriter animos percellerat, nec pa-

rum ad Divinitatem accedere videbatur, non modò quæ præsentia sunt & velut in oculis posita cernere, sed eventus futuri caligine obvolutos & procul dissitos, prospicere.

Itaque postquàm hanc sententiam sermonibus aliquot agitalsemus, operæ pretium facturum dixisti, qui ista scripto consignaret; meque ad id audendum excivisti. Sanè quàm id mihi non sumo, ut aliquid à me expectatione tua dignum, præstari posse sperem; onus tamen non detrectavi, vel maximè eo nomine ut tibi obsequar; tum etiam ut dum humaniora studia, quibus in adolescentia aliquantùm deditus fui, recolo & memoria repeto, operam non omninò inutilem aut ingratam publico navem. Nec me ab instituto dimovit, quod scio hoc argumentum luculenter à Doct. Boissardo fuisse pertractatum. Nam & perrarus est eius liber, magnique voluminis ac precij; & in non paucis ab illo nunc dissentiant Docti, ex quo facem prætulerunt magni Viri, Blondellus, Obsopæus, Vossius. Nimum enim ille tribuit scientiæ
Dæmonum;

Dæmonum ; pseudepigrapha pro genuinis exosculatur ; & quæ diu post rerum eventus à quibusdam Christianis , consilio fortè non malo, ficta sunt , ea à Sibyllis , multis retrò seculis, prædicta esse opinatur. Satis multa præterea hîc nova reperient Lectores , vt huius lectionis eos non pigeat. Commodùm verò offendi in Bibliopolio *D. Petri Chouët*, (hominis promovendæ rei literariæ cupidissimi) varias effigies, æri satis eleganter incisas, Deorum , Vatum , Sibyllarum , & Phœbadum, quæ huic opusculo illustrando non parùm conducent.

Rem totam hoc ordine disposui. Præmisi brevem dissertationem de Divinatione & Oraculis, deque variis modis quibus Dæmones futurorum præscij esse possunt. Tum subieci historicam narrationem Deorum & Vatum , in qua quæ de iis maximè memorabilia produnt veteres Scriptores , proposui. Tu hunc qualemcunque conatum , æqui bonique consulito , méque tui amantissimum amare perge. Vale.





DE RERVM
FVTVRARVM
PRÆCOGNITIONE,
Vaticinatione, & Oraculis.



COGNITIONEM & rerum futurarum prædictionem, vnius Dei ius præcipuum esse, omnes consentiunt. Hinc fit vt vulgò *αὐτοὶ, i.e. Divini* appellentur, qui futurorum profitentur scientiam; quia quod sibi arrogat, tanto intervallo superat ingenij humani captum, vt prorsus ignoretur ab ijs qui non sunt *θεοδιδάκται*. Esse tum in rebus naturalibus, tum in moralibus, quædam futurorum eventuum præsagia, nemo diffitetur; qualia sunt de quibus Christus Matthæi 24. *Quum ramus tenerascit & folia germinant, nostis propé*

esse astatem. Item Matth. 16. *Quando serum est diei, dicitis, Serenitas erit, rubet enim calum.* Possunt sanè homines, multòque magis Dæmones, coniectura augurari multarum rerum eventus, ex earum indicijs quasi prodromis. Ejusmodi sunt omnes illæ prædictiones quibus sibi famam compararunt Pseudoprophetae apud Ethnicos & Mahometanos, aliq; omnes qui vel solis ingenij viribus; vel impulsu Cacodæmonum inspirati sunt. Verùm vnus Dei est, ea prænoscere quæ non à naturæ statibus legibus, sed à voluntate sua, aut libero hominis arbitrio pendent; vt mysteria supernaturalia, nec-non gubernationes & mutationes Regnorum ac Rerum publicarum, (sunt enim corda Principum in manu Dei, qui solus illa versat vt libet;) Item quæ pendent ex arbitrij humani libertate; vt quid cras sim facturus vel cogitaturus. Solus, inquam, Deus ea prænoscit ab æterno, solusq; per Prophetas prænunciare potest; idque non aliquot mensibus aut annis, sed innumeris ante eventum seculis, cùm nullæ causæ aut vestigia animadvertentur; nec obscurè aut titubanter, sed claris & apertis verbis. Ideòque hoc sibi vni vindicat apud Esaiam, vbi de eiusmodi prædictionibus

nibus verba faciens , iubet istâ notâ explorari Deos Paganorum: *Annuntiate, inquit, quæ futura sunt, & sciemus quod Dî estis.* Dum enim illos sic prouocat , clarè ostendit istam quam illis denegat , sibi vni competere præscientiam. Hoc, solo naturæ lumine agnouerunt Ethnici, *Si enim homines quoque res omnes post futuras præcognoscerent* , inquit Fauorinus apud Gellium, *tollitur quod maximè inter Deos & homines differt.* Gell. l. 14
c. 1. Ac sanè , vtcunq; Vatum prædicta , & commentitorum Deorum oracula iactauerint Gentes, nulla tamen, si ad hanc normam exigantur, genuina comperies. Dederunt scilicet consilia ambigua , & responsa perplexa ac dubia, super pugnae alicuius eventu; super excidio Imperii cuiusdam vel Reipublicæ; morte aut sanatione ægroti , aliisque eiusmodi casibus, quorum prognostica in causarum proximarum dispositione , Dæmonibus cernere promptum erat. Sed nullum legas qui ante quingentos aut sexcentos annos , eventum aliquem clarè & certò prænunciauerit. Solius Dei est, & eorum quibus eius Spiritus lumen affulsit, in abdita seculorum penetrare, & futura eadem perspicuitate & certitudine , ac si præsentia aut præterita essent , enunciare.

Vnde patet Veteris&Noui fœderis Scriptores, non à spurijis istis & fictis Diis, qui Gentibus imposturis suis illuserunt, afflatos esse; sed à summo & vero illo Deo qui supremus est Dominus ac Moderator omnium temporum & partium Orbis, cuiusq; scientia & essentia sunt infinitæ. Diuini enim hi Authores, innumera prædixerunt, quæ neque acies mentis humanæ, neque Dæmonum sagacitas pervadere valebat: Exempli gratia, ortum & futuram sortem multorum virorum ac Imperiorum, fraudes Hæreticorum, Antichristi imposturas, superbiam ac furores, aliâq; innumera; quatuor, quinque, sex, septem, octo &c. seculis ante euentum.

Merito itaque Moses dehortatur populum, ne credat Pseudopphetis qui cum auocare student ad Deos alienos, etiamsi contingat ut ea quæ prædixerunt reverà eveniant; *Quia Deus id permittit quòd nos probet an ipsum timeamus; Monetq; ne quis discat Astrologiam, aut ab Astris sibi timeat, quæ sunt vanæ leges infidelium.* Quamquam enim in prævisione futurorum non semper fallantur Dæmones eorumq; Ministri, semper tamen eò dirigunt sua vaticinia, ut fallant, & homines ab vnius Dei legitimo cultu

cultu avocent, atque ad se alliciant.

Verum quanquam solus Deus ex se & per se, omnia futura cognoscit, eaq; certò prædicat; Satan tamen eius operum æmulus, mirè miseris mortalibus illusit responsis suis, quibus illis plurima eventura prænunciavit, quorum nonnulla evenerunt. Vt cum Theagenes ^{Suet. in August.} Mathematicus, Octavio prædixit imperium, c. 24. tanta fiducia, ut statim atque genituram suam illi Octavius edidit, exiliverit Theagenes, eumq; adoraverit. Eiusmodi fuit prædictio Trasylly, qui mortem sibi instare Tiberio dixit, quam reverà hic illi, re cum nullo communicata moliebatur. Tale præsagium ipsius Tiberij de Sergio Galba tum Consule, quem accitum, ut verbis Taciti utar, & diuersis sermonibus pertentatum, postremò verbis Græcis in hanc sententiam allocutus, *Es tu Galba quandoque degustabis imperium*; seram ac breuem potentiam significans, scientia Chaldæorum artis, quam à Trasyllo magistro habuit. (Suetonius hoc præsagium non Tiberio, sed Augusto tribuit; nec de Galba Consule, sed puero. Verum à Tacito stant Iosephus & Dio.) His subnecti potest Ascleterionis vaticinium, qui Domitiani proximam eadem prædixit, de

Tac.
Ann. 16

Dio lib.
55.

quo Suetonius: *Hunc, inquit, (Ascletarionem Mathematicum) delatum, nec inficiantem iactasse se quæ providisset ex arte; sciscitatus est Domitianus quis ipsum maneret exitus, & affirmantem, ut brevi laceraretur à canibus; interfici quidem sine mora, sed ad coarguendam temeritatem artis, sepeliri quoque accuratissimè imperavit. Quod cum fieret, evenit ut repentina tempestate deiecto funere, semiustum cadauer discernerent canes.* Addi possent alia exempla eorum, quibus summæ dignitates prædictæ sunt ab Oraculis & Astrologis.

Hic igitur observandum, futura bifariam cognosci posse, aut in se ipsis, aut in suis ipsorum causis. In se ipsis cognoscuntur, cum perinde certò prævidentur quæ nondum sunt, ac si iam præsentia & in conspectu posita viderentur. Hoc modo Deus prævidet omnia ex se suoque proprio spiritu; eius item Prophetæ & Apostoli, varia prænoverunt, non ex suo proprio, sed ex afflatu diuini spiritus. In ipsorum verò causis præcognoscuntur res futuræ, cum ex inspectione cognitioneque præsentium causarum, colligitur tales futuros effectus. Sic agricola cum florem oleæ videt, baccam quoq; se visurum putat, non sine ratione ille quidem, sed nonnunquam tamen fallitur.

Sic

Sic insidias Imperator, tempestates gubernator, sæpè provident. Sic Medici suas habent prognoscis, id est artificiosas cognitiones futurorum eventuum & mutationum in morbis, constantes certis signis, habentibus connexionem naturalem cum re significata : earumq; ope cognoscunt, utrùm æger à morbo sit evasurus, vel illius vi periturus. Habent enim suos effectus morbi, qui symptomata vulgò dicuntur, ex quorum diversitate manifestum fit artis regularum & præceptorum gnaris, quis ægritudinis eventus sit sperandus. Signa tamen illa, fatentibus ipsis Magistris, & ipsâ teste experientiâ, non sunt adcò certa quin fallant aliquando: Ideòque vetus sermo verus, *Præstare à sexaginta Medicis, quàm Triumviris capitulibus damnari & morti addici.* Habent etiam Astronomi coniectationes suas, siue iudiciariam ex Astris mathesin, quâ ex constantissimo syderum cursu & motu, varia provident Sic Solis defectiones, itemq; Lunæ, prædicunt in multos annos; Planetarum stationes, retrogradationes, aspectus, coniunctiones, oppositiones & similia, ex artis principiis veris & immutabilibus, norunt. Hinc ortæ Ephemerides. Verùm quàm certa est Astronomia,

tam vana & fallax Astrologia, quæ prædicat effecta euentuum futurorum non necessario, sed contingentium. Potest quidem Astrologus ex Lunæ & Solis vario colore & alijs phænomenis, ventorum, pluviarum, serenitatis & eiusmodi vicissitudinis tempestatum eventus probabiliter prædicere, quia ut plurimum hæc accidunt. Hinc Arati, Hesiodi, Ciceronis, Virgilij, aliorumq; de Phænomenis carmina: sed sæpè ob peculiares aliquas causas hominibus ignotas, impediuntur hi effectus: Ideoque quotidie videmus quantum aberrant Astrologi cum totius anni reuolutiones, belli & pacis eventus, pluvias aut siccitatem, frigus & calorem, frugum vbertatem vel inopiam, morbos, aliaq; prædicere attentant.

Suas præterea habent coniectationes probabiles, Nautæ, Pastores, Lignatores, Physiognomi, Chiromantes, & Oneiropolæ; qui ex Elementis, Meteoris, Plantis, Brutis, lineamentorum inspectione, somniorum interpretatione, nonnulla aliquando prævident.

Sed dubium non est quin ista longè perfectius cognoscant Dæmones, qui rerum causas intimius perspiciunt: itaque non mirum si multa

multa prædixerunt futura , quæ & certò evenerunt. Diligentissimè enim observant causas naturales & earum effecta : cùm verò etiam accedat longa & perpetua experientia , quæ norunt quid solitum sit ex tali causarum dispositione provenire , & quid non ; facile possunt de omnibus hisce rebus aliquid certi pronunciare.

Deinde multa etiam sciunt prædicta fuisse à Prophetis ex Spiritu Dei, quæ illi arripiunt & suis cultoribus prædicunt, quasi ex se ista præviderint. *Dispositiones enim Dei*, inquit Tertulianus, *& tunc Prophetis concionantibus excerpunt*, *Tert. A. po. c. 22.*
& nunc lectionibus resonantibus carpunt. Ita & hinc sumentes quasdam temporum sortes, æmulantur divinitatem, dum furantur divinationem. Sic præscivit Diabolus ex Danielis oraculis, Alexandrum *Dan. 8.*
 M. superato Dario potiturum Asia univèrsa, & translaturum Imperium à Persis ad Græcos. Hinc haud difficile vati Delphicæ, Alexandro eam consulenti respondere, *Invictus eris.* Hinc eodem Alexandro ad extremum cum Dario confligente, aquila è sublimi supra eius verticem sese librare, & in adversos hostes trajicere visa est. Sic prænovit Dæmon ex Esaïæ prophetijs , fore ut Tyrus destruaturs ab iisdem

Macedonibus; ille enim ait Cap. 23. *Onus Tyri. Ululate naves maris, quia vastata est domus vnde venire consueverunt: De terra Chittim revelatum est eis.* Terram verò Chittim Macedoniam esse, & ab Homero Κλωτίδης Macedonas vocatos, asserunt Docti. Ex iisdem Esaia: & Danielis vaticinijs, præscivit impurus Spiritus, fore vt Assyriorum Monarchia in Persarum potestatem redigeretur, & quidem à Cyro cuius nominatim meminit Esaia: capite 44. Vnde & coniectatus est regnum quoque Lydiæ periclitaturum; ideòque Cræsum fallaci oraculo ad bellum Cyro inferendum impulit, à quo & victus est. Hinc Delphicum oraculum respondit paulò ante id bellum, Gygis τὸν πέμπτου ἀποτόνον, *abnepotem*, qui in Cyri tempora incidebat, amissurum regnum Lydiæ.

Ex iisdem Scripturis & Prophetarum vaticinijs, non obscurè colligere potuerunt Dæmones, tempus adventus Christi. Ac sanè patet ex ipsa Evangelij historia, Diabolum priùs Christum novisse, quàm eos ipsos quibuscum familiariter degebat. Hinc per os abrepticiij inclamabat, *Quid nobis tecum est Iesu*

Marc. 1. Nazarene &c. Noui te quis sis, nempe Sanctus ille

Luc. 4. Dei. Et iterùm, *Exibant demonia à multis, clamantia*

mantia & dicentia, Tu es Christus ille Filius Dei; & increpans non sinebat ea loqui, quod sciebant ipsum esse Christum. Id noverant Dæmones, quod pios ipsos latebat; Alij enim eum Eliam, alij Iohannem Baptistam, alij Hieremiam, alij vnum de Prophetarum numero esse credebant. Huc facit illud Pythiæ puellæ, de Paulo & Barnaba clamitantis testimonium, *Isti homines servi Dei excelsissimi sunt, qui annuntiant vobis viam salutis.* Vnde quantum sit Dæmonum acumen liquet, quires abstrusissimas & hominibus ignotas, ex Scripturis noverunt; ea, inquam, quæ Fideles ex sola revelatione Patris cælestis cognoscunt; quemadmodum Petro dicebat Christus, cum illum Filium Dei Viventis pronuntiavit. *Math. 16.*

Multa etiam sunt quæ etsi Dæmones futura non prævident, tamen cum iam parata sunt ut fiant, vel iam incipiunt fieri, ea citissimè observant, idq; propter aciem sensuum, celeritatem motus, & agilitatem aëreorum, subtilissimorumq; corporum, quibus brevissimo tempore, & vno ferè momento, magna locorum spacia emetiuntur, quæ in vno loco observarunt, ea alibi annuntiant tanquam futura; cum tamen iam facta sint vel cæpta fieri. *Celeriter enim, ut*

ait August. lib. de Divin. Dæmon. *non solum cursus quorumlibet hominum vel ferarum, verum etiam volatus avium incomparabiliter vincunt.* Duabus igitur illis rebus præditi, hoc est acrimonia sensus, & celeritate motus, multò antè cognita prænunciant, quæ homines præ sensus terreni tarditate mirentur. Sic phantasmata illa Castoris & Pollucis, Romæ nunciarunt Perseum Macedoniæ regem victum esse, eodem die quo victoria à L. Aemilio Paulo reportata est; cuius Legati vigesimo die demum post pugnam, Romam venerunt. Sic referunt Plutarchus in Iul. Cæsare, & Gellius Noct. Attic. lib. 15. c. 18. eo die quo Cæsar & Cn. Pompeius per ciuile bellum signis collatis in Thessalia conflixerunt, Patavij C. Cornelium sacerdotem, auguralis scientiæ peritum, subito quasi mota mente exclamasse, *Pugnam acerrimam pugnari;* ac deinde cedere alios, alios vrgere, cædem, fugam, telum volantia, instaurationem pugnae, impressionem, gemitus, vulnera, perinde vt si ipse in prælio versaretur, coram videre sese vociferatum esse; ac postea exilijsse clamantem, Vincis Cæsar. *Ea Cornelij sacerdotis haviolatio,* inquit Gellius, *levis tum quidem visa est & vecors;* magna mox admirationi fuit: quod non modò pugna

gnæ dies, quæ in Thessalia pugnata est, neque prælij exitus, qui erat prædictus, idem fuit, sed omnes quoque pugnandi reciprocarum vices, & ipsa exercituum duorum conflictatio vaticinantis motu, atque verbis representata est. Huius vaticinij sic meminit Lucanus lib. 7.

————— *Augur*

Venit summa dies, geritur res maxima, dixit:

Impia concurrunt Pompeij & Caesaris arma.

Sic Philostratus narrat Apollonium cum Ephesi esset, exclamasse quasi interfuisset spectaculo, Romæ interfici Domitianum, eo ipso momento, ut postea compertum est, quo reverà trucidabatur. De hac Dæmonum velocitate præclarè Tertullianus, *Omnis spiritus ales* Tert. *est, inquit, hoc Angeli & Dæmones. Igitur mo-* Apol. c. *mento ubique sunt. Totus orbis illis locus unus est. quid* 22. *ubique geratur tam facile sciunt quam enunciant: velocitas divinitas creditur, quia substantia ignoratur.*

Accessit quoque Dæmonibus, ut Augustini iterum verbis utar, per tam longum tempus quo eorum vita protenditur, rerum longè maior experientia quàm potest hominibus propter brevitate[m] vitæ præuenire. Inde fit ut ex observatione quarundam externarum actionum, motuum, gestuum alicuius, facile divi-

nare possint, quid ille cogitet, quid moliatur, quid factururus sit. Præterea, vt optimè nouit rerum naturalium facultates, & ad quid valeant hominum voluntatem, mediante appetitu sensitivo, inclinare; novit omnium hominum temperamenta, affectusq; ; novit quid ex his & illis sequi soleat. Vnde contingit vt sæpè ad amussim prædicat, quid, quandoq; homines sint facturi.

Certò quoque potest prædicere ea quæ novit se permittente Deo facturum. Permittit enim nonnunquam Diabolis Deus, vt inficiant, alterent, conturbent aërem, & excitent ventos vehementissimos. Itèm vt tetra contagione infecto aëre, pestilentiam immittant alicui regioni; vt agitent aquas & tempestatem ciant; vt inficiant terram, fruges, cibos; vt ad iram excitent homines, & eos committant inter se, vnde bella, dissidia, lites exoriuntur. Antequàm verò hæc, quæ ipsi Dæmones ex permisso Dei facturi sunt, eveniant, ea prænunciant Phythōnibus & Magis. Hoc modo à Dæmone fuerat edoctus Turca ille Famagustanus, qui congregata in foro populi concione, prædixit se intra horæ spatium moriturum, & confestim se mortuo, luem desituram, quod & evenit.

*Villa-
mont. l. 2
peregr.
cap. 7.*

Denique

Denique id sibi etiam sumunt impuri Spiritus eorumq; Ministri, ut multa garriant de quibus nihil habent certi, sed quæ coniecturis duntaxat dubiis augurantur; adeo ut iuxta illud Euripidis.

Μάντις ἀεὶ τοσὸς εἰς ἀΐζει σοφῶς

Benè qui coniecit sit vates optimus.

Ideòque coniectantur *παχυμέρεσ' εἶρον*, vagè & confusè, *qualis est longinqua oculorum acies*, per Gel. n.
intervalla media caligantium, ut ait Gellius. Hinc Att. l. 14
c. 1.

Oraculorum ambages; ita enim attemperabantur verba, ut quocunque res caderet viderentur verum dixisse. Ut cum Cræso de belli aduersus Cyrum eventu quærenti, responsum est

Κροῖσος Ἀλὴν δι' ἑβας μεγάλην ἀρχὴν καὶ αὐτοῖς

Id est. Cræsus Halim transgressus, magnum regnum dissipabit.

Si enim Cræsus victor evasisset, Hoc volebam dixisset Dæmon, te hostiles copias profligaturum. Sed victus est Cræsus; Id ipsum volebam, ait, Te regno detrusum iri; sed per stuporem, mentem meam non es affecutus. Eius generis est quod respondit Pyrrho Pythia sacerdos.

Nō te Acacida, Romanos vincere posse:

Vbi dubium, an *vincere* regat accusativum

re, an Romanos; atque adeo an Acacides, id est Pyrrhus, Romanos victurus esset, an verò hi illum. Sed Romani hanc fallaciam ferro solverunt. Inde Apollo *Loxias* dictus, quia ambiguis responsis consulentes ludificabatur. Talia erant Sibyllæ illius carmina, de qua Virgilius.

Aen. 6.

Horrendas canit ambages, antroq; remugit.

Enim verò quod de somniis experimur, hîc quoque verissimum, rarissima vera inveniri. Quia tamen aliquando Dæmonum oracula, non malè coniecerunt, hinc illis, fides addita. Verùm, quemadmodum qui assiduè iacit aleam, vel talos figit, is aliquando seniones, aliquando Veneremiacit invenitq; ; sic cùm harioli & oracula centies mentita sint, quid mirum si semel aut iterùm verum dixeret? Sanè, si mendacia notarentur, mille forent pro vno verè dicto. Quomodò enim possunt verè dicere, qui exciderunt à veritate? Ideo Scriptura quæ præscientiam solius Dei esse docet, hanc prorsus adimit Creaturis; ridetq; augures, ac ostendit vanissimam esse scientiam illam qua Dæmon decipit incautas gentes,

*Esa. 44.
25.*

Ego sum Dominus, inquit, qui irrita facio signa divinatorum, & ariolos in furorem verto, eorumq; scientiam

viam stultam facio.

Ipsi Ethnici qui oculatiores fuerunt, istorum vanitatem arguerunt. Vide Ciceronem lib. 2. de Divinatione, ubi totam istam præscientiam vatum, hariolorum, haruspicum, ex animalium extis, è fulguribus, ostentis, auspiciis, oraculis, sortibus, somniis &c. vanissimam esse docet, & scitè traducit: Ibidemq; laudat illud Catonis, qui *Mirari se aiebat, quod non videret haruspex, haruspicem cum vidisset. Quota enim quæque res, inquit, prædicta ab his evenit? aut si evenierit, quid afferri potest cur non evenierit?* Hinc Pacuvianum illud de Auguribus.

— *Istis qui linguam avium intelligunt,
Plusq; ex alieno iecore sapiunt quàm ex suo,
Magis audiendum, quàm auscultandum, censeo.*

Nec omittendum illud Ennij,

*Non habeo nauci Marsum augurem,
Non Isiacos coniectores, non interpretes somniûm:
Non enim sunt ij aut scientia, aut arte divini,
Sed superstiosiores, impudentesq; harioli,
Aut inertes aut insani, aut quibus egestas im-
perat:*

*Qui sibi semitam nō sapiunt, alteri monstrant viã:
Quibus divitiis pollicentur, ab iis drachmam
ipsi petunt.*

Tacitus de Magis, quos *Mathematicos* vocat, ait, *Id genus esse hominum infidum petentibus, & sperantibus fallax, quod in civitate Romana semper vetatum est & retentum.* Sæpè enim Romæ pulsi, & à Republicâ amota illa pestis. Anno urbis DCXIV. C. Corn. Hispallus Prætor, edicto Chaldaeos intra decimum diem abire ex vrbe atque Italiâ iussit; *Levibus atque inepris ingenii*, inquit Valer. l. 1. *fallaci siderum interpretatione, quæstuosam mædaciis suis caliginem iniucentes.* Anno DCCXXI. M. Agrippa Ædilis τὰς ἀστρολόγους καὶ τὰς γόντας ἐκ τῆς πόλεως ἐξήλασεν,

Dio l. 49 *Astrologos & Magos vrbe eiecit.* Auctor Dio sæpè idem S. C. repetitum, & in maleficum id genus hominum, poenâ capitali animadversum. Noxij saxo Tarpeio deiectioni, alijsq; suppliciis mulctati; vt legere est apud Tacitum lib. 2. Qui plura de vanitate & impietate Vatum & coniectorum cupit, adeat Gellium l. 14. c. 1. Sextum Empiricum l. 5. advers. Mathematicos. Erecentioribus multi damnandam hanc artem expugnarunt. Hieronymus Savaranola in Opere eximio adversus divinatricem Astrologiam. I. Picus Mirandul. lib. 12. Disput. in Astrol. Alexander de Angelis lib. 5. Sixtinus ab Hemminga in Astrol. refutatâ: Georgius Ragus.

Ragusei. l. i. de Divinat. Cassendus in Physic.
lib. 6. sect. 2.

Quamquam autem sapientioribus apud
Ethnicos, oraculorum & totius vaticinationis
strophæ subolerent; fraude tamen Diaboli ma-
gnam auctoritatem obtinere per multa secu-
la. Ut enim facilius miseris populis fucum fa-
ceret, hanc viam iniit. Cum antiquitus vixe-
rint homines virtute præstantes, Reges, Prin-
cipes & Philosophi, qui multa beneficia in ge-
nus humanum contulerunt; qui populos à vi
& crudelitate tyrannorum vindicarunt; qui-
que varias artes & scientias ad vitam neces-
sarias invenerunt, aut excoluerunt; hos, populi
dum superstites erant coluerunt, ut beneficos
& assertores; post mortem verò, supremum
cultum ceu ipsi Deo adhibuerunt; quos scilicet
ut omnium bonorum largitores & malorum
averruncos suspiciebant, & admirabantur.
Illis statuas, Tempia, aras adornarunt, sacrifi-
cijs alijsq; ritibus litarunt, quò eos sibi faventes
& propicios haberent.

Huic hominum errori, subdolè se ingessit
Satan; utq; superstitionem promoveret, ad
Heroùm illorum sepulcra, aras, statuas, &
templa, prodigiosa nonnulla edebat; certisq;

in locis, arte & naturâ ad horrorem & superstitionum metum accommodatis, specubus obscuris, antris & terræ hiatibus profundis se insinuabat; sub nomine defunctorum, & in numerum Deorum relatorum, oracula reddebat, quibus homines de rebus futuris edocerentur, & sibi ab imminetibus malis caverent. Itaque eodem tempore quo Deus inter Israelitas, oracula per sanctos suos Prophetas edebat, Cacodæmon responsa quoque dabat miseris Ethnicis, eosq; præstigijs suis fascinabat; & sub nomine eorum hominum quibus populorum stulta veneratio divinitatem tribuebat, responsa petentibus dabat, quibus de futuris edocerentur, sibiq; ab eminentibus malis caverent. Iisq; oraculorum prædictionibus ut plurimum respondebat eventus; sin minùs, responsa adeo perplexa atque impedita erant, ut homines se potius culpâ suâ, quàm Dæmonum imposturis, delusos crederent.

Edebantur autem eiusmodi oracula, vel ab ipso Dæmone; vel à Sacerdotibus, & Phæbædibus spiritu fatidico afflatis: irruebat spiritus ille impurus in Enthusiastas, è specubus furvis, obscuris & profundis, horribili sono & strepitu. Illæ in furem actæ, cum palpitatione omnium


nium artuum ; inverſis oculis & ore diſtorto, effabantur ea quæ illis Dæmon ſuggerebat; neque erant mentis corporisq; compotes, dum obſidebantur illo enthufiaſmo.

Iſtis autem oraculis præſuiſſe impuros & homicidas ſpiritus, non obſcuris indiſciis, evinci poteſt. Non tantum quia ſæpè mentiebantur, ſed et tenebris & ambiguitate involvebant; Item quia non cælitus, ſed ex ſpecubus ſubterraneis edebantur, quod Principi tenebrarum, nihil quàm terrena ſapienti convenit : ſed præcipuè, quia ſcelera ut plurimum, & humanas victimas imperabant. Sic cum claiſſis Græcorum Aulide adverſis ventis detinebatur, Calchas vates fauſtam navigationem & omnia proſpera pollicebatur; at ſimul Agamemnonis filiam Iphigeniam immolari iubet. Idem Calchas, (ut refert Sinon) qui ſe ad Deorum ſuorum nutum ac morem accommodat & fingit, ſuaſebat Græcis, ſanguinè humano Diis litare, ut eorum reditum fortunarent,

*Sanguine placatus ventos & virgine caſa:
Sanguine quatendi reditus, animaq; litandum
Argolica.*

Tireſias pollicetur Thebanis victoriam; ſed ea lege ut Creontis filius mactatus, ſit victima

C 3



pro patria. Idem Messeniis in longo illo & diuturno bello, quod cum Lacedæmoniis gesserunt, consulentibus de exitu, prædicit victoriam; verùm ea conditione, si virginem incorruptam de Apytidarum familia Deo sacrificarent. Ibi cùm Aristodemus, vnus ex præcipuis familiæ Apytidarum, gratificaturus patriæ, filiam quam habebat vnicam, destinasset aræ; nobilis quidam amore puellæ adactus quò miseram seruaret, ex se gravidam esse, & ideo Deo litari non posse, fingit. Quo audito pater, rabido furore inflammatus, è vestigio trucidatam filiam dissecat: paulò post noctu, somniando, dum interemptæ & concisæ filiæ atrox species obversatur animo, per desperationem ad tumultum eius semet-ipsū iugulavit. Androgei etiam cædes, expiari scilicet non poterat, nisi Athenienses quotannis septem adolescentes & totidem puellas, in Cretam, Minotauro devorandas mitterent.

Oracula autem primò edi cæperunt in Chaonia parte Epiri, in Templo Iovis Dodonæi. Postea in Lybiæ arenis, in templo Iouis Hammonis: Hæcquæ duo fuerunt antiquissima & celeberrima, ad quæ ex omnibus orbis partibus confluebant homines, sciscitaturi rerum

rerum eventus futuros. Deinceps cum ex sententia res procederet, & hisce fraudibus se homines addicerent; exhedras propheticas variis in locis Dæmon institui curavit, unde responsa dabat: Vt Delphis per Apollinem Pythium; ac per eundem in Claro, in Delo, Colophone, Ancyra, Cumis, Erythris: Lebædæ in Bœotia per Trophonium, quod omnium oraculorum diuturnius fuit, teste Plutarcho *De defectu Oraculorum*: Fuit & in Milesia Branchidarum oraculum: Sabæum in Phocidæ: Amphiarai in Attica; Latonæ in Aegypto, in vrbe Buthi, quod Sebenniticum oraculum vocabatur. In eadem Aegypto Dii quoque fatidici fuerunt, Iupiter, Apollo, Mars, Minerva, Diana, Hercules. Antiochiæ, Iupiter Philius. In Apamea Syriæ, Iupiter Belus. In Delo sortes certissimæ creditæ dabantur ab Apolline, ad aram quam illic habebat, artificiosè ex diversis mactatorum animalium cornibus concinnatam. Apollo quoque Spodius, in cineribus mactatarum victimarum Thebis sortes dabat; & Patarae vrbe Lyciæ sex continuis anni mensibus, pariter poscentibus sortes reddebat.

Sed de plerisque horum, aliisque, in sequenti-

bus sigillatim dicemus; vt & de profanis vatibus, item de Sibyllis & prophetidibus, quarum celebre fuit nomen inter Gentes. Apponemus singulorum icones, ad eorum exemplar quos Boissardus doctus Antiquarius, è numismatibus, gemmis, statuis, tabulisq; antiquis aeri incidi curavit.

Caterùm iam ante Christi adventum, re-
frixisse oracula eorumq; exolevisse authorita-
tem, vlex ipso Cicerone constat. Is enim lib.
1. & 2. de Divinatione dicit, raras Delphos le-
gationes mitti, non ampliùs dona à regibus &
populis eò inferri vt olim: *Sed quod caput est,*
inquit, *cur isto modo iam oracula Delphis non edun-*
tur, non modò nostra atate, sed iam diu, iam vt nihil
possit esse contemptiùs? Iuvenalis in eandem senten-
tiam.

— *Delphis oracula cessant,*

Et genus humanum damnat caligo futuri.

Sic Strabo Geograph. lib. 11. διόπερ καὶ τὸ ἐν
Ἀμμωνι σχιδόν τι ἐκλέλειπται χρησέλιον, πρὸς ἑσθὲν
δὲ ἐτέλειμτο. Itaque & oraculum Ammonis panè de-
sertum est, quod antea honorabatur. Plutarchus
Cheronensis, magni nominis, & quasi ocu-
latus testis, (non enim longè distabant Chero-
neâ, Delphi, Lebadia, & Oropus) id ipsum
accuratè

accuratè scripsit ; affirmatq; silentium illud oraculorum omnibus stupori fuisse , eiusq; causam Doctos omnes perquisivisse. Apud hunc Demetrius, *Nihil*, inquit, *attinet de isto percontari oraculo, & causam querere* ; cum videamus oracula quæ in his sunt locis obsolevisse, atque ad id duobus aut tribus exceptis, omnia defecisse. Id potius indagandum est, quibusnam causis extincta sint. Nam ut alia taceam, Bæotiam, quæ superioribus temporibus ob oraculorum multitudinem vocalis admodum fuit, nunc prorsus destituerunt oracula, tanquam amnes siccati, ingensq; divinationis quasi astu quodam abolitæ penuria, regionem occupavit. Neque enim alibi hodiè quàm apud Lebadiam, Bæotia vaticinationis responsa desiderantibus præbet : reliqua partim silent oracula, partim vasta prorsus desertaq; iacent. Deinde in eodem illo libro quem *De Defectu Oraculorum* inscripsit, sollicitè huius causas inquit ; aitq; Alios afferre rerum vicissitudines ; Alios, Græciæ accolarum infrequentiam ; Alios, nequitiam hominum, qui impietate suâ indigni sunt quos Dij dignentur alloquio : Alios quia mortui erant Dæmones qui vatibus quondam inspirabant oracula ; Alios denique, quia terræ halitus, qui Pythias olim in furorem agebant, erant vetustate exhausti : quod faceret ridet

Cicero l. 2. de Divin. *Hoc loco*, inquit, *cum vrgen-*
tur, evanuisse aiunt vetustate vim loci eius unde anhe-
litia terra fieret, quî Pythia mente incitata oracula
ederet. De vino aut salsamento putes loqui, quæ eva-
nescunt vetustate. Consuli super eo argumento
 potest Theodoretus Εὐμνικ. 9εογπ. Serm. 10.
 Eadem testantur Iustinus in *Dial. adversus Iudeos.*
 Athanasius de *Human. verbis.* Augustinus de *Civir.*
 Des. Eusebius l. 7. c. 6. &. Crediderunt plerique
 ex Ethnicis, eos Spiritus quorum numine affla-
 bantur oracula, non fuisse Deos, sed Dæmo-
 nas, quibus post aliquot secula, vitæ finis esset
 constitutus. Observatu dignum est quod in
 hanc sententiam narrat Plutarchus in libello illo
 suprâ laudato: Sic apud eum Philippus quidam
 Historiographus: De morte geniorum narrationem
 audi viri nequaquam fatui aut vani Acmiliani
 Rhetoris, quem & vistrum nonnulli audiverunt.
 Is aiebat se aliquando in Italiam navigare constituisse,
 ac conscendisse navem, quæ & mercibus & multis
 vectoribus esset onusta. Sub vesperam verò cum iuxta
 Echinadas essent, ventum posuisse, navimq; incerto
 cursu propè Paxas delatam. Tum subito auditam
 fuisse vocem, quæ Thammum quendam nominatim cie-
 ret, non sine admiratione omnium. Erat autem Tha-
 mus iste Aegyptius gubernator, paucis è vectoribus de
 nomine

nomine notus. Hunc bis vocatum siluisse : tertio vocanti se dedisse, qui contentâ voce dixit : Vbi ad Polodes veneris, annuncia magnum Panem esse mortuum. Perterritos aiebat Æmilianus universos, ac inter se disputasse, præstaret ne exequi hoc mandatum, an verò omittere, neque quicquam vanè agere. Thamum autem statuisse, si ventus spiraret, tacitum se prætervecturum; sin malacia ad eum locum pervectis existeret, expositurum quod audivisset. Postquam ad Palodes perventum fuit, cum neque ventus esset, neque fluctibus mare exagigaretur; Thamum è puppi versos terram. prospexisse, ac quod inaudiverat dixisse, Ο μέγας Πᾶν τέθνηκε, Mortuus est magnus Pan. Vix dum conticuisse illum, & gemitum magnum exauditum fuisse, non vnius sed multorum, admiratione mixtum. Quod autem fieri solet cum evenit aliquid multis testibus presentibus; statim rei famam Romæ fuisse delatam; Thamumq; à Tiberio Cæsare fuisse accersitum; ac Cæsarem ita pro certo credidisse, ut de Pane illa diligenter inquisiverit. Doctos autem quos multos ille secum habebat, coniecisse eum esse qui Ælæcurio & Penelopa fuisse natus. Habuit autem Philippus testes quosdam ex iis qui tum vnâ aderant, & Æmiliani sarsenis auditores fuerant.

Quod Ethnici de Pane Deo capripede & cornigero intellixerant, cuius interitum vox

illa testata sit, id non ineptè à nonnullis Christianis ad Christi mortem, qui sub Tiberio passus est, referunt: Is enim verus $\pi\alpha\tau\epsilon\rho$, omnium author & Dominus. Eius sanè mors vim omnem Dæmonum superavit, imposturas detexit, & quocunque eius nomen & doctrina illata sunt, inde ceu ad lucem tenebræ, oracula, omnis ipforum officina, ac schemata evanuerunt; conticuerunt Dæmones vbique, & tanquam ranæ Seriphiae obmutuerunt; ac desertis nequitiae suæ latebris, cesserunt non quidem vltro, sed compulsi, omnipotentiae Christi. Verè enim Athanasius testis $\alpha\upsilon\tau\omicron\upsilon\pi\lambda\eta\varsigma$ Olim Dæ-

*Athan.
de Hu-
man.
verbi.*

monia inani specie ludibriūq; verum intricabant homines, in seſſis alibi fontibus, alibi fluviis, lapidibus aut lignis, atque ita præſtigijs fatuos in furorem agebant: nunc verò cum apparuit Dei verbum ſpectra huiusmodi & ludibria imaginum ceſſarunt. Hæc ſic prædicta erant à veris Prophetis Zachar. 13. 2. 3. *Eruñq; in illo die, dicit Deus exercituum, Excindam nomina Idolorum è terra, ne vltià eorum fiat mentio: & pseudo prophetam & immundum ſpiruum de terra auferam.*

Si poſt Chriſtum adhuc audita ſunt aliqua oraculorum reſponſa, ea certè adeò fuerunt rara, læſa & manca, vt nullo loco haberi debeant. Muſſitarunt duntaxat ad Conſtanti-

tinum

num Magnum, qui delubra in quibus Satan populos ludificabatur everti iussit; & tripodas Delphicos è latebris extractos, cum opprobrio oculis populorum exposuit, vt narrat Eusebius in eius vita. Conatus quidem est post aliquot annos Iulianus, cognomento Apostata, qui post filios Constantini orbem Romanum curavit, collapsa oracula restaurare: idem aliquot ante obitum mensibus, Apollinis oraculum, super successu belli Persici consuluit; sed nihil inde consecutum est. Ex eo nulla fuit amplius oraculorum mentio.

D 3



Iuppiter Dodonæus.



Mi Dodonæi servit timuitus aheni:
Vocales quercus atq; colomba loquax.

IUPITER DODONEVS

IUPITER ita dictus, vt nonnullis videtur, quasi iuvans pater. Verius obliquum casum IOVIS, deductum à IEHOVA Hebræorum. Ζεύς à ζῆν, id est, vivere, tanquam vitæ author; vel ἀπὸ τῆς ζεῖν, à fervore. Hunc Camum fuisse, minimum natu filiorum Noë, multis probat Clariss. Bochartus in Geogr. Sacra. Ethnici Scriptores, cum aiunt fuisse Regem Cretensium, Saturni & Opis filium, qui subditos suos innumeris beneficijs iuvit, & inter sui seculi Reges omnibus virtutibus eminuit; propter quas vita functum, non modò Cretenses, sed & reliqui populi, divinis honoribus prosecuti sunt. Eum Poëtæ & Oratores, Optimum, Maximum, Altitonantem, Ultorem, Feretrium, Olympium, Statorem, Elicium, Agonium, Alexiterium, Datorem, Hospitalem, Victorem, Capitolinum, Latialem, Dodonæum, Ammonium, varijsq; alijs nominibus cognominarunt, pro ratione officiorum quibusungebatur, aut locorum ubi colebatur.

Dodoneum appellarunt à Dodona Chao-
nia vrbe, prope quam mons erat frequentissi-
mis quercubus vestitus, Iovi antiqua religione
sacer; & in primis venerabilis, non tantum eo
nomine quod in illo luco Dryades, Fauni,
Satyriq; habitare credebantur; sed quia illic
erant quercus quædam & fagi, vel Sacerdotum
fraudibus, vel Dæmonum illusione vocales,
quæ consulentibus responsa dabant; summâq;
audientium admiratione, & magno pavore,
futura prædicebant. Inde factum, vt illæ arbo-
res, maximè quercus, Iovi sacræ fuerint. Sunt
qui, quod Dodonæ ille quercus vocales credi-
tæ sunt, naturali causa fieri potuisse autumant.
Narrat hodiernus author, anno 1653. in loco
Caumont dicto iuxta Tolosam, fuisse vltimum
quandam, quæ quasi humanam vocem referre
videbatur; eôq; confluisse magnam hominum
frequentiam: Ait se cum & huc rei indagandæ
causa venisset, observasse arborem illam con-
cavam esse, & in ea fieri echo vocis eorum qui
ad eam accedebant, vnde murmura & voces
emitti videbantur. Ac sanè vocis ac soni reper-
cussio quæ minùs in arboribus quàm saxis fieri
poterit? Voces arboribus & sylvis tribuere
solemne est Poëtis.

*Borell.
Observ.
Aled.
Phyf.*

Avia

Planxerunt Dryades, plangentibus assonat Echo. Ouid. l. 3
Met.

Rursus Hylā, & rursus Hylā, per longa reclamat Val.
Avia, respondent sylva, & vaga certat imago. Flacc.

Cæterum in luco illo Dodoneo, appensa Argon.
l. 3.
erant catenis in summitate quercuum, ahenea
crepitacula & tintinnabula, quæ vel levissimis
ventis agitata, sonitum frequentem diu no-
ctūq; reddebant. Vnde Proverbium, *Ære*
Dodoneo loquacior. Ibidem duæ servabantur co-
lumbæ quæ interrogatæ, voce humana claris
& distinctis verbis, respondebant super iis de
quibus sciscitabantur superstitiosi. Credide-
rim Dodonidas illas columbas, mulieres fuis-
se, sic dictas, quia Thessali, ut testatur Servius
in Bucolicis, tam vaticinatrices, quàm colum-
bas, vocant πελειάδας.

In Iovis autem Dodonei templi adytis, per
fatidicas mulieres, entusiasmo obseſſas, ipse
Iupiter loqui credebatur, & de rebus futuris
responsa dare,

Dicitur templum illud conditum à Deuca-
lione, & ab iis qui cum eo superfuerunt diluvio.
Fuit ibi oraculum antiquissimum omnium &
celeberrimum.



*Fuscus Arabs nostras donis solemnibus aras
Rite onerat, dum illi fata futura cano.*



IUPITER HAMMON

FVerunt innumeri Ioves, pro numero loco-
 Frû in quibus colebatur istud Idolû. Præterea
 ut omnes Romanorum Imperatores Cæsares,
 ad primi Cæsaris auspiciû; ita Ioves ad Iovis il-
 lius Cretensis Saturni & Rheæ filij omen, dicti
 sunt ab Antiquis. Hic enim præclara in mor-
 tales beneficia, maximè in Athenienses, con-
 tulisse dicitur. Nam rudes adhuc populos le-
 gibus à se constitutis parère persuasit; certa ma-
 trimonia constituit; ferino more viventes ad
 cultum Dei erexit; aras, sacerdotes & ceremo-
 nias instituit; omnia divinâ Providentiâ regi
 demonstravit. Huic itaque Græci quæ de om-
 nibus dicta sunt, vni tribuerunt.

Ammonius vel Hammonius, in Lybia spe-
 cie arietis colebatur. Huius formæ hanc cau-
 sam reddunt. Cùm Bacchus terrarum orbem
 perlustraret, tandem venit in Arabiæ deserta,
 sterilia & arenosa; per quæ dum iter facit, è
 longo itinere & æstu Solis ardentiore, sitim
 vehementissimam contraxit; itaque defectu
 aquæ jam iam cum sociis periturus, Iovis opem

implorat, qui illi in forma arietis apparuit, terramq; pede percussit, ex qua statim emerfit limpidissimi fontis scaturigo, unde biberunt omnes ad satietatem, & recreati sunt. Quare ut gratum animum testaretur Bachus, templum illic ædificavit & consecravit Iovi Ammoni, hoc est arenario; Græci enim ἀμμόν arenam vocant. Si scribitur per aspirationem *Hammon*, deduci posset ab Hebræo מן *Incaluit*, unde מן Subdiales statuae, de quibus Levit. 26. 30. Idola scilicet super tecta apposita, quæ quia Soli exposita, sic appellabantur. Fuit vero Hammoni Iovi erectum eiusmodi מן *Solarium*, simulacrum Iovis in sublimi positum.

In medio Hammonis nemoris, mirum fontem fuisse perhibent, quem aquam Solis vocabant. Sub lucis ortum tepida manabat, medio die cum vehementissimus est calor, frigida eadem manabat, inclinato in vespertinam calefcebatur, mediâ nocte fervida exæstuabat; quodq; proprius nox vergebat ad lucem, multum ex nocturno calore decrefcebatur, donec sub ipsum dici ortum, assueto tepore languesceret.

Q. Curt. Id quod pro Deo colebatur, non eandem
l. 4. effigiem habebat. Umbilico tenus, arietisimilis erat habitus: sinaragdo & gemmis coagmenta

mentatus. Hunc, cum responsum petebatur, navigio aurato gestabant Sacerdotes, multis argenteis pateris, ab utroque navigij latere pendentibus. Sequebantur matrone, virginesq; patrio more inconditum quoddam carmen canentes, quo propiciari Iovem credebant, ut certum ederet oraculum.

Loci celebritate motus Alexander, eò iter suscepit, & feliciter superatis, contra omnium opinionem, solitudinibus, quæ aquæ penuria sunt difficillimæ, arenarumq; mobilium quasi fluctibus; tandem ad sacrarium penetravit. Illic à Vatibus obvijs honorificè exceptus est. Cumq; ad oraculum substitisset, Sacerdos Hammonis vates, adeuntem Alexandrum Græcè salutare cupiens, Παῖ Δῖος, ex inscitia lingue, id est Iovis fili, cum παῖδιον, id est, filiolum, vocabulo blandientis compellare vellet, salutavit. Inde rex ambitiosus, cælestis originis gloriam captavit, cui error initium dederat, voluitq; omnibus persuasum, filium se Iovis Hammonis esse, qui cum matre Olympia sub specie draconis consuetudinem habuisset. Hinc Arabes Alexandrum *Bicornem* vocant, non tam ob partum Orientis & Occidentis imperium, quàm à cornutâ Alexandri effigie nummis exhibitâ, ut Io-

vis Hammonis filius agnosceretur.

Cæterùm Hammonem illum Iovem eundem fuisse cum Chamo Noachi filio , Docti affirmant. Hic enim, vel quia fratrum minimus, vel propter anathema a patre in illius caput contortum , in Aphricæ steriles arenas ablegatus est ; ibiq; cultus sub nomine Iovis Cham, seu Hammonis. Scribitur enim per Cheth Hebræum , quod Latini per suum H, Græci per suam aspirationem , pronunciant.




APOLLO

Apollo Pythius



*Sive Clarum, aut Delphos habiton, Delivæ natantē
Fatidico Ex adytis me nūtat ore loqui.*



APOLLO PYTHIVS.

APOLLO fuit filius Iovis Hammonis. Is est PVT vnde Pythius, Cami filius, de quo Geneſeos 6. Quanquam autem quatuor fuiſſe Apollines teſtetur Cicero, reliqui ſilentur, omneſq; eorum reſ geſtæ, ad illum vnum Hammonis filium referuntur. Huius ortum ſic garriunt Poëtæ. Cùm Latona vtero geſtaret gemellos Apollinem & Dianam, quos ex Iove conceperat; luno zelotypa more ſuo, Pythoneſ horrendæ vaſtitatiſ ſerpentem immiſit, qui gravidam proſequeretur & vexaret. Mulier poſt diutinos errores, tandem navigio delata eſt in Inſulam Ortygiã, ad ſortem ſuam Aſteriem, quæ in illa regnabat. Cùmq; ea inſula ſerè tota mari inundaretur, parturienti tamen Latonæ locum dedit, vnde *Delos* dicta, quæ *ἀδελος* erat antea. Ibi igitur enixa infantē, prima prodiit ex vtero Diana, quæ ſe ſtatim obſetricem matri, in partu Apolliniſ gemelliſ ſratriſ laboranti, præbuit. Vnde factum eſt, vt prægnanteſ in puerperio eiſ nomen invocarent; eaq; Lucina dicta eſt, quod lucem natiſ

*Lib. 3. de
Nat.
Deor.*

natis infantibus ostenderet.

Apollo natus & adultus, Pythonem matris vexatorem sagittis confecit, unde Pythium vocatum volunt. Pythici postea ludi in honorem Apollinis, ob devictum serpentem instituti sunt.

Instituit sacros celebri certamine ludos,

Pythia perdomita serpentis nomine dictos.

Ouid.

Met.

lib. 1.

Hi celebrabantur ineunte vere per totam Graciam; & quadrigis exceptis, omnia quæ in Olympicis aderant athletarum certamina.

Victores in his ludis lauro donabantur. Alij volunt *μηλα πρὶν ἱερῶν τῷ Ἀπόλλωνος* præmium fuisse, ut ait Lucianus: Verum per *μηλα* intelligi haud absurdè potest Delphica laurus, quæ maximis baccis pomorum instar, atque è viridi rubentibus esset, ut observat Brodæus.

Luc. lib.

de Gymn.

Macrobius & Plutarchus in Problematis fabulam illam occisi ab Apolline Pythonis physicè interpretantur, qui consulendi sunt. Strabo lib. 9. Pythonem sceleratum hominem fuisse, cognomento Draconem autumat. *ἵνα* Peten, aspidem aut serpentem Hebræis denotat, à quo forsan Python appellatus est.

Fuisse autem primus Medicinæ author Apollo perhibetur, proptereaquæ divinitatem

meruisse, vnde Ovidius.

Metam
l. i.

*Inventum Medicina meum est, opifexq; per orbem
Dicor, & herbarum subiecta potentia nobis.*

Fertur idem fuisse Musicæ & carminum inventor, quod ipse sibi apud eundem Poëtam arrogat.

—— *Per me concordant carmina nervis.*

Ideò illi consecrabantur cicadæ, canorum omninò animalis genus. Huic item tribuebatur sagittarum scitè emittendarum peritia. Sed inprimis celeberrimus fuit ob divinandi artem & vaticinia; eoq; nomine maxime omnium Deorum, à cunctis ferè gentibus in honore habebatur. Vnde nonnulli Pythonis Etymologiam ἀπὸ τῆς πυθάνεσται arcessunt, ab interrogando, seu consulendo; quia nemo Deorum fuit quem sapiùs consulerent, nec qui plura funderet oracula.

At cùm multis in Europæ & Asiæ locis coleretur, Delphis inprimis Phocidis vrbe, anti-qua religione venerandum habuit Templum; de quo vide *Pausaniam*; *Strabonem lib. 9.*; *Diodorum Siculum lib. 16.*, qui originem quoque Delphici oraculi describit. Nullumq; fuit totâ Asiâ magnificentius aut donariis locupletius. Nam in eo statuar plurimæ, ex auro solido & argento,
magnè

magni ponderis & artificij, à Regibus & Principibus repositæ erant, cum alijs donarijs preciosissimis. Pausanias refert, skeleton athenum admirandi artificij, appensum tholo templi fuisse ab Hippocrate. In medio Templi erectus erat tripus, in quo insidens Pythia, afflatum Dæmonis erumpentis è profundo hiatu, excipiebat; quo correpta vaticinabatur; idq; non semper, sed statis tantum temporibus, ut Idibus & Calendis mensium, vel Lunæ defectu, aut incremento; vel crepusculis, matutino & vespertino.

Qui sciscitaturi erant oraculum, consecrabantur prius solemni ritu, & mactabant victimam, quam postquam totam contremiscere, & micare cerneret Pythia, insidebat Tripodi sacro; conceptoq; Deo, Græcis verbis responsa pronunciabat.

Fuit autem Tripus, 'vt est in lib. ♣ Iliados, vas vel aureum vel æreum, quod tribus pedibus fulciebatur; auresq; siue ansas habebat, quibus apprehendebatur. Alij dicunt, Tripodas fuisse mensas in Apollinis Delphici templo, super quibus recumbentes Phæbades responsa reddebant; quas etiam mensas, *Cortinas* vocabant: Quanquam nonnulli *Cortinam*, vas esse illud.

putent tribus suffultum pedibus, in quod mergebatur Phæbas vaticinatura. Strabo censet Tripodem significare ipsum divinum domicilium fatidicæ virginis; speluncam scilicet illam profundam, in quam demersa responsa referebat.

Edebantur autem primò oracula per puellam virginem : deinde cùm illarum vna , ab Echerate Thessalo constuprata esset, sancitum est ne in posterum vlla Pythia oraculis præficeretur, nisi ætate iam provecta.

Tradit Origines in Celsum l. 7. Pythiam in tripode sedentem, per obscena excepisse spiritum Apollinis : quo accepto tumebat venter, ipsaq; furore percita, resolutis crinibus & ore spumas emittens , responsa fundebat. Inde *εργασίμβος γυνή*, à Septuaginta Interpretibus, appellatur Pythonyssa illa mulier quam consultuit Saül. Vide & Esai. 8.

Vt Diabolus Dei & hominum adversarius est, *fuitq; homicida ab initio*; ita per oracula hominū perniciem sepè suadebat, ut iam suprà observatum est. Exemplo esto inter innumera, quod Delphis respondit Ionibus, remedium adversus pestilentiam sciscitantibus; Non desituram luem, nisi immolaretur Dianæ Triclaræ Menalippus

nalippus & Cometho puella, quam ille in Dianæ delubro violaverat ; nisiq; annuatim pro Menalippo iuvenis forma insignis, pro Comethone sacrificaretur eidem Deæ, virgo specie & pulcritudine primaria.

Notum est, quo pacto Delphicum oraculum Neroni illuserit, cum interroganti de regni sui diuturnitate, respondit, *Caveret annum septuagesimum tertium.* Ille existimans se ad eam ætatem superstitem fore, securus luxui, libidinibus & feritati belluinæ se deditit: neque animadvertit eam ætatem ad Galbam referri debere, qui annos natus 73. Nerone interfecto Imperium occupavit.

Sæpè direptum fuit Templum illud Delphicum. Primò ab exercitu Xerxis : Aliquantò post Philomelus Dux Phocensium bello sacro, templi istius aurum & anathemata rapta, convertit in stipendia militum. Quæ res illi cessit improspere. Nam paulò post acie fusus à Bœotis & sauciatus, sese præcipitem dedit. Idem aggressus Dux Gallorum Brennus, grandinibus & frigore obsidione excussus, ipse se sica transfodit. Id ipsum malè cessisse Achilli Pyrrhi filio narrant. Inde Templo & Oraculo impensior veneratio, ut pote Deo vlciscente sacrile-

gia. Ista tamen Neronem exterrere non potuerunt quò minùs Templum profanaret, coniectis in specum cadaveribus. Dio author est solutum fuisse illud oraculum, hominibus ad hiatum iugulatis, vnde sacer prodibat spiritus. Imperante Constantino Magno, Christiani Delphicum templum eiusq; spolia ac instrumenta, Byzantium intulerunt; & ex tripode Delphico conflaverunt scyphos, aliaq; Imperatorij abaci instrumenta. Vnde factum vt deinceps Regum & Imperatorum abacus conivalis, *Delphicus tripus* appellaretur.

Restauravit quidem Templum Iulianus Apostata, sed brevi, eodem regnante, fulmine tactum est, & funditùs eversum.

Fuit etiam Apollini Clario celeberrimum oraculum Colophone, quæ vrbs est Ionix, quò ex tota Asia confluebant homines id de suis rebus consulturi; adeò vt ex illâ vndeque convenientium frequentia, ad amplissimas opes vrbs pervenerit. De hoc oraculo sic Tacitus Ann. 2. *Germanicus appellat Colophona, vt Clary Apollinis oraculo uteretur. Non semina illic vt apud Delphos, sed certis è familiis & ferme à Cileto accitus sacerdos, numerum modò consultantium & nomina audis: tum in specum degressus, haustâ fontis*
arcani


arcani aquâ, ignarus plerunque literarum & carmi-
num, edit responsa versibus compositis, super rebus quas
quis mente concepit. Et ferebatur Germanico per am-
bages, ut mos oraculis, maturum exitium cecinisse.

A Tacito dissentit Strabo, illi ætate compar:
Hic enim, ut observat Lipsius, ita loquitur de
hoc oraculo tanquam nullum amplius fuerit
ætate sua. Κολοφών, inquit, πόλις Ιωνική, καὶ πρὸς
αὐτῆς ἄλλος τῷ Κλαεῖδ' Ἀπόλλωνιος, ἐν ᾧ καὶ μαν-
τεῖον ἦν ποτε παλαιόν. Colophonij autem, ut
hoc obiter observem, in equestribus certami-
nibus adeò præstabant, ut quibuscunque sociis
se adiunxissent, ij sibi certam victoriam polli-
cerentur. Vnde natum proverbium quando
summa manus alicui operi imponenda erat,
Addere Colophonem.

Reddidit præterea sortes Apollo Patara, vr-
be Lyciæ. Item Milet.



*Nemo nisi nostris agelastus prodit ab antris
 Fatidici qui vim pectoris intus habet.*



TROPHONIVS

TROPHONII originationem deducit Doctiss. Bochartus à Syro טורפא tauropho, quod pro consternatione passim occurrit. Radix est טרף Teraph, *Turbari*, *Consternari*. Fuit enim huic antrum, quò quisquis descenderet oraculum consulturus, multo tremore attonitus redibat, κατὰχος τῆς δειματι, vt testatur Pausanias ipse expertus. Vnde illud Aristophanis in Nubibus.

————— ὥς δ' ἔδδ' αὖ ἐγὼ
Εἶσω κατὰ βαίνων, ὥσπερ εἰς Τροφονίαν.

————— *Quàm totus tremens*
Descendo, sicut ad Trophonij specum.

In quem locum Scholiastes; *Qui eò descendit, non ridet amplius, propter terrorem ex serpentibus.* Hinc Proverbium de morosis & tetricis, *In Trophonij antro vaticinatus est.*

Tradunt autem Trophonium virum fuisse supra modum gloriæ famelicum, qui extructo sibi subterraneo fano & domicilio, Lebadix Bœotix oppido, illic oracula reddebat; deinde cùm ibi ille fame interiisset, genium quen-

dam in speluncam illam demigrasse, atque oracula reddere perrexisse.

Picturæ Trophonij affingi solet apum examen, hac occasione. Cùm propter pluviarum defectum, magna esset fames & annonæ penuria in Bæotia, consuluerunt Apollinem Delphicum: Hic respondit, *Opus esse Trophonij Lebadiensis consilio.* Eò missi sunt Legati, quibus ignotum erat, ut pote neglectum, Trophonii antrum. Incertis sese offert senex quidam nomine Saon, divinandi peritus, qui monet Bæotos ut apum examen, quod opportunè sese offerebat, ducem sequerentur, & ubi subsideret, illic esse locum quem inquirerent. Illi examen hilares sequuntur, & ubi apes substituerunt, antrum animadverterunt terra & crebris coopertum sentibus; quibus remotis, Genium loci religiosè salutarunt, responsum super quaesitis acceperunt, & ex præscripto oraculi, illic ædem sacram struxerunt.

Oracula reddebantur supra montem, in nemore densis arboribus consito. Consulturis vatem cum magna difficultate per scalas angustas & teretes in antrum miranda altitudine depressum, tetrum & horridum, descendendum erat. Huc se demittebant vel nudi, vel
alba

alba veste aut purpura amicti , gestantes placentas , quas lemuribus subterraneis & serpentibus obicerent , vt descendere & revocare gradum liceret. Sed priusquàm descenderent, variis sacrificiis numen litabant , & per multos dies quotidianis aquæ calidæ lavacris corpus abluebant.

Statua Trophonij, cuius hic species exhibetur , extra Templum erecta erat , in loco eminentiore, vt ab omnibus coli posset; sed clathris & mucronibus ferreis vndeque septa , ne quis eam contingeret.

Aliud fuit Templum Trophonio dicatum Thebis, vaticinio clarum.





*Turpe Effet nobis artes nescire paternas;
Quas me inspiratus Pythius edocuit.*



BRANCHVS

BRANCHVS fuisse dicitur Apollinis filius, quem ex Iance suscepit. Is cū adoleuisset, matrem obnixè rogavit vt sibi patrem declararet & ostenderet; cū itaque ad Apollinis amplexum venisset, hic contemplatus filium singularibus animi corporisq; dotibus exornatum, non mediocriter delectatus est huius conspectu. Apollo filij capiti coronam imposuit, virgamq; ei donavit quā fultus vaticinari cæpit, futura prædicens & poscentibus oracula reddens. Hunc Apollo suis præfecit sacris, & per eum oracula edidit. Postquàm Branchus per multos annos sacerdocio functus esset in templo Apollini Didymæo prope Miletum sacro, extrema senectute decedens è vita, ad superos relatus est, communi Milesiorum decreto; communibusq; ceremoniis, honoribus & templo, cultus est cum Apolline. Vnde & ipse Deus *Branchides* appellatus est, Templum *Branchidarum*, & Sacerdotes *Branchidae*. Idem nomen inditum est ipsis populis, apud quos hæc oracula edebantur. Templum

autem Branchidarum, sumptu & opibus non
cessit Delphico. Hoc oraculum à Iamblico
descriptum est libro de Mysteriis Aegyptio-
rum.




SEPARIS

Serapis sive Dis Pater.



*Lux æterna mihi est. Græcus sive Pluto Serap̃
Ægyptus: Ditem Gallia prisca Vocat.*



SERAPIS

Hist.
Eccl. l. 1.
c. 23.

SERAPIS Latinis, Græcis *Σαράπις*, qui & Apis & Osiris dictus, Idolum fuit magna in veneratione apud insanum Aegypti populum: Θεὸν ἐπιτροχίσματα nuncupatum fuisse ex veteri constat epigrammate. Hunc Iosephum fuisse colligere est ex eo quod modius capiti superimponeretur, ut est apud Ruffinum. Cum autem variæ causæ afferantur, maximè placet quam is subiungit, frugum largitatem eo indicari, & sic fictum simulacrum ob divisionem frumenti quo fanis tempore subvenit Aegyptiis.

De huius idoli origine, in varia fuerunt opinionum diversitate Veteres. Alij Iovem esse putabant, cuius capiti modius super impositus, quia vitam mortalium frugum largitate sustentat. Alij Nili fluminis virtutem repræsentari affirmabant, cuius opibus & fecunditate, Aegyptus pascatur. Alij denique, ex veteribus Græcorum historiis constare aiunt, Serapidem regem fuisse Aegypti, qui rudes adhuc homines ad mitiorem vitæ cultum traduxit, colendarum

darum vinearum & agrorum rationem docuit, famis tempore alimenta subditis præbuit, multiq; vtilibus inventis populos beavit. Ideoq; eum dum viveret summo honore exceptum fuisse, & occisum à Typhone fratre, in numerum Deorum relatum. Typhonem verò, ceu parricidam omnibus contumeliis insectabantur Aegyptij, & quia is sulvo crine erat, omnes rufi apud eos ludibrio erant.

Macrobius vult Serapin Solem esse ; ideò *Lib. 1. Satur. c. 20.* radiis quasi solaribus circumfufum caput huius idoli repræsentabatur. Et fortè Serapis ab Hebræo *צר* *Saraph*, quod est adurere, (vnde Seraphini Angeli) deduci posset.

Colebatur autem Serapis sub forma bovis, quòd istud animal sit omnium ferè utilissimum. Bovem illum, quem Apin vocabant, Sacerdotes indictis feriis & solemnifto, adorandum populo proponebant. *Erat verò Apis* *Am. bos corniculantis Luna specie latere dextro insignis, Marc. l. 21.* ut ait Amm. Marcellinus; & iuxta Strabonem *Strabo* *Albus erat frontem, & parvas quasdam corporis* *l. 17.* partes, cætera niger; eumq; non coitu pecoris, sed cœlesti igne, seu radiis lunaribus conceptum nugabantur. Illi certum vitæ terminum excedere non licebat, quo peracto antistites

eum in sacrum fontem, id est Nilum, demergebant & necabant; indictoq; iusticio per totam Aegyptum, veste scissa, capillo derafo vitâ functum cum planctu lugebant. Alio tandem invento bove, qui eiusdem coloris esset, publica lætitia promulgabatur, & sacrificia conviviaq; à populo cum hymnis & tripudiis passim celebrabantur. His ceremoniis animam Osiridis sub imagine viventis bovis colebant.

Ab hoc Api seu bove, vituli aurei idololatricum cultum traxisse Israëlitas, sentiunt Veteres Patres; ut & Ieroboamum, qui aram Vitulo in Dan sacrauit, non longè à Iordanis fonte; quo illa Bovis imagine, sibi populum retineret, firmaretq; Aegyptiacæ superstitionis memoriam.

Qui omnes de Apide nugas cupit, adeat *Herodotum in Thalia*, & *Euterpe*. *Strabonem lib. 17.* *Plinium Hist. Nat. 8. cap. 46.* *Solinum cap. 35.* *Melam. 1. c. 9.* *Ammiani Iulianum.* *Suidam.* *Spartiani Adrianum.* *Diodorum Biblioth. 1.* *Luciani Caron.* De statua verò illa Memnonis quæ in Templo Serapidis radius Solis icta vocalem sonitum edebat, vide *Plinium l. 36. cap. 7.* *Pausaniam in Atticis.* *Strabonem lib. 6.* *Tacitum Ann. l. 2.* *Philostratum in Apollonio*, qui eam statuam ait
se

se vidisse in Aethiopia, cùm tamen certum sit
in Aegypto fuisse, iuxta illud Satyrici.

*Quis n. scit, Volusi Bithynice, qualia demens
Aegyptus portenta colat? &c.*

Dimidio magica resonat ubi Memnone chorda.

Sumptuosissimum autem illi fuit templum
Memphi: aliud item celeberrimum Alexan-
dria, de quo Ammianus cùm eius memoran-
da recenset, *His, inquit, accedunt altis sublata
fastigiis templa; inter quae eminet Serapium, quod li-
cet minuatur exilitate verborum, atriis tamen colum-
nariis amplissimis & spirantibus signorum figmentis,
& reliqua operum multitudine ita est exornatum, ut
post Capitolium, quo venerabilis Roma se in aeternum
attollit, nihil orbis terrarum ambitiosius cernat.* Ad
horum exemplum illi quoque fana dedicarunt
reliqui populi, Athenienses, Spartani, Bæo-
thi, aliq;. Cùltus præcipuè fuit Romanis, à
quibus Serapis vnà cum Iside vxore in nume-
rum Deorum relatus est. Illiq; fuit templum
Romæ Serapium dictum, de quo Srabo; ibiq;
extrema cum lascivia cantabant & tripudia-
bant viri & mulieres.

Hoc idolum supersticiosè in primis colebat ^{Tac.}
Vespasianus, ut legere est apud Tacitum & ^{hist. l. 4.}
Suetonium. Contra cùm illi fidem non ha- ^{Suet.}
^{Vest. c. 7}

buiſſet Cambyſes Aſſyriorum Rex, Apinq; enſe in fœmore percuſſiſſet, vt ſi flueret ſanguis deprehenderetur non eſſe Deus, ſacrilegij pœnas dediſſe fertur, & rabioſus obiſſe. De futuris ab eo petebantur oracula, & reſponſa dabat. Nonnunquam ex ſolo illo Bove ſacro captabantur omina. Si pabulum oblatum à ſciſcitantibus placidè & voluntariè excepifſet, eventus proſperos præſagire credebatur; ſi verò averſaretur & abnueret ſumere, ſiniſtrum erat omen: quod expertum eſſe Germanicum refert Plinius, è cuius manu oblatum pabulum noluit ſumere; id enim illi brevi futuram eadẽ, quæ & evenit, præſignificaffe ait.

Plin. l. 8
cap. 46.

Ab hoc oraculo deluſus eſt Hannibal, cui de fatiſ ſuis interroganti reſpondit.

Λιβύατα κρύψει βῶλος Ἀνιβὰ δέμας
Libyſſa teget gleba Hannibal ſ corpus.

Quod Haunibal ſic interpretatus eſt, quaſi ipſius corpus in Lybia, id eſt in Aphrica componi deberet, & moriturus eſſet in patria ſua, à qua extorris erat. At Oraculum innuebat Libyſſam fluvium Bythinix, in quo paulò poſt Hannibal venenum hauſit, ne in manus Romanorum veniret.

Ficti iſtius Dei Idolum tanta veneratione,
tantoq;

tantoq; metu colebatur, vt vulgò crederetur, si quis id præter Antistites contigisset, subito terram in voragines horrendas apertum iri, quibus profanus ille sacrorum violator absorberetur. Eaq; licet vanissima opinio, multos Christianos pavore perculerat. Cùm enim Theodosius edictum promulgasset de Idolo *Ruff. Hist. Eccl. l. 2. c. 23.* Serapidis diruendo, milites Christiani quibus lege agere mandatum erat, coram eo meticulosi stabant, nec attingere audebant; cùm demum vnus arrepta securi insurgens omni nisu, statuam Dei veteratoris frustulatim conscidit, & conscissam igni dedit, nullo suo periculo. Invaluerat præterea opinio apud Aegyptios, inundationem Nili, ex qua fœcundatur tota regio, Serapidis providentia procurari. Verùm post eversionem Templi & eius simulacri, tanta secuta est Nili exundatio, tantaq; terræ vberitas, vt anteaëtis seculis nulla vnquam maior visa esset.

Non minore autem superstitione colebatur Isis, Osiridis vxor; vt quæ corporibus morbos immittere crederetur, de qua Iuvenalis Satyra 13. l. 5.

*Decernat quodcunque volet de corpore nostro
Isis, & irato feriat mea lumina sistro.*

Sacra etiam Isiaca, in vtriusque coniugis honorem excogitata sunt. Quia verò horum factorum mysteria testata esse decebat, & plebi incognita; ea silentio regebantur. Ideo Silenij statua quæ *Sigalion* dicebatur, in altaris principio erigebatur: ob eamq; causam Sphyn gum simulacra ad altaris angulos addebantur, quæ arcanam rerum sacrarum cognitionem denotabant.

Isidi item conditum erat Templum Romæ in campo Martio, de quo Iuvenalis Sat. 6.

*A Nicroë portabit aquas, ut spargat in adem
Isidis, antiquo quæ proxima surgit ovili.*

Eam cum marito solebant anserere colere & popano, id est placenta tenui, lata & rotunda, teste Herodoto lib. 2. Eratq; in eo templo argentea serpens cui superstitioni fundebant preces; si propicium numen esset, id motu capitis serpens illa indicabat: ita enim Iuvenalis ibidem.

Ille petit veniam &c.

*Et movisse caput visa est argentea serpens
Illius lacrymæ; meditataq; murmura præstant,
Vt veniam culpæ non abnuat, anserere magno
Scilicet, & tenui popano corruptus Osiris.*

Anubis quoque Osiridis & Isidis filius, in maxima

xima veneratione erat superstitiosis illis bestiis
Hunc canino capite effingebant, & sub ea specie colebant, quod in insigni canem gessit: de hoc sic idem Iuvenalis Sat. 6.

*Ergo hic præcipuum summumq; meretur honori
Qui grege linigero circumdatus, & grege calvi
Plangentis populi currit derisor Anubis.*

Derisorem vocat, quia nebulo ille sciebat talibus sacris populum ludibrio haberi; & *calvum gregem*, quia huius, ut & Osiridis sacra celebrantur, capillum funditus deradebant.


Canem coluerunt Aegyptij, iuxta illud Poëtæ.

Oppida tota canem venerantur, nemo Dianam;
Idq; ideò quia canis, Osiridis à fratre trucidati cadaver indagavit; quâ de causâ in sacris Osiridis & Anubis, canes præcedebant. Sanè in tanto apud eos cultu erant, ut tota domus in qua canis extinguebatur, toto corpore raderetur, quod maximum apud Aegyptios luctus indicium. *Lactantius de fals. sap. lib. 5. cap. 20.*

Proteus Oceani et Tetiſis filius .



*Audit ambiguus Aegyptus Protea Verbis
Narrantem summi miſtica ſenſa Iovis .*



PROTEVS

PROTEI fabula nota est ex Homero *Odysf.* 4. & Virgilio *Georg.* 4. Narrant fuisse Neptuni & Phœnicæ nymphæ filium, eundemq; Neptuni pastorem. Morabatur sub ingenti specu. Ibi ei mos erat sub meridiem gregem suum Phocarum numerare, atque deinde somno se tradere. Is vates præstantissimus & veluti term maximus habitus est, qui non futura solummodò, sed & præterita ac præsentia noscet; de eo enim sic Virgilius.

Georg. 4.

Ceruleus Proteus &c.

—— *Hunc & Nymphæ veneramur, & ipsæ
Grandævus Nereus; novit namq; omnia Vates,
Quæ sint, quæ fuerint, quæ mox ventura trahantur.
Quippe ita Neptuno visum est.*

Hunc tradunt responsa dedisse poscentibus non minùs certa quàm Apollinem, idq; non solum postquam defunctus ad Deos translatus est, sed dum in vita superstes erat. Qui autem opera eius uti volebat, is non alio modo apud eum valere poterat, nisi manicis comprehensum vinclis constringeret. Ille contrà, ut

se liberaret, in omnes formas, atque rerum miracula se vertere solebat; vt nunc animal, quandoq; ignis, aut aqua, aut quid aliud videretur. Virgilius.

*Hunc vbi correptum manibus, vinclisq; tenebis:
Tum variae illudent species, atque ora ferarum.
Fiet enim subito sus horridus, atraq; tigris,
Squamosusq; draco, & fuluâ cervice leana:
Aut acrem flamma sonitum dabit, atq; ita vinclis
Excidet; aut in aquas tenues dilapsus abibit.
Sed quando ille magis formas se vertet in omnes,
Tantò, nate magis contende tenacia vincla.*

Inde natum adagium Πρωτέως ποικιλώτερος,
Proteo mutabilior, aduersus vafros & versipelles.
Huius figmenti varij varias afferunt causas.
Diodorus Siculus lib. 2. Herodotum secutus,
ad Aegyptiorum Regum morem id refert, quibus familiare fuit, draconis, leonis, tauri, pardii vel alicuius feræ partem priorem capite gestare, vt populis terribiles viderentur: aliquando ignem, vel aromata, aliaq; quæ ad decorem facerent, aut superstitionem aspicientibus iniicerent. Aiunt verò Proteum Iliaci belli tempore, quum Aegyptus rege careret, in regem assumptum esse, quem Cetea appellarunt; laudatumq; fuisse vt Principem iuris humani diviniq;

diviniq; cultorem insignem ; religionis , iusticiæ, recti æquiq; observantissimum.

Lucianus, Protea illum se commutantem *Luci. Comm. de Saltat.* in diversas rerum facies, non alium intelligit quàm saltatorem eximium, aut pantomimum, ad effingendum quicquid omninò collibuisse, velut Empusa, docilem. Alij virum sapientissimum fuisse autumant , qui scripserit de Plantis, de Lapidibus, de Elementorum mutatione mutua, & quo modo illa sint principia omnium nascentium, quæ modò arbores fiunt, modò herbæ, vel animalia.

Alij sensum fabulæ ad abdita Naturæ , & conditiones materiæ referunt. Sub PROTEI *Baco de Sap. Nat* enim persona, inquit, Materia significatur omnium rerum post Deum antiquissima. Materia autem sub Cœli concavo , tanquam sub specu habitat. NEPTVNI verò mancipium est, quia omnis Materiæ operatio & dispensatio in liquidis præcipuè exercetur. Pecus, sive Grex PROTEI, non aliud videtur esse quàm species ordinaria Animalium, Plantarum, Metallorum, in quibus Materia videtur se diffundere, & quasi consumere; adeò vt postquàm istas species effinxerit, & absolverit, tanquam penso completo, dormire & quiescere videat.

tur, nec alias ampliùs species moliri, aut parare. Atque hæc est *Protei* pecoris numeratio, & subinde somnus. Hoc autem sub meridiem non auroram & vesperum fieri dicitur, id est, cum tempus iam venerit, quod speciebus ex materia debitè præparata, & prædisposita perficiendis, & excludendis maturum sit, & quasi legitimum & inter rudimenta earum, & declinationes medium; quod nos satis scimus ex Historia sacra sub tempus ipsum creationis fuisse. Tum enim per virtutem illam verbi divini, *Producat*, Materia ad imperium Creatoris, non per ambages suas, sed subito confluit & opus suum in actum perduxit, ac species constituit. Atque huc usque fabula narrationem suam de *Proteo* libero, & soluto cum pecore suo, complet. Nam vniversitas rerum cum structuris, & fabricis specierum ordinariis, est Materiam non constrictam, aut devinctam, & gregis materiatorum facies. Nihilominus si quis peritus Naturæ minister, vim adhibeat materiam, & materiam vexet, tanquam hoc ipsi destinato & proposito, ut illam in nihilum redigat: illa contra in tali necessitate posita in miras rerum transformationes & effigies se volvit & vertit: adeò ut tandem in orbem se mu-

tet, & periodum impleat, & quasi se restituat,
 si vis continuetur. Eius autem constrictionis,
 seu alligationis ratio magis facilis erit, si materia
 per manicas comprehendatur, id est, per ex-
 tremitates. Quod autem additur in fabula,
Proteum Vatem fuisse, & trium temporum.
 gnarum; id cum materiæ natura optimè con-
 sentit. Necesse est enim vt quæ materiæ pas-
 siones, & processus noverit, rerum summam,
 & earum quæ factæ sunt, & quæ fiunt, & quæ
 insuper futuræ sunt, comprehendat, licet ad
 partes & singularia cognitio non extendatur.

Palifci Iovis et Thaliæ filij



*Pingue sacrificium Siculis celebrate Palifcis,
Trinacriam sterilem ut fertilitate beent.*



PALICI

THaliam Vulcani filiam, præstantis formæ Nympham à Iove adamatam fabulantur: à quo & compressa est. Hæc ubi se vterum gestare agnovit, metuens Iunonis adversus pellices crudelitatem, cum gemitu & lacrymis assiduò mortem exoptabat; imò conceptis verbis ut terra sibi dehisceret, oravit. Factum est, eam terra in sua viscera recepit & abscondit, tantisper donec expleto partus tempore, gemellos pareret, qui reclusa terra emerferunt, appellatiq; sunt *Palici*, ἀπὸ τοῦ πάλιν ἐκείθεν, quòd in terram priùs merfi, denuò inde reversi sint, ut ait Macrobius *Saturn. l. 5*. Sed has esse gerras Siculas, probat Doctiss. Bochartus *Geogr. l. 1. c. 18*. ideo à poëtis confictas, ut è Græcâ linguâ Palicorum nomen peterent; quod ille affirmat esse planè Punicum. Ῥαλίχιν Palichim enim vel Pelichim, à Ῥαλίχ pelach, quod colere & venerari Syris significat, deducit; ut Palichim quasi colendos sonet: quo eos epitheto Aeschylus insignivit, σεμνὺς Παλίχους, *Venerabiles Palicos* vocans. Narrant enim adultos iuvenes, sui ævi homines omni

virtutum genere longè superasse, & populares suos innumeris adiuvisse beneficiis: Ideoq; defunctos, prima veneratione cultos esse in Sicilia vbi nati dicebantur. Eos enim in cælum receptos vita æterna frui, supremæ Divinitati assidere, & communicata à Deo potestate genus hominum conservare, seq; invocantibus adesse in rebus adversis, affirmabant. Palicos, inquam, vt Deos Penates & Πενίους, quorum se numinibus protegi putabant, venerati sunt Siculi. Templum illis erexerunt, Sacerdotes instituerunt, qui eorum laudes quotidie decantarent, iisq; sacra facerent. Cum fatidicos crederent, eorum oracula studiosè requirebant. Iuramenta de rebus magni momenti circa duos lacus è quibus emeruisse dicebantur, exigi solebant; vbi præsens & efficax numen ostendi credebatur. Nam si quis falsò deiceret, eum eodem in loco acerbissimis cruciamentis, spectantibus omnibus, torqueri proditum est. Silius lib. 14.

*Et qui præsentem domitant periura Palici
Pectora supplicio.*

Palicorum venerationem auxit insuper, quod cum in sterilitate, Siculi Heroi cuidam sacra fecissent, ita iubente Palicorum oraculo,
redii

rediit agrorum fertilitas, vt refert Macrobius. His tantum sibi authoritatis conciliarunt vt non modò Siculi, sed circumvicinæ regiones Palicos prima religione coluerint, ceu Deos Alexicacos. Eorum fanum multis ditavit donariis stulta veterum superstitio. Atque illud describit Diodorus lib. ii. tanquam magnificè extructum porticibus & aliis diversoriis splendide ornatum. Servosq; addit à Dominis eò confugientes, habuisse asylum inviolabile. Vrbs quoq; *Palice* horum nomine est ædificata. Circa eorum aram choreas agitabant puellæ coronatæ floribus, sparsisq; capillis; tibicines melos concinebant, circumfusâ populi coronâ & applaudente.

Mercurius Trismegistus.



Quòd Iove sis genitus magno, vis enthea mentis
 Divinae, et coeli cognitio alta probat.

MERCURIUS TRISMEGISTUS

TRadunt Mercurium Trismegistum patrē habuisse Philonem, qui ex Proserpina filia, quam in balneo compresserat, generavit hunc filium; cū verò eum exponere cogitaret propter incesti dedecus, vatem quendam consuluisse, qui respondit puerum ex filia natum, fore maximum & doctissimum rerum divinarum interpretem, cuiusq; nomen inter homines celeberrimum. Philo tali accepto responso, mutavit sententiam, puerumq; summā curā educari & liberalibus omnibus disciplinis institui curavit; adeò ut propter doctrinam & ingenii acumen omnibus admiratione brevi moverit. Ideo Sol dictus est, quod quasi esset lumen mundi, ob præstantem rerum omnium scientiam. *Theut* ab Aegyptiis vocatus est. *Trismegistus* autem Græcis, id est, *Ter Maximus*; vel quia Trinitatis mysterium primus inter Ethnicos agnovit, ut vult Suidas; vel quia & Philosophus maximus, & Sacerdos maximus, & Rex maximus exstitit. Mos enim erat Aegyptiis, ut Plato scribit, ex Philosophorum

numero Sacerdotes, ex Sacerdotum cœtu Reges eligere. Ille igitur, quemadmodum acumine atque doctrina Philosophis omnibus antecesserat, sic Sacerdos inde constitutus, sanctimonia vitæ divinorumq; cultu, vniuersis Sacerdotibus præstitit; ac demum adeptus regiam dignitatem, administratione legum, rebusq; gestis, superiorum regum gloriam obscuravit. Inde *ter Maximum* dictum putant. Nomen eius proprium ob reverentiam quandam pronunciare vulgò ac temerè non licebat. Primus tamen anni mensis apud Aegyptios, nomine eius cognominatur. Is si Iamblico fides, scripsit librorum plùs triginta sex millia: quadraginta duos tantum numerat Clemens Alexandrinus, qui horum cætalogum accuratè instituit *lib. 6. Stromatum*. Ex his Theologiam suam, & quicquid habet de Creatione mundi, se hausisse fatetur Sanchoniathon. In illis quædam habentur scriptis Mosis valdè consona. Non, vt statuunt nonnulli, quod Moses ea à Trismegisto, quem putant Pharaonis tempore præcessisse, mutuatus sit; fuit enim Moses Θεοδιδάκτος; sed ea didicit Hermes à Chaldaïs, Iudæis, & Aegyptiis, qui hanc doctrinam à primis Patribus, quasi per manus acceptam, & diu

diu in sua puritate servatam, retinuerunt; quæ paulatim Dæmonum astu & hominum negligentia, obscurata est & extincta. Multa itaque scripta reliquit Trismegistus, *De cognitione rerum divinarum; De vno Deo; De omnium rerum per Filium creatione; De Providentiâ*, & aliis. Cæterum quin nonnulla à Christianis ficta, & Hermeti falsò adscripta sint, non est dubium. Qui enim Pimandri nomine liber inscribitur, prorsus supposititius est & adulterinus: nam de Christo multa adeò clara prædicat, ut non ab Ethnico homine, Mose, ut creditur, antiquiore, sed à Christiano aliquo concinnatum esse, totalibri textura demonstret. Hermes autem diu præfuit Aegyptiis, iisq; leges ac literas tradidit; literarum verò characteres in animalium, arborumq; foliis instituit. In eius honorem ædificarunt Aegyptij Hermopolim, *id est*, Mercurij urbem; *Hermes* enim apud Græcos est *Mercurius*. Post obitum, pro Deo creditus est & divinis honoribus cultus, non modò in Aegypto, sed per totum terrarum orbem, templis illi arisq; & sacrificiis dicatis. Inter cæteras eius statuas, una fuit lapidea in Achaia Pharis, quæ oracula reddebat. Ad eam sub vesperam thus incendebatur in ara, lucer-

78 MERCURIUS TRISMEGISTVS
næ replebantur oleo, & ad dexteram simulacri
manum, reponebatur nummus aheneus, pre-
cesq; auribus Idoli obmurmurabantur : Qui-
bus ritè peractis, sciscitantes discedebant è
Templo, obturatis auribus; egressiq; foras,
quam primò vocem, apertis auribus excipie-
bant, responsi loco interpretabantur, tanquam
à Mercurio emissam.


TELEMVS



Telemus Eurjmi filius



Inspirante Deo Fatonum arcana recludo,
 Lymphatum quoties enthea flamma subit.



TELEMVS

T*elemus* Neptuni & Erumæ Nymphæ filius, vnus fuit è Cyclopibus, qui ita dicti sunt à rotundo orbiculatoq; oculo, quem vnum habebant, eumq; in fronte positum, à κύκλος orbis, & ὤψ oculus. Telemum, ab alijs fratribus, pietatis studio & animi moderatione, longè diuersum fuisse tradunt; tantumq; abesse vt cum fratribus in Superos conspiraverit, qui ideò fulmine iæti sunt, vt contra religionis & cultus Deorum, obseruantissimus fuerit. Ideò virtutibus suis, Cælitibus, Apollini inprimis charissimus fuit, qui illi divinandi scientiam tribuit; vt eius consilio vterentur homines tanquam Dei consilio, Inter alias prædictiones, fertur Polyphemo fratri prænunciassse, venturum Vlysssem qui illum lumine privaret, ob contemptum Deorum & tyrannidem. Ovidius Metam. l. 12.


*Telemus interea Siculum delatus in aequor,
Terribilem Polyphemum adit; lumenq; quod vnū
Fronte geris mediâ, rapiet tibi, dixit Vlysses.*

IAPYX

Iapyx Iafij filius.



Venturos casus præstare et dicere causas,
Auguria et lauros noscere Apollo dedit.



IAPYX

IApygem Dædali, vel vt alij volunt, Iasii filium, scientiâ vaticinandi illustrem celebrant Poëtæ. Hunc Apollini dilectum fuisse, & artibus variis ab eo donatum, Medicina, Musica & Augurio, his canit Virgilius *Aeneid.* 12.

*Iamq̃ aderat Phæbo ante alios dilectus Iap̃yx
Iasides, acri quondam cui captus amore
Ipse suas artes, sua munera lætus Apollo
Auguriũ cytharamq̃ dabat, celereſq̃ sagittas.*

Medicinæ etiam se inprimis addixit, vt leuaret parentem iam senem & infirmum, vt ibidem Maro.

*Ille vt depositi proferret fata parentis,
Scire potestates herbarum, vsumq̃ medendi
Ætaluĩt, & mutas agitare inglorius artes.*


Hinc, vt observat Servius, *Iap̃yx* aptum nomen medico, nam *ιατρίαι* Græci dicunt curare. Ab hoc Iapyge, *Iapygia* dicta est pars Apuliæ, à quâ & Iap̃yx ventus est nominatus; qui de Apulia flans, optimè ad Orientem ducit. Vide *Servium in Aen.* 8. Ideo utilis Athenas petentibus ex Italia. *Horat.* l. 1. *Ode* 3.

TIRESIAS

Tyresias Thebanus.



Iuno abcecavit sed nū pro lumine adempto
Iuppiter omrapotens scire futura dedit.



TIRESIAS

Vulgò nota est ridicula Tiresiæ fabula; quia tamen is nomen obtinet inter vates Ethnicos, suus illi hîc debetur locus. Thebis Bœotiis natus dicitur, & inter suos primarius. Cùm fortê in Citherone monte Bœotix vagaretur meditabundus, incurrit in duos angues simul cœuntes: quo spectaculo offensus, scipione quem tunc manu gerebat, fœminam percussit & interemit. Dij quibus illi serpentes facierant, Tiresiam in fœminam commutarunt. Tum sexu alio adscito, verecundiâ suffusus, Thebas revertitur, & inter mulieres per septennium versatur. Verùm cùm in Citheronem iterùm ascenderet, ex serpentibus quos priùs viderat, marem offendit, quem baculo illisum interfecit; subitoq; sensit se masculinum sexum recuperasse. Contigit aliquandiu postea, vt Iupiter nectare diffusus, per pocula, vt fit, cù Junone iocos agitans, assereret in coitu maiorem esse mulierum, quàm quæ contingit maribus voluptatem. Illa negabat, cùmq; uterque contenderet suam sententiam veram esse, optimum

optimum factu iudicatum est, vt iocosa liti dirimendæ, ascisceretur arbiter. Placuit Tiresiam accerfiri, qui vt sexum vtrumque expertus erat, optimè omnium pronunciare posset. Is ad consilium Deorum admissus, & sententiam rogatus, dicta Iovis firmavit. Hoc iustò gravius, nec pro materiâ, doluisse fertur Iuno, & iudicem excæcatum æterna damnasse nocte. Iupiter cùm non posset factum vxoris infectum reddere.

—— *Neque enim licet irrita cuiquam*

Facta Dei fecisse Deo

pro visu adempto, divinationis scientiam Tiresiæ largitus est,

Scire futura dedit, pœnamq; levavit honore.

Ovid.

Ille per Aonias fama celeberrimas vrbes,

Irreprehensa dabat populo responsa petenti.

Huius celebratur vaticinium de Narcisso, cùm ad eius parentes de fato filij consulentes, respondit, *Tandiu superstitem fore puerum, quandiu à sui conspectu abstineret.* Quod de Apollonio Tyanco alijq; infrà dicetur, id ipsum de Tiresia traditum, intellexisse scilicet avium, omniumq; aliorum animalium sermonem. Fuit verò Pyromantis vel Capnomantis, id est ex eorum Magorum genere qui observabant sacrificij

ignem & fumum, item rogi; & ex eo divinabant. Sic enim Papinius de Tiresia in 7 *hebaïd.* lib. 10.

*Ille coronatos iam dudum amplectitur ignes,
Fatidicum sorbens vultu flagrante vaporem.*

Capnomantiâ vfos ludæos, & considerasse an fumus qui ex victimarum sacrificio ascende-
bat, rectus ascenderet an in obliquum ver-
geret, docet Theophylactus in *Ose. capite 4.*
Tiresiam vt insignem Necromantem descri-
bunt Seneca Tragicus, & Statius. Ille in *Oedi-
po*, canit in nemore obscuro densitate arbo-
rum, Tiresiam Laii manes magicis artibus eli-
cere tentasse.

———— *Funesto, inquit, integre
Vates amictu corpus, frontem quatit.
Lugubris imos palla perfundit pedes &c.
Vocat inde manes, teq; qui manes regis,
Et obsidentem claustra lethalis lacus.
Carmenq; magicum volvit, & rabido minax
Decantat ore, quicquid aut placat leues
Aut cogit umbras.*

Statius hoc ipsum Tiresiæ elicium describit
copiosissimè, aitq; eum solitum huic præcipuè
divinationi relictis aliis vacasse. Carmine hoc
magico invocat Infernum seu Tartarum.

Tartarea

*Tartaræ sedes & formidabile regnum ,
 Mortis inexpleta , tuque ô servissime fratrum ,
 Cui servire dati manes , æternaq; fontum
 Supplicia , atque infamulantur regia mundi.
 Solvite pulsanti loca muta & inane , severæ
 Persephones &c.*

Cùm verò exire cessarent Manes , nec moram ferret Tiresias, hisce indignationem testatur.

*Atque hic Tiresias , nondum adventantibus
 umbris ,*

*Testor , ait, Divos quibus hunc sacravimus ignem,
 Iam nequeo tolerare moram. Cassus nê Sacerdos*

*Audior ; an rabido iubeat si Thessala cantu
 Ibitis ? &c. Nostri cura minor ? &c.*

*Ne tenues annos , nubemq; hanc frontis opacæ,
 Spernite , ne monco ; & nobis nocere facultas.*

Tiresias longam adeptus senectutem , & amplissimis honoribus à Græcis ob prædictionum certitudinem ornatus , ad montem Telphossum secessit ; vbi privatus reliquum vitæ exigeret , remotus ab urbanis tumultibus. Sub eo monte , fons scaturit limpidissimus , & frigiditate sua noxius ; de cuius aquis , vt ait Aristophanes , cùm Tiresias iam gravi pressus senio largiter bibisset , sanguine congelato &

coalescente extinctus est; ibidemq; structo sepulcro tumulatus.

Illi post mortem Græci divinos honores tribuerunt, & sacrificia quotannis instituerunt; responsaq; petiverunt multis ceremoniis ab eius manibus. Homerus *Odyss.* 10. introducit Vlysses evocantem animam Tiresiæ, ut ab ea edoceretur de rebus futuris.

Mopsus nepotem habuit, vaticinandi scientia avo non inferiorem. Is fuit Sibyllæ Manto filius. De quibus infra.

Plutarchus affirmat suo tempore defecisse Tiresiæ oraculum, & velut feriatum conticescere.

MOPSVS

Mopsus Apollinis filius



*Nescius est Calchās Caprificus in arbore poma
Quot gerat: Hoc verbus exprime; victor eris.*



MOPSVS

STrabo *Cosmograph. l. 9.* tres commemorat
 Mopfos: Lapitham Argonautarum naviga-
 tionis comitem: Alterum a quo Attica, Mop-
 sophia est appellata: Denique Mopsum Apolli-
 nis & Mantus fatidicæ mulieris filium. Hic ab
 utroque parente vaticiniorum scientiam edo-
 ctus, de futuris ad eò certa reddidisse fertur o-
 racula, ut in Proverbium abierit, *Mopso certior*,
 de eo qui citra errorem futura prædicebat.
 Hic ipsum Calchantem, augurem alioqui exi-
 mium, divinandi scientia superasse traditur.
 Aiunt enim Calchantem cum Amphilocho
 Amphiarai filio, terrestri itinere è Troiano bel-
 lo redeuntem, in Mopsum incidisse; cumq;
 inter se de divinandi peritia decertarent, quæ-
 sivisse à Calchante Mopsum, quot in obvia ar-
 bore ficus essent, quod ille se ignorare fassus
 est: Vicissim Calchantem sciscitatum de præ-
 gnanti sue oblata, quot gestaret porculos;
 Mopsum illicò tres esse dixisse, & ex ijs vnam
 fœminam; quod exenteratâ scrofâ verum esse
 deprehensum est: Calchantem cum Mopso
 palmam

palinam cedere cogeretur, pudore & agritudine obijisse.

Super Mopsi morte ita cecinit Apollonius
Argonaut. 4.

Εἴθα ὃ Ἀμπυκίδην αἶψά ἐν ἡματι Μόψον
Νηλεὺς ἔλε πότμος, ἀδευκέα δ' ὅφρ' ἔφυγεν αἶψαν
Μαιτοσυώαις, ὃ γὰρ τις ἀποτροπὴν θανάτοιο.

Id est — *Ubi & Ampycidem die illa Mopsus
Cruelis mors abstulit, amarulentum verò non
vitavit fatum*

Uaticiniis; non enim mortis evasio ulla.

In Libya obiisse, nec mortem prævidisse suam,
testatur Seneca in Medea,

—— *Serpens Libycis arenis
Omnibus verax, sibi falsus vni
Concidit Mopsus, caruitq; Thebis.*

Ibi *serpens*, ut observat Cælius Rhodiginus, non
est verbum, sed participium. Est enim verbo-
rum structura, *Mopsus serpens*, Id est, oberrans
& vagabundus, obiit in Libya.

Plutarchus *De defectu Oraculorum*, scribit
Mopsus post mortem, habuisse *Manteium*, sac-
cellum in quo responsa dabat. Lactantius eum
augurio eatenus nobilem scribit, ut post mor-
tem Templâ quoque ei sint dicata, quæ ora-
culi gratiâ sæpè adirent homines.

Calcas Thestoris filius.



*Numina prædixi sacris placanda Dianæ:
Pergama et ante annos non nutura decē.*

CALCHAS

CAlchas divinandi scientia Græcorum celeberrimus Augur, fuisse dicitur nepos Apollinis, Thestoris filius. Hunc Agamemnon Græcorum Imperator secum duxit cum adversus Phrygiam profectus est, Helenam Menelai fratris vxorem à Paride, Priami Troianorum regis filio, raptam, repetiturus. Ea in expeditione variis responsis claruit Calchas. Primò in Aulide, dum enim illic colligendis copiis & congregandæ classi, moratur Agamemnon, fortè in venationem profectus, imprudens cervum Dianæ sacrum interficit. Vnde irata Dea, contrariis ventis Græcorum navigationem retardat. Calchas ea de re consultus respondet, Dianam nonnisi Agamemnonis sanguine placari posse. Filiam itaque suam Iphigeniam, Dianæ immolandam tradit Agamemnon.

Iterùm dum in Aulide adhuc erant Græcorum copię, & sacra institueret Calchas, vidit serpentem per arboris ramos sinuoso volumine irrepentem in nidum passerum, ex quibus

novem depastus est cum ipsa matre. Hoc augurio Calchas prædixit Græcis, Troiam nonnisi post decennalem obsidionem captum iri. Hunc casum sic enarrat Homerus *Iliad.* β, ut Latine convertit Cicero *de Divinat. lib. 2.*

*Argolicis primum ut vestita est clasisbus Aulis
Qua Priamo cladem, & Troia, præstemq̃ ferebāt,
Nos circumlatices gelidos fumanibus aris,
Aurigeris divūm placantes numina tauris,
Sub platano umbrifera, fons unde emanat aqua,
Uidimus immani specie, tortuq̃ draconem
Terribilem, Iovis ut pulsū penetravit ab ara:
Qui platani in ramo foliorum tegmine sæptos
Corripuit pullos: quos cū consumeret octo,
Nona super tremulo genitrix clangore volabat:
Cui ferus immani laniavit viscera morsu.
Hunc, ubi tā teneros volucres, matremq̃ peremit,
Qui luci ediderat, genitor Saturnius idem
Abdidit, & duro firmavit tegmine saxi.
Nos autem tumidi stantes mirabile monstrum
Uidimus in mediis divum versatier aris.
Tum Calchas hæc est fidenti voce locutus.
Quidnam torpentes subito obstupuistis Achivi?
Nobis hæc portenta Deūm dedit ipse Creator,
Tarda & sera nimis: sed fama ac laude perenni.
Nam quot aves tetra maculatas dente videtis:*

Tot

*Tot nos ad Troiam belli exantlabimus annos,
Quæ decimo cadet, & pœna satiabit Achivos.
Edidit hæc Calchas.*

Denique dum Græci Troiam obsidebant, exorta est in castris gravis pestilentia, qua exercitus paulatim peribat. Consultus Calchas respondit, Apollinem iratum immisisse hanc luem in Græcos, ob non restitutam Chryseæ Apollinis sacerdoti filiam, quam captam detinebat Agamemnon. Suasum igitur Calchantis, Achilles Chryseidem ademit Imperatori & Chryseæ patri restituit; quo facto desit lues.
Hom. Il. 4.

Eiusdem Calchantis consilio se destinatum aræ querebatur apud Virgilium, stropharum artifex Sinon.

De Calchantis obitu dictum est in Mopso. Filiam habuit Lampusiam illam fatidicam, de qua infra.

Idmon Apollinis et Asteries filius.

*Divinandi artem genitor me instruxit Apollo
Ictus at a Libyco nil minus argue vado.*

IDMON

Produnt Pindarici Interpretes, Argonautas illos qui Iasonem secuti sunt in expeditione Colchicâ, ut aureum vellus inde reportarent, tribus vſos vatibus, Mopſo, Idmone, & Amphiarao. Quidam Idmonem non alium eſſe à Mopſo volunt, & Mopſum *Idmona* appellari, ob multam rerum & vaticinij peritiam. Nam & qui proprio nomine Theſtor dicebatur, antiquitus *Idmona* nuncupatum, ob inſignem experientiam, teſtis eſt Apollonij Interpres; quod Chamæleontis comprobat authoritate. Plerique tamen volunt Idmona Vatem fuiſſe Apollinis & Asteries filium, qui à Phœbo parente divinandi ſcientiam accepit, & in ea clariffimus evaſit.

Cùm Principes Græciæ conſilium iniſſent de auferendo vellere aureo quod Colchis aſervabatur, de quo erat in fatiſ, regnum illud florentiſſimum fore, ubi cuſtodiretur integrum; Idmon prædixit Græciſ, eos voti compotes futuros, ſi Diis faventibus profectionem in Colchos ſuſciperent. Placatiſ igitur Superis,

sacrificiisq; solemniter peractis, consilio Minervæ monitus Idmon, navem maiorem quam eo tempore fieri consueverat, fabricari curavit: facta igitur est ea navis ex roboribus Dodoneis, quæ olim vocalia fuisse & oracula reddidisse fama erat. Confectam affabrè, omnibusq; ad navigationem necessariis instructam, conscenderunt Argivi, qui Argonautæ dicti sunt, ab Argo nave. Quinquaginta quatuor fuisse Argonautas tradunt; e quibus præcipui fuerunt Iason, Hercules, Zetes & Calais, Castor & Pollux, Orpheus, Mopsus, Theseus, Telamon, Idmon & Argus architectus, qui navem fabricaverat. Cum ergo ad Colchos appulissent, & vellus aureum ab Aëthe rege petiissent, iisq; esset denegatum; bellum illi intulerunt. Erat vellus illud in Templi penetralibus appensum, quod Fauni æripedes, flammivomi, & indomiti, Dracoq; pervigil horrendæ magnitudinis, custodiebant. Hæc impedimenta cum superare perdifficile esset, Medea Aëthes regis filia, Iasonis amore capta, illum monuit quò pacto tauros domare, & vigilem draconem sopire posset; quibus sæliciter peractis, vellus aureum abstulit, & in Græciam detulit Iason. Observat Clar. Bochartus, navem

vem *Argo* dictam, non vt vulgò creditum, ab *Argo* conditore, aut ab Argivis in ea vectis, sed à voce Phœnicum *Arco*, vel *Argo*; permutari enim passim C. & G. *Argo* autem navis, longam navem significat, quâ tum primùm vsi sunt Græci; cum ante Iasonem, rotundis duntaxat navibus vterentur. Hinc Plinius lib. 7. c. 56. *Longa nave Iasonem primùm navigasse Philostratus auctor est.* Id & addam ex eodem Bocharto. A Poëtis navem *Argo* loquacem fictam, utpote constantem è ligno Dodoneæ silvæ quod humanas voces fundere dicebatur: qui error natus est à verbo דבר, quod Ebræis *loqui* significat, & *regere* seu *moderari*, quia animos sermone regimus & moderamur. Inde דובר (dobera) *loquentem*, si participium, si nomen est *ratem* sonat, quæ regitur & gubernatur: & Ebrææ voces דבר טון, tam reddi possunt, *Lignum loquax*, quàm, *lignum quod navem regit.*

Caterùm Idmonem periisse ab apro percussum, scribit Apollonius. Qui serpentis morsu interiisse tradunt, ex perperam intellecto Senecæ in *Medea* loco suprà laudato, falluntur. Mortem autem suam præscivisse & prædixisse Idmona, affirmat Apollonius Argonauticon primo.

Αὐτὰρ ἐμοὶ θανέειν τυγερὴν ὅππῃ δαίμονος αἴσῃ,
 Τηλόηι πῶς πέπρωται ἐπ' ἀσίδος ἠπείροιο.

Id est. — *At mihi emori odiosi Daemonis fato,
 Procul sancitum est in Asidis continente.*

Sic Seneca in *Medea*.

Ite nunc fortes, perarate Pontum

Sorte timenda:

*Idmonem, quamvis benè fata noscet
 Condidit.*

AMPHIARAVS

Amphiaræus Oiclei filius.



*Quid uat ostendisse tuis tua funera natis,
Diræo absorptus si moriære solo?*



AMPHIARAVS

MOPSO & IDMONI, expeditionis Cholchidę comitem Amphiaräum subiungimus. Hic Oecly filius, originem longâ maiorum serie ad Iovem referebat. Inter Gręcos Vates excellentissimus habitus est : Item in re militari fortitudine & prudentia clarus. Pausanias ait Amphiaräum interpretandorum somniorum scientia præcellentissimum fuisse, eundemq; futurorum cognitionem per somnia constituisse. Ad huius autem oraculum qui pergebant, purgari primùm oportebat. Purgatio erat vt Deo res sacra perageretur, cui & omnibus quorum nomina in arâ sculpta erant sacrificabat. His peractis, mactati arietis pellis substernebatur, atque ita soliti dormire, captantes somnii interpretationes. Ad quod alludens Virgilius *Aen.* 7. de Latino loquens, ait.

Pellibus incubuit stratis, somnosq; perivit.

Pelli itaque incumbentes & dormientes, in somnis audiebant aut videbant ea quæ sciscitanti erant : eaq; à vate sacerdote explicabantur.

Amphiarao

Amphiarao autem post obitum, propter divinationis peritiam & fatidica consilia, templum erexerunt Oropii in Atticâ, honoresq; divinos & aras, ac sacerdotes decreverunt. Templum ex candido marmore præstanti arte constructum est, ad quod ex tota Græcia conventus erat maximus, oraculum poscentium. Philostratus in *vita Apollonij Tyanæi lib. 2.* tradit eos qui responsa ab Amphiarao petebant, diem integrum à cibo, & triduum à vini potu abstinuisse. Refert Plutarchus in *vita Aristidis*, ante pugnam illam Plataensem, Mardonium Persici exercitus ducem, misisse servum suum ad Amphiarai delubrum, ut pugnae eventum exploraret. Cum igitur servus ille noctu in victimæ spolio procumbens dormiret, per quietem sibi visus est adstare sacrorum Antistes, qui iuberet templo excedere, non enim licere barbaro in loco sacro cubare; cum verò Persa cunctaretur, recusaretq; recedere, Sacerdos visus est cum vi extrudere velle, & lapide impetiturum humi prostravisse. Somnium hoc pugnae exitum depinxit, nam paulò post, commisso prælio ad Plataeas, Mardonius ictu saxi percussus, occidit.

In templo Amphiarai quod Thebis erat,

nulli Thebano captare vaticinia licebat. Causam hanc referunt. Dum adhuc esset in vivis Amphiaras, eligendum Thebanis proposuit, utrum mallerent se uti vate, vel propugnatore & defensore. Thebani responderunt, malle se eum habere auxiliatorem; vaticinia ab Apolline qui Delphis erat, captaturos. Ideò post Amphiarai mortem, nefas fuit Thebano cuiquam, in eius delubro somniis vaticinia exposcere. *Herodot. l. 8.*

Cùm Græci, Polynici adversum fratrem Eteoclem Thebanorum Regem auxilio irent, Amphiaras eò vocatus est, sed cùm præsciret, se si ad id bellum proficisceretur moriturum, ut fata vitaret; conscia vxore Eriphyle, se abscondit in locum abstrusum, ubi diu latuit. Tandem verò avara mulier, accepto torque aureo à Polynice, maritum latentem prodidit. Abstractus itaque è latibulo Amphiaras, Thebas in militiam proficisci coactus est, ubi & occubuit. Refert enim Plutarchus, aquilam eius hastam abreptam sustulisse in altum, moxq; demisisse; eam verò terræ impactam lauri speciem præbuisse. Insequenti die, hostibus acri prælio ibidem congregientibus, terræ hiatu repentino haustum cum curru (quod

ἀρμα dicunt Græci) Amphiaräum periisse.
 Conditam postea ibi urbem, Harmatis cognomine insignem. Verùm aliam huius nominis rationem assignat Clariss. Bochartus, cuius hæc sunt verba; *Harma Bæotia locus erat columnis septus, propter vatem Amphiaräum hiatus terra ibi absorptus ita execrandus, ut fama sit neque aves illis columnis insedisse, neque feras herbam attigisse in intercolumnio illo crescentem. Harma igitur non à curru, ut volunt, sed ab execratione dictus; id enim est Phœnicium* הרמא *Harma.*

Geogr.

Sacr. p. 1

c. 16.

Strab.

l. 9.

Paus. in

Bæot.

Caterùm Eriphyle quæ marito necem accersiverat, id non impunè habuit; Alcmaeon enim filius, cui antequam proficisceretur Amphiaræus, perfidiam matris declaraverat, statim atque fatum patris audivit, matrem Eriphylem interfecit; in eam impius factus, ut mortem patris vlcisceretur.

Ita autem præcellens vates habitus est Amphiaræus, ut in proverbium abierit apud Amm. Marcellinum, *Si quid, inquit ille, in penetrabili secreto, nullo ministrorum præsentē, paterfamilias uxori in aurem susurrasset, velut Amphiaræo referente, aut Marrio, quondam vatibus inclitis, postridie discebat Imperator.*

Hunc affirmat Statius lib. 8. intellexisse voces
 avium.

Jovis Hetruscus Harufrex



*Fulminis agnosco motus, Venasq; calentes
Fibrarum, atq; avium mobile remigium.*

ARVNS

PLVIRIMI in Hetruria divinandi scientiam per auguria & aruspicia coluerunt. In his è primis eminuit Aruns Augur & vates celeberrimus; de quo Lucanus lib. 1.

Hæc propter placuit I huscos de more vetusto

Acciri vates : quorum qui maximus ævo

Aruns incoluit deserta mania Luna :

Fulminis edoctus motus , vena sçq̃ calentes

Fibrarum , & cursus errantis in aëre penna.

Quoniam verò in Augures incidimus , de iis nonnulla præfari haud abs re erit. Augures propriè avium garritum observabant : Auspices, volatum; sed crebrò confunduntur. In avibus autem garritus, volatus & pastus observabantur. Avium aliæ erant oscines , quæ cantu seu garritu ; aliæ præpetes, quæ volatu putabantur prædicere ; harum rursus variæ erant differentiæ , funebres, cliviæ, arculæ, volscræ, remores, inebræ, aliæq̃; multæ , de quibus *Plinius l. 10. c. 13. 14. 18. Cellius l. 6. c. 6. Servius in Virgil Aen. 2. Festus in voce Oscines.*

Auguria captaturi cœlum eligebant purum

& serenum. Lituum, qui erat baculus incurvus augurale signum, manu tenebat Augur, quo cœli regiones designabat, & metas intra quas contineri debebant auguria, metiebatur. Templum vocabantur illæ metæ, à contemplando. Post absolutas preces, velato capite, toga duplici augurali candida, confidebant; intentisq; ad cœlum oculis, attentè expectabant si quæ signa sese offerrent. Si obiiceretur avis aliqua, considerabant quo volatu ferretur, an obliquo, vel prono, vel supino motu corporis. Item, ad dextram vel ad sinistram canerent oscines.

Præterea gallinacei ad auguria captanda servabantur clausi caveis, loco sacro. Pullarius summo mane & primo diluculo, imperato de more silentio, caveâ reclusâ, offam pullis exhibebat: quod si ad oblatum cibum involarent galli, & avidè eum depascerentur, ita ut ex eorum rostro aliquid laberetur & terram paviret, quod tripudium faceret solistimum, ex eo Augur felicem rerum successum à Deo promitti asserbat.

Divinabant etiam aruspices & extispices, ex inspectione viscerum victimarum, quas exenteratas diligentissimè explorabant; imò ipsas
ranas.

ranas. Iuven. — *Ranarum viscera nunquam*

Inspexi. Maximè circa hepar curiosi erant, *Iuven. Sat. 3. l. 1.*
quod in eo vaticiniorum sedem propriam putabant; Alias quoque viscerum partes, vt cor, folliculum fellis, lienem, pulmonem, exta, non minori sedulitate contemplabantur, an omnia convenirent. Nisi enim omnia congrua essent, alienati numinis signa portendebant; si verò erant integra, Deos benevolos promittebant. Nugacissima commenta! quorum tamen neglectui, Romani clades P. Claudij & Lucij Iunij, bello Punico primo; & Flamini bello secundo, tribuère.

Collapsam hominum socordiâ miram hanc scientiam & Reipublicæ adeò necessariam, pro singulari sua sapientia, restituit Claudius Imperator, *Retulis ad Senatum*, inquit Tacitus, *Tac. Ann. l. 1.*
per collegio haruspicum, ne vetustissima Italia disciplina per desidiâ exolesceret: sapè adversis Reipublicæ temporibus accitis quorum monitu redintegrata ceremonias, & in posterum rectius: Primoresq; Etruria spontè aut Patrum Romanorum impulsu retinuisse scientiam & in familias propagasse: quod nunc segniùs fieri, publica circa bonas artes socordia, & quia externa superstitiones valseant. Lata quidem in praesens omnia; sed benignitati Deûm gratiam referen-

dam, ne ritus sacrorum inter ambigua cultis, per prospera oblitterarentur. Factum ex eo S. C. viderent Pontifices, quæ retinenda firmandaq; Haruspicum. Vide Polybium l. 1. Val. Maximum l. 1. c. 4. T. Livium l. 22. Ciceronem de Divin. l. 1. & 2. & de Nat. Deorum.

TAGES

Tages.



*Nil sine me Hetruscus sacris intentus Haruspex
Aggreditur: leges quem docui augurij.*

TAGES

FVIT Tages, vt Beroso placet, Noæ trinepos
 ex Camo; filius Aruntij. *Carol* ab Etruscis
 appellatus est, ad quos se recepit, quosq; in sa-
 cris, divinatione, auguriis, & aruspicina insti-
 tuit. *A Came*so enim, id est Camo, inquit idem
 Berosus, per manus hac scientia ad posteritatem, lon-
 go temporum intervallo pervenerat; semperq; cere-
 moniarum, superstitionumq; adiectione in
 immensum creverat.

*De Nat.
 Deor. l. 2*

De Tage Cicero ita tradit, *Tages* quidam di-
 citur in agro Tarquinienſi, cū terra araretur, & sul-
 cus altius eſſet impreſſus, exiſſe repente, & eum affa-
 sus eſſe qui arabat. Eius aſpectu cū obſtupuiſſet bu-
 bulcus, clamoremq; maiorem cū admiratione edidiſſet,
 concurſum eſſe factum, totamq; brevi tempore in eum lo-
 cum Hetruriam conveniſſe. Tum illum plura locutum
 multis audientibus, qui omnia eius verba exceperint,
 literūq; mandaverint. De eodem ſic Ovidius *Me-
 tamorph. l. 15.*

*Haud aliter ſtupuit, quā cū Tyrrenus arator
 Fatalem glebam mediis aſpexit in arvis,
 Sponte ſua primū, nulloq; agitante moveri,*

Sumere

*Sumere mox hominis, terraq; amittere formam;
Oraq; venturis aperire recentia fatis.*

*Indigenæ dixerunt Tagem, qui primus Hetruscum
Edocuit gentem casus aperire futuros.*

Hic itaque à parente edoctus, brevi celeberrimus evasit, & aruspicinam, extispiciorum scientiam ac sacrificiorum ritus sic excoluit, ut eorum primus author habitus sit; quod & Lucanus testatur his verbis,

*At fibris sit nulla fides, sed conditor artis
Finxerit ista Tages.*

Nec has modò superstitiones Hetruscos docuit, sed & remedia quibus arcerentur tempestates, sedarentur venti, & grandines averterentur ab agrorum finibus. Nempe averti grandinem, tempestatem, & lolium ipsum à segetibus, si quis crocodili pellem, vel vituli marini per spatia possessionis circumferat; aut si ubi instare malum videt, oblato speculo, imaginem nubis accipiat; aut si ad limites agri caput asini sua pelle nudatum, affigat. Verba sunt Columellæ,

*Ipsa novas artes varia experientia rerum
Et labor ostendit miseris, ususq; magister
Tradidit agricolis ventos sedare furentes,
Et tempestates Hetruscis aversere sacris.*

*Hinc mala rubigo virides ne torreat herbas,
Sanguine lactantis catuli placatur & extis.
Hinc caput Arcadici nudum cute fertur a selli,
Tyrrenus fixisse Tages in limite ruris.*

Eiusmodi ἀποτεγπαία & malorum averruncatoria, non soli Ethnici vsurparunt, sed & alij. In hoc censu repono Iudæorum phylacteria, & Pseudo-Christianorum amuleta, characteres, figuras, cruces, reliquias, cereas agni effigies, Scripturæ sacræ testimonia, cantiones magicas, ligaturas, aliaq; eiusmodi collo appensa, per quæ se custodiri ac servari à malis Superstitiosi credunt. Ista tanquam impia & ab Euangelij doctrinâ aliena, abjicienda sunt. Magicas enim superstitiones sapiunt, quibus Diabolus illudit hominibus.

Cæterum aruspicia & extispicia illa, quorum auctores fuerunt Aruns & Tages, tantum æstimabantur apud Romanos, ut de his integros libros conscriptos servarent Pontifices, ad quorum normam oportebat omnia agi. Prædictiones futurorum inde colligebant, quæ instar oraculorum apud eos habebantur; neque quicquam aggrediebantur, quin prius sacrificiorum hos ritus, accurata indagatione perlustrassent. Credebant enim victimas, notis monitricibus affici à Diis quibus immolabatur.

Asylas Augur Hetruscus



*Ut pecudum fibras, præsagi fulminis ignes
Et linguas volucrum, sideraque alta rego.*



ASYLAS

ASYLAS & ipse Hetruscus, auguriorum scientiæ magistrum habuit celebrem illum Tagem; fuitq; ob divinandi scientiam & extispicium clarus. Hunc sic commendat Virgilius Aen. 10.

Tertius ille hominum Divumq; interpret Asylas.

Cui pecudum fibra, cali cui sydera parent,

Et lingua volucrum, & præsagi fulminis ignes.

De cœli syderibus & fulmine meminit Poëta, quia Augures non modò aves spectabant, sed & cælum ac meteora. Primò enim observabant cœli aspectus & influxus; & ex Astris, quibuscum analogiam esse ad singulas ætates hominis, corporis partes, & animi quoque affectiones affirmabant, de variis eventibus vaticinabantur. Exempli gratia, cùm de morbo vel sanitate consulentium præsagire nitebantur, attendebant ut ætati eorum convenientem Planetam deligerent; verbi causa, seni Saturnum; adolescenti Mercurium; viro Iovem: deinde etiam Planetam cupiditati uniuscuiusque respondentem; ut Martem iracundo

cundo; Venerem libidinoso &c. Præterea Signum quod parti corporis quam iuvare vel lædere cupiebant, præesse sibi fingeant: Si capiti Arietem; si pedibus Pisces. Quæ omnia utcumque vana & stolidi, non modò in usu fuerunt apud Augures Ethnicos, sed & hodiè à variis usurpantur. Apud Laertium meritò ridetur ab anu domestica Thales, qui cum domo exiret contemplandorum syderum causa, in subiectam fossam incidit, *Quid enim, inquit anus, quæ sunt in cælis te comprehensurum arbitraris, qui ea quæ sunt ante pedes videre non vales?* Hoc hominum genere nihil stolidius,

Quod est ante pedes nemo spectat: cæli scrutantur plagas.

Scitè ridet Thomas Morus quendam Astrologum mæchæ maritum, qui cum futura ex astris se prævidere iactaret, domesticum dedecus ignorabat. His in eum ludit,

*Astra tibi æthereo pandunt sese omnia vati,
Omnibus & quæ sint fata futura monent.
Omnibus ast vxor quod se tua publicat, id te
Astra, licet videant omnia, nulla docent.*

Ex meteoris etiam captabant vaticinia aruspices; contemplabantur enim tonitrua; si ad lævā vel impari numero intonuisset; si ab or-

tu fulmina circularentur ; si circumacta per
cælum in eandem partem reflecterentur ; vel si
vibrata è nubibus à terra resilivissent ; Si cre-
bris ignibus fulsissent ; Si è cœlo sereno tonuisset ;
Si ab Occasu, vel per Septentrionem in Occa-
sum ferrentur fulgura, & alia eiusmodi.

Habebant autem Augures lucos & aras, &
peculiaria sacra ad elicienda fulmina, quæ vel
bruta dicebantur vel fatidica.

OLENVS

Olenus Calenus



Quod caput effossum Tarpeio in monte videtur
 Summi illi fasces denotat Imperij.

OLENVS CALENVS

Olenum inter præcipuos Hetruriæ Vates & Aruspices numerant Historiæ. Is enim dicitur prædixisse qualis futurus esset Romani Imperii status. Nam cùm Tarquinius Superbus Capitolinam arcem conderet, in fundamentis inventum est caput humanum, vel ut alij malunt, equinum. Quâ de re Aruspices ex Hetruria convocati & consulti sunt, Olenus Calenus inter cæteros, vates præstantissimus, & in Aruspicinæ scientia optimè versatus: Is asseveravit, caput hoc quod inventum erat, portendere summam Monarchiam & imperium vrbi, cui totus orbis subiiceretur; idq; propagatum iri, & incrementa sumpturum bello. Esse enim equum animal generosum, pugnis & conflictibus gaudens. Auguris responsum Romani faustum sælixq; sumpturum; arcem Capitolium vocaverunt, vel ab invento capite equino, vel quod mundi caput futura esset. Exitus postea comprobavit, non falsam aut vanam fuisse prædictionem. Vide *Plinium lib. 28. cap. 2.*

HELENVS

Thyodamas Melampodis filius.



*Confuerat mecum magnorum arcana Deorum
Partiri, et visas Amphiaræus aves.*



THYODAMAS

Plin.

l. 25. c. 5.

MElampus ille Medicina clarus, qui filias Præti Argivorum Regis, quæ furiis agitatae se vaccas credebant, propinato elleboro sanavit; ex vxore Amphianassa genuit Thyodamanta. Hic præstans fuit Medicus, Augur & Vates celeberrimus: de quo Statius lib. 8.

*Insignem fama, sanctoq; Melampode cretum
Thyodamanta volunt; qui cum ipse arcana Deorum
Partiri, & visus vni sociare solebat
Amphiaraius aues: tantaq; haud invitus artis
Gaudebat dici similem, iuxtaq; secundum.*

Aiunt eum intellexisse voces avium, & cum illis fuisse colloctum.

HELENVS

Helenus Priami filius et Hecubæ.



Repuereis ne fidat aguis Pyrrhum instrue Regno.
Tandem et Hectorea coniuge gratus erit.



HELENVS

EX numerosissima illa prole, quam suscepit Priamus Rex Troianorum ex Hecuba vxore, vnus fuit Helenus. Hunc augurem præstantissimum vocat Homerus *Iliad* ζ.

Πειραμίδες Ἐλένος οἰωνοπόλεως ὅχ' ἄειτος.

Adeum authorem refert Suidas χειροσκοπικὰ vaticinia, cùm ex manuum lineamentorum consideratione, futuræ sortis status prænunciatur. Is dum obsidebatur Troia, non modò populares suos consiliis & prædictionibus iauit, sed & fortiter cum hoste dimicauit. *Iliad*. N. Prædixit Ilj excidium sicut & Cassandra soror, suadebatq; Priamo patri vitandis tantis malis, vt Helena, quæ belli causa erat, restitueretur Menelao marito: huius cùm respuisset sana consilia Priamus, Paridi filio gratificari cupiens, capta est Troia & diruta, tota ferè Asia deleta, tamq; numerosam prolem miserrimus Priamus cum regno & vita amisit. Helenus reliquis fratribus aut cæsis aut captivis, ipse Pyrrho Achillis filio sorte obtigit: huic charissimus fuit, propter prudentiam & vaticinandi scientiam quâ

quâ excellebat. Cùm Principes Græci reditum in patriam pararent, illis prædixit Helenus naufragia & adversos casus, nisi varia quæ suadebat sedulo caverent; cùm verò illi monitis non paruisent, plerique ad Caphareum fluctibus absorpti sunt. Pyrrhus verò Heleni monitis obtemperans, felici navigatione in patriam reversus est.

Redux Helenum honorificè excepit; illi quæ Andromachem Hectoris cæsi viduam, desponsavit; concessit quæ regni sui partem in montanis Epiri, ubi ipse condidit urbem ad similitudinem Troiæ, in qua profugum Aeneam excepit hospitio. Hunc consuluit Aeneas de futuris eventibus, ut ipse narrat Aeneid.3.

*His vatem aggredior dictis, ac talia quæso.
Trojugena interpret divûm qui numina Phæbi,
Qui tripodas, Clarij lauros, qui sydera sentis,
Et volucrum linguas, & præpetis omina pennæ:
Fare, age &c.
— Hac deinde canit divino ex ore Sacerdos.*

Laocoon Priami & Hecubæ filius



*Eventus rerum incertos prædicere nostrum est.
Hoc nahi Tymbræus manus Apollo dedit*



LAOCOON

Hic quoque Heleni frater, Priami & Hecubæ filius, Apollinis Sacerdos, Vates nobilis, & rerum scientia insignis habitus est: afflatus enim numine Apollinis futura prædixit. Lugendo verò casu periit in Troiæ expugnatione. Cùm enim equum illum ligneum vastitatis immensæ fabricassent Græci, quem armatis oppletum, ceu Minervæ sacrum, in urbem ruptis mœnibus invexerant; Laocoon vates multùm reclamavit, & ait hoc inclusos ligno occultari Græcos Duces, aut machinam in muros & urbis excidium fabricatam esse asseruit; imò hastam sumptam suminis in latus equi contorsit viribus, quo ictus, auditus est armatorum crepitus. Sed quò minùs Troiani prudentis vatis prædictionibus obtemperarent, prohibuit portentum. Dum enim in fatalem machinam vociferatur Laocoon, & ferro Argolicas fœdare latebras suadet, Ecce gemini angues sibilantes & linguas vibrantes qui

——— agmine certo

Laocoonta petunt; & primum parva duorum

*Corpora natorum , serpens amplexus uterque
 Implicat , & miseros morſu depaſcitur artus.
 Poſt illum auxilio ſubeuntem ac tela ferentem
 Corripiunt , ſpiriſq; ligant ingentibus &c.
 Ille ſimul manibus , tendit divellere nodos,
 Perfuſus ſanie vittas , atroq; veneno,
 Clamores ſimul horrendos ad ſydera tollit.*

Exin dracones fugiunt ad Palladis delu-
 brum, ſeq; ſub pedibus Deæ, & clypei ſub or-
 betegunt. Tum omnes pavidi iuſtas pœnas
 dediſſe Laocoonta dixerunt, & ſcelus expen-
 diſſe, qui haſtam intorſiſſet tergo Minervæ ſa-
 cri equi. Cùm itaque fatalem illum equum
 intra muros admiſiſſent Troiani: Duces Græ-
 corum noctu ex equo ſe promunt; invadunt
 urbem vino ſomnoq; ſepultam; cædunt vigiles,
 portisq; patentibus excipiunt ſocios, agmina
 conſcia iungunt, & Troianos ad internecio-
 nem delent.

Prylis Mercury filius



*Ille ego sum, Vocitat tellus quæ Lesbia Pryli
Qui Xerxem in Græcos arma movere fero*



PRYLIS

MEntio equi Troiani mihi Prylem vatena
 Min memoriam revocat: hic enim à Pala-
 mede delinitus donis, istum modum edocuit
 quo Troia expugnaretur; equi Durij, *hoc est*
 lignei rationem præmonstrans, intra quem
 delituerunt audacissimi & solertissimi Græco-
 rum Duces. Fuit verò Prylis, Cadmi sive
 Mercurij filius, & Issæ nymphæ; qui ab A-
 polline cuius sacris præerat, spiritu Pythonico
 afflatus, oracula reddebat. Inter cætera quæ
 illi tribuuntur, hoc memorabilius est, quod
 Græcis prædixisse fertur, ex Asiæ regionibus
 venturum regem potentissimum cum infinitis
 armatorum myriadibus, qui totam Græciam
 inundaret: verùm hunc Monarcham à Græ-
 cis, numero longè inferioribus, vincendum.
 Hoc vatis effatum Græcis animos excitavit,
 cùm Xerxes bellum Græciæ intulit, eôq; venit
 cum multitudine militum & classiariorum
 propè innumerabili. Herodotus *lib. 6.* ultra ter
 vicies centena millia fuisse prodit: vt non im-
 meritò proditum sit, flumina ab exercitu eius
 siccata,

siccata, terras pelago pontibus iunctas, omnemq; Græciam vix capiendæ multitudini fuisse. Verùm iuxta vaticinium Prylidis, tanti exercitus in Græciam introitus, quàm terribilis, tam turpis ac fœdus discessus fuit. Ad Salaminem enim navali prælio superatus est à Themistocle, qui vix secum quatuor millia hominum ducebat; idq; tanta suorum clade, & ignominia, ut Xerxes parva scapha effugiens, vix se in Asiam receperit.

Pythagoras.



Quicquid Pythagoram nescisse fatemur, a ipso
 Nemo hominum potuit pectore percipere.



PYTHAGORAS

INter Vates Pythagoras nomen proficitur
 suum. Imò Aristippus Cyrenæus , teste
Diogene Laërtio , ait illum, *Pythagoram* idcirco
 appellatum, quod veritatem perinde ac *Pythius*
 ipse loqueretur. Augur præterea fuit, & Ma-
 gus, quod testantur Plinius & Plutarchus. Pro-
 ditur enim memoriæ , quum supervolantem
 aquilam susurraminibus excantasset, ita dedu-
 xisse, vt mitem redderet ac prorsus cicurem.
Pythagoras, inquit Ammianus, *femur suum autem*
ostendebat, & cum aquila colloquens subinde viscebatur.
 Ferunt eum eodem die & hora, Crotonæ &
 Metaponti conspectum fuisse , ibiq; collo-
 cutum cum amicis. Tradunt quoque, fuisse vrsam
 feritate ac vastitate corporis inusitatâ horren-
 dam ; eam ad se venire iussisse , quæ statim
 paruit , & domum abductam reddidisse cicu-
 rem : Mox dimissurus, quasi iureiurando ade-
 gisse , ne in posterum vllum animal læderet;
 eam in quod adiurata recesserat, summa fide
 præstitisse. Scribit Plutarchus *in Vita Numa*,
 Pythagoram propè Tarentum conspexisse bo-

ven, fabariam segetem morfu carpentem & pedibus obterentem: tum bubulcū admo-
nuisse, bovem iuberet frugibus parcere; Cui pastor ridens, *Ego*, inquit, *bobus praecepta dare nescio; Tu qui in scholis versatus es, id illi præcipito*. Eveſtigio Pythagoram bovis auribus infuſur-
raſſe, bovemq; abire iuſſiſſe, qui ſtatim re-
ceſſit, & vellicare ſegetem deſtitit; quin & in
futurum eiufmodi pabulo abſtinuit. Aiunt
etiam cum illo familiares Genios fuiſſe obver-
ſatos, eorumq; adminiculo Pythagoram præ-
cipuè enituiſſe. Quod & de Socrate dictum eſt.

Fuit verò hic vir ortu Samius, Mneſarchi
(alijs Marmacum vocant) gemmarum ſculpto-
ris, filius. Aegyptum primò, mox Babyloniam
ad perdiſcendos ſyderum motus, originemq;
mundi ſpectandam proſectus, ſummam ſcien-
tiam conſecutus eſt. Inde reſſus, Cretam
& Lacedæmonia ad cognoscendas Minois &
Lycurgi inclitas ea tempeſtate leges, conten-
dit. Quibus omnibus inſtructus Crotonam
venit, populumq; in luxuriam lapſum,
authoritate ſua ad uſum frugalitatis revocavit.
Laudabat quòtidiè virtutem; & vitia luxu-
riæ caſuſq; Civitatum ea poſte perditarum,
enumerabat. Matronarum quoque ſeparatam
à viris.

à viris doctrinam, & puerorum à parentibus frequenter habuit. Docebat nunc has pudicitiam, & obsequia in viros; nunc illos modestiâ, & literarum studium. Inter hæc velut genitricē virtutū frugalitatē, omnibus ingerebat, consecutusq; disputationum assiduitate erat, ut matronæ auratas vestes, ceteraq; dignitatis suæ ornamenta, velut instrumenta luxuriæ deponerent, eaq; omnia delata in Iunonis ædem, ipsi Deæ consecrarent. *Hæc ex Iustino lib. 20.*

Totam autem Philosophiam suam mysteriis velavit, symbolicamq; & perplexam docuit, more Aegyptiorum, aliorumq; Orientalium, quorum instituta penitus hausit, ut Iosephus *contra Appionem*, & Eusebius tradiderunt. Ambrosius de Pythagora hæc habet, *Cum ex populo Iudaorum*, inquit, *ut plerique arbitrantur, genus Pythagoras duxerit, ex eius disciplinâ derivavit etiam magisterij præcepta; meritòq; magnus apud Philosophos habitus, qualem, ut aiunt, vix reperias ullum.*

Inter eius dogmata, præcipuum fuit tanto-
perè decantata illa Metempsychosis, ab Aegyptiis accepta; quâ credebatur animam hominis è mortuo corpore subinde in aliud atque aliud corpus immigrare. De hac sic ipse Pythagoras apud Ovidium *Metam. 15. 3.*

*Morte carent anima, semperq; priore relicta
Sede, novis domibus vivunt habitantq; receptæ.*

*Vide A.
Gellium
l. 4. c. 12.*

Recenset deinde in quæ corpora anima sua migraverit; affirmat nempe se primò fuisse Aethalidem Mercurij filium; postea Euphorbum, nobilem illum Troianum Iliaco in bello à Menelao occisum; deinde Hermotimum; tum Pyrrhum; ac denique Pythagoram; scq; omnium meminisse præteritorum. Aiunt cùm aliquando præteriens animadvertisset catulum à quodam verberari, illum reprehendisse, quod iniuriam faceret animæ boni viri, qui sibi amicus fuisset. Ista deliria festivè suo more ridet Lucianus. Scitè quoque ad hoc placitum ludit Aufonij Epigramma, in execrandum quendam Marcum, *Perversa Veneris postico vulnere fofforem*, ut Poëta loquitur: quærit enim hic à Pythagora, qualis evasurus sit post mortem impurus ille pædico; respondet Pythagoras,

*Luc.
Dial.
Gallis &
Mytilis.*

*Non taurus non mulus erit, non hippocamelus,
Non caper aut aries; sed scarabeus erit.*

Scarabeus scilicet ex eorum genere qui stercorei vocantur.

Ordo autem atque ratio Pythagoræ recipiendi instituendiq; discipulos, huiusmodi fuisse traditur. Iam à principio adolescentes qui

qui sese ad discendum obtulerant ἐφυσιογυω-
 μότες. Id verbum significat mores naturasq;
 hominum coniectione quadam de oris &
 vultus ingenio, deq; corporis filo atque habitu,
 sciscitari. Eum qui exploratus ab eo, idoneusq;
 compertus fuerat, recipi in disciplinam statim
 iubebat, & tempus certum tacere. Quin-
 quennale vt plurimum erat silentium, sed ali-
 quando minori spacio circumscribebatur, pro
 auditorum ratione, & æstimato captu solertiæ;
 quanquam nemo minùs tacuit quàm bienniū.
Vir enim ille ingenio ingenti, vt loquitur Apuleius,
ac supra captum hominis animi angustior, nihil priùs
discipulos suos docuit quàm tacere, primaq; apud eum
meditatio sapienti futuro, linguam coërcere, verbaq;
quæ volantia Poëtæ appellant, ea detractis pinnis in-
tra murum candentium dentium premere. Is autem
 qui tacebat, quæ dicebantur ab aliis audiebat,
 neque percunctari si parùm intellexerat, fas
 erat. Ast vbi res omnium difficillimas, tace-
 re, audireq; didicerat, essetq; silentio eruditus,
 cui nomen erat ἐχεμυθία, tum verba facere &
 quærere, quæq; audisset scribere, & quæ ipse
 opinaretur, potestas erat. Verùm cum ex-
 traneis de iis quæ didicisset, loqui illicitum.
 Cicero lib. 1. de Nat. Deorum, Nec in me celas ut

Pythagoras solebat alienos. Εἰσενεθάρων Ἀγυπτίῳ,
 qui *Harpocratem* silentij Deum colebant, accep-
 pit Pythagoras; ab hoc verò fortasse Numa
 Pompilius, qui fuisse dicitur Pythagoricus:
 Hunc enim silentij Deam *Agénora* nomine,
 quæ ore obsignato pingebatur, quæque inter
 Tutelares Romæ Deas recensetur à Macrobio,
 coluisse, testis est Plutarchus *in eius Vita*.

*Mac-
 rob. l. 3.
 Sat. c. 9.*

Id tamen affirmare nolim quod statuunt
 nonnulli, Numam Pompilium fuisse Pytha-
 goræ discipulum. Cicero enim Numam an-
 nis permultis antè fuisse quàm esset Pythagoras
 affirmat, *De Orat. l. 2.* Idem scribit Pythagoram
 fuisse in Italia iisdem temporibus quibus L.
 Brutus patriam liberavit. Hoc ipsum affirmant
 T. Livius *lib. 1.* & Solinus *cap. 16.* cuius hæc sunt
 verba, *In Samo nihil nobilius quàm Pythagoras civis,
 qui mox offensus fastu tyrannico, relicta domo patria,
 Bruto Consule, qui Reges vrbe exegit, Italiam advectus*
est. Gellius verò vult eum in Italiam venisse,
 Tarquinio Superbo regnante. Vide præterea
 Franc. Floridum Sabinum *lib. 1. Successivar. lect.
 cap. 13.*

*Tusc. qu.
 l. 4.*

*Gell. N.
 A. l. 17.
 c. 21.*

Causam quare in Italiam Pythagoras profe-
 ctus est, hanc fuisse refert Laërtius *in eius vita*;
 quod post longam peregrinationem in pa-
 triam

triam redux , eam à Polycratis tyrannide oppressam offendisset. Alij Sylofontem Polycratis fratrem & successorem , fuisse volunt; Eum enim Strabo adeò sæviter regnasse scribit, *Strabo l. 14.* ut plurimi cives Samum defererent.

Cæterum Pythagoras discendi cupiditate ultimas terras peragravit; Aegyptum lustravit, ibiq; viginti duos annos versatus est, ut scribit Iamblicus. Persarum etiam Magos adiisse referunt Isocrates, Cicero, aliiq;. Arabas , Ebraeos, Chaldaeosq; accessisse testatur Porphyrius; multaq; Iudæorum dogmata amplexum Clemens Alex. lib. 1. affirmat. Quod vero Iudæi sanguine abstinerint, hinc fortè omnibus animalibus abstinuit, de quo sic ille apud Ovidium,

*Parcite mortales , dapibus temerare nefandis Metam;
Corpora; sunt fruges , sunt deducunt ramos l. 15.
Pondere poma suo , cumidæq; in vitibus uvæ
Sunt herbae dulces &c. alimenta q; dulcia tellus
Suggerit, atque epulas, sine caede & sanguine
præbet &c.*

*Hæc quātū scelus est in viscere viscera condi, &c.
Alteriusq; animantem animantis vivere lecho?*

Juvenalis lib. 5. Sat. 15.

Aspicimus populos , quorum non sufficit ira,

*Occidisse aliquem; sed pectora, brachia, vultum,
Crediderint genus esse cibi. Quid diceret ergo,
Vel quo non fugeret, si nunc hæc monstra videres
Pythagoras? cunctis animalibus abstinuit qui,
Tanquam homine, & ventri indulgit non omne
legumen.*

Multi Arithmeticam inventum Pythagoræ
esse scribunt. Numeris constare hoc vniver-
sum tradebat, summumq; hominis bonum in
exactissimâ numerorum scientiâ positum esse
existimabat. In Medicinæ etiam præceptis
& curatione morborum apprimè fuit exercita-
tus. Dicitur præterea pondera & mensuras
invenisse. Etiam Chymix peritum fuisse qua
metalla mutantur, volunt nonnulli. Cum
Aristarcho Samio, terram moveri docuit.
Alphabeto Cadmi Phœnicum regis, adiecit li-
teras υ, ζ, x & ω. Erudiebat discipulos suos in
Geometriâ, Gnomonicâ, Musicâ, aliisq; dis-
ciplinis quas μαθηματα vocant Græci. His
scientiis ornatos, ad perspicienda mundi opera
& principia naturæ provehebat, ac tunc deni-
que vocabantur Φυσικοί. Omnes qui à Pytha-
gorâ in cœtum discipulorum admittebantur,
quod quisque pecuniæ habebat in medium
dabat, & coibatur societas inseparabilis, quam
Græci

Græci κοινόβιον appellant.

Author est Cicero tantum existimationis apud suos adeptum esse, ut si quid affirmaret in disputando, si ex iis quæreretur quare ita esset, respondere solitos, *Αὐτὸς ἔφα*, *Ipse dixit*. Ipse autem erat Pythagoras; tantum opinio præiudicata poterat, ut etiam sine ratione valeret autoritas. Discipulos quoque esu carniæ & animatis abstinere iussit, voluitq; ita facili assuefieri victu, ut igne ad coquendum opus non esset. Aquæ potum tantum illis concessit, ne acumen ingenij gravaretur ebrietate. Tradunt eosdem à fabis abstinuisse. Refertur enim in eius symbolis, *Α fabis abstinere*. Lucianus Pythagoram apud Inferos introducit affirmantem, par esse scelus comedere fabas & capita parentum; citaturq; à Clemente Alex. lib. 3. Σίρωμ. hic versus

Ἴσον τι κυάμῃς τρῶγειν, κεφαλᾷς τε τοκέων.

Quidam per κυάμῃς quibus abstinere homines iubebat Pythagoras, intelligunt non fabas legumenti genus, sed ova, quod in iis sit animalium κύησις, *fœtus & conceptio*, à quibus abstinebant quoque Pythagorici, Laertio teste. Alij, inter quos Plutarchus περὶ παίδων ἀγωγῆς, *Fabis abstinere* ita interpretantur, ut Magistratus fu-

gerent, qui olim suffragiis per fabas latis, quæ in urnam coniciebantur, in primis apud Athenienses, creabantur. Nonnulli per *καταμον* eam partem sexus muliebris intelligunt, quam pudor nominare vetat, *ἀπὸ τοῦ κύνειν*, *concupere, vterum gerere*: hocq; præcepto censent Pythagoram à scortatione homines dehortari voluisse. Ac sanè ipsum Veneris temperatissimum fuisse ex Laërtio constat; qui refert illum censuisse concubitum quocunque tempore sanitati officere, atque infirmitatem corpori conciliare. Alij denique id iuxta literam accipiunt; & ex Aegyptiorum placitis hoc Pythagoram hausisse censent. Herodotus enim scribit, neque serere fabas, neque comedere Aegyptios, atque etiam à conspectu earum abhorreere; quoniam, ut ait Cicero, inflationem afferunt & animum perturbant.

Familiaria quædam habuit Symbola, quæ peti possunt ex Laërtio.

Nonnullos eius libros citat Laërtius, quamquam nonnulli existiment nihil scripsisse. Aurea quæ inscribuntur Pythagoræ carmina, Lysidis eius discipuli, vel alterius Pythagorici sunt. Aiunt tamen tres libros scripsisse, quos Plato centum minis, *hoc est*, mille coronatis aureis

aureis sibi emi curavit.

Fabulabatur Pythagoras se ad Inferos descendisse, ibiq; Homeri & Hesiodi animas vidisse diris cruciatibus affici, quod de Diis turpia & impia finxissent.

Verum cum annos viginti Crotonæ comoratus fuisset, Metapontum se contulit; ibiq; decessit octogenarius, vel secundum alios, anno ætatis nonagesimo. Quidam eum inediâ periisse scribunt. Plutarchus vivum exustum idq; evenisse in Milonis Crotoniæ domo prodit, à quodam quem in disciplinam admittere abnuisset. Alij interfectum volunt à Syracusanis, dum agrum fabaceum circuibat. Tanta fuit huius Philosophi admiratio, vt ex eius domo Templum facerent, eumq; pro Deo colerent. Hoc in eius modestiæ testimonium vulgò observatur, quod cum alij doctrina exculi, se σοφῶς *sapientes* esse iactarent, hic se non Sapientem sed sapientiæ studiosum professus est: vnde sequentis ævi eruditi, Philosophi dicti sunt.

Qui plura de Pythagora cupit, adeat Isocratem in *Busiride*; Diogenem Laërtium. Lucianum in *Vitarum auctione*. A. Gellium lib. 11. Apuleium *Florid.* 2. extre. & recentioribus I. Ger. Vossium de *Phil. Antiquis*.

Spurina.



Martis. Idus adfunt, Iuli: tu averte cavendo
 Fata: futura tibi est sanguinolenta dies



SPURINA

Iulij Cæsaris cædes variis prodigiis & prædictionibus denunciata est. Author enim est Corn. Balbus, familiarissimus Cæsaris, *referente Suetonio*, paucos ante huius mortem menses, cum in colonia Capua deducti lege Iulia coloni, ad extruendas villas sepulcra vetustissima disicerent, tabulam æneam in monumento in quo dicebatur Capys, conditor Capuæ, sepultus; inventam esse conscriptam literis verbisq; Græcis, hac sententiâ, *Quando ossa Capys detecta essent, fore ut Iulo prognatus manu consanguineorum necaretur, magnisq; mox Italia claudibus vindicaretur.* Sed cætera eiusmodi nunc quidem mitto. Vivebat Romæ, Iulij Cæsaris tempore, Spurina Aruspex celeberrimus, quem ob augurandi scientiam & vaticinia, tantopere laudant eius seculi authores. Inter cæteras quæ illi tribuuntur prædictiones, memorabilis est illa ad Cæsarem adhortatio, *Careret periculum quod non ultra Martius Idus proferreretur.* Cum is dies advenisset, & Cæsar in Curiam proficisceretur, quanquam dehor-

tante Calpurnia vxore , somnio exterrita , occurrit fortè Spurina , ad quem Cæsar conversus, eum irridebat, & vt falsum arguebat, quod sine vlla noxa Idus Martiæ adessent. Cui respondit Spurina, *Venerunt quidem, sed non præterierunt.* Ac sanè vix Curiam ingressus est & Tribunali confedit Cæsar , cùm eum specie officij circumsteterunt coniurati; illicoq; Cimber Tullius ab utroque humero togam apprehendit , deinde Cassius adversum vulnerat paulò infrà iugulum ; denique reliqui coniurati strictis gladiis, Imperatorem, ad statuam Pompeij , humi iacentem, tribus & viginti plagis confoderunt.

APOLLONIVS.

Apollonius Tyaneus



*Inspexi secreta Deum: & concessa facultas
Naturæ exacta cognitione frui.*



APOLLONIUS TYANÆVS

Propagatâ per totum orbem terrarum Evangelij doctrinâ , quam Apostoli variis miraculis confirmabant , Diabolus multos Pseudopphetas , Magos & Impostores suscitavit , qui homines à Christo averterent falsis suis miraculis & vaticiniis. In his famosissimus fuit Apollonius Tyanæus , qui Apostolorum temporibus vixit , præcipuamq; navavit Cacadæmoni operam. Is Tyana vrbe Cappadocia: natus est , patre viro nobili. Adolescentiæ annos audiendis & legendis Philosophis dedit , magnosq; brevi progressus in scientiis fecit. Pythagoricis peculiariter se addixit , ad quorum doctrinam naturali instinctu inclinabat ; abstinens ab esu carniû , & omnibus ciborum vestiumq; deliciis , oleribus tantum & terræ fructibus vitam sustentabat. Maximè vsum vini fugiebat , quod eius potu mentis aciem retundi & offuscari crederet. Amictum non ex lanâ sed ex lino tantum gerebat ; comam & barbâ nutrieat.

A re venerea per totam vitam abstinuit.
Silentium

Silentium per quæquennium exactissimè servavit. Maximam terræ partem peregrinando lustravit. Brachmannos in Indiam, & Gymnosophistas in intimam Aethiopiam, adiit. Huic se Damis Assyrius, fidelem constantemq; peregrinationum comitem, adiunxit. A Regibus omnibus comiter & honorificè exceptus est. Cùm pecuniam, vestes & victum delictiorem liberaliter offerrent, omnia recusabat; panem tantùm & olera agrestia secum ad viaticum sumebat. Is semper fuisse perhibetur inter temulentos abstemius, inter purpuratos linteatus, inter vnguentatos horridus, inter luxuriosos frugalissimus. Ab omnibus civitatibus quas adibat, communi magnatum & populorùm applausu excipiebatur, multùmq; honoris iis vrbibus conferri putabant omnes, ad quos divertere dignabatur.

Apollonius, si Philostrato qui eius vitam scripsit, sit fides, tot edidit miracula, ut eum Hierocles quidam, ausus sit cum Christo conferre; cuius opinionem impiam integro libro refutavit Eusebius. Apollonium enim non dubium est summum impostorem fuisse qui præstigiis & fascinationibus usus est, partim ope Dæmonum, partim adhibitis naturalibus

proprietatibus quas exactè callebat. Eius prodigiosè gesta, hæc inter alia produntur.

Cùm Ephesi esset, vrbis misertus ingemuit, prædixitq; brevi pestilentiam, maximam civium partem absumpturam; cumq; iam lues grassaretur, accitus vt tantæ calamitati succurreret, illuc atcurrit, contulitq; se in Theatrum, vbi ostendit amicis senem quendam mendicum, sordidum & pannosum, vultuq; horrido. Hunc Apollonius iussit à populo lapidibus obrui, affirmans esse Dæmonem ἀλάστωρα vastantem urbem; quod cùm factum esset, statim pestis contagium sedatum. Cumq; post paucos dies amota esset lapidum congeries, caninum corpus inventum est.

Narrat præterea Philostratus, Menippum quendam adolescentem forma eximia, à Lamia (aliter Larvas, Empusas, Strigas, Lemures indigetant) amatum fuisse. Aiunt enim eas ad Venerem pronas, amore formosorum æstare, & cum iis impudico coitu copulari, quos postea expleta libidine devorant. Eam itaque Lamiam, formam venustissi næ puellæ assumpsisse, eoq; rem devenisse vt hanc uxorem ducturus esset Menippus. Cùm utem jam in thalamum convenissent, adveniens Apollonius,

nus , Dæmonis agnovit technas , adolescentisq; misertus , exorcismo phantasma repulit , & omnem ad nuptias apparatus , oculos spectantium fallentem , in nihilum redegit ; hocque modo miserum iuvenem à præsentis periculo liberavit.

Cùm regnante Nerone Romam venisset , aiunt puellam nuptiarum die mortuam , quæ feretro efferebatur , invocat onumine , ad vitam revocasse.

Dum moraretur Alexandria doceretq; media populi turba , leo ad eius pedes tanquam supplex se demisit , pavidis cunctis ; *Hic leo , inquit Apollonius , merogat ut doceam , illum animam hominis habere ; fuit enim olim Amasis Rex Aegypti , qui iuste & sincerè vixit . Hunc censeo publico censu alendum ; indignum est enim Regem in regiam belluam conversum , mendicare tanquam egenum .*

Ea , rugitu leo in lacrymas profusas versus , se probare testatus est.

Porphyrius lib. 3. περὶ ἀποχῆς narrat , sua ætate de eo dici solitum , cum audivisset hirundinem cum multis vociferantem , sodalibus suis quos secum habebat Apollonius , exposuisse , indicare illam cæteris , asellum onustum frumento ante urbem cecidisse , frumentumque

humi fufum eſſe. Veriſimilius eſt quod Euna-
pius & Philoſtratus hoc paſſeri tribuunt , hi-
rundo enim frumento non veſcitur. Volebat
autem Apollonius hoc facto , perſuadere ſe
garritus avium intelligere ; quod veteres de
Tireſia, Pythagora, & Melampo ſunt fabulati.
Sed hoc eſt incredibile , cùm enim beſtiæ ra-
tione careant, nequeunt diſcurſu uti : fateor
affectus corporis & appetitum, poſſe vocibus
ſuis indicare ; & horum notitiam poſſe diutur-
na obſervatione ab hominibus deprehendi ;
poſſeq; Dæmonem qui hæc habet perſpectiſ-
ſima magos ea docere ; Hoc pacto doctus eſt
Apollonius.

Tarſi, adoleſcens à rabido cane morſus , in
caninos mores tranſierat, adeò ut latraret, &
in manus incederet. Tarſenſes remedium ab
Apollonio petunt; hic ubi venit , canis vocatu
Apollonij, iubetur lambere vulnus adoleſcen-
tis, quo facto adoleſcens & ipſe ſanati ſunt.

A Domitiano, quòd cum maledictis infe-
ctatus eſſet Apollonius, in carcerem coniectus
eſt, & compedibus vinctus detinebatur. Ad
eum cùm veniſſet Damiſ de eius vita multum
ſollicitus, *Deme hunc metum*, inquit Apollonius,
frustra te angit mea calamitas. Hinc te aufer ocius,

Et subito cursu Dicæarchiam pete; meq; ille statim tibi adfuturum expecta. Tum moto crure compe-
des excussit, ac rursus recepit. Paruit Damis,
& Roma excedens Dicæarchiam contendit.
Aliquantò post ad Domitiani tribunal accersitus
Apollonius, crimina obiecta diluit, & multa
hominum caterva stipatus qui in eum intentos
fixerant oculos, ex eorum aspectu sublatus,
disparuit; ac Damidi Dicæarchiæ agenti non
expectatus advenit.

Verùm vaticinijs & prædictionibus non minorem quàm ex prodigijs famam comparavit.
Cum Athenas venisset, ibiq; ab omni Civitate
summis honoribus esset affectus; ab hierophanta
Sacerdote, qui Epidauria sacra celebrabat, tanquam
incantator & dæmoniacus, prohibitus est sacris
initiari: Hanc repulsam patienter tulit Apollonius,
sed mortem prædixit Sacerdoti, cui succederet
alter à quo vltro admitteretur; quod & brevi
evenisse narrant. Cum Syracusis natus esset
puer triceps, prædixit Apollonius hoc ostento
significari propediem tres Imperatores Imperium
occupaturos, quorum potentia statim corrueret;
quod in Galbâ, Othone & Vitellio impletum est,
qui omnes vnius anni spatio interierunt.

Syraculis solvens ad Leucadem transiit, ubi navem mutavit, prædicens eam qua vectus erat, paulò post naufragio perituram. Ea postera die submersa est.

Titus Imperator cùm hunc de fato vitæ suæ interrogaret, respondit, *Fatum Ulyssis illi impendere*, qui à filio Telegono occisus est. Titus autem à fratre Domitiano veneno sublatus est.

Dum Ephesi esset, & in Xysti luco meridie disputaret, subitò exclamavit, *Euge Stephane, percutite tyrannum, percutite tyrannum*. Aliquot post diebus renuntiatum est Ephesi; Domitianum à Stephano, eadem hora qua Apollonius exclamavit, fuisse confossum.

Triginta post Domitiani mortem diebus, Nerva Imperator dictus est. Is per epistolam ad se accersivit Apollonium, ut eum assessorem haberet & consiliarium. Cui ipse respondit, *Nos brevi, ô Imperator, & quidem diu semel erimus, ubi neque nos aliis, neque alij nobis imperabunt*. His verbis prædicebat se & Nervam brevi morituros. Post annum autem vnum, & menses quatuor, tum ipse tum Nerva vivere desierunt.

Quin multa fabulosè de Apollonio scripserit

APOLLONIVS TYANÆVS 155
rit Philostratus, non dubium est. Sed cum
Iustinus Martyr, Suidas, aliq̃, eius præstigia-
rum meminerint, & eo nomine ab Ethnicis
religiosè cultus sit; quin insignis Magus fuerit,
inficias iri non potest.

Nullum illi Tyanæi sepulcrum constitue-
runt, cum eius corpus nusquam inventum sit;
sed statuis sacrilq̃ ceremoniis venerati sunt.

Lampridius scribit, Alexandrum Severum
Imperatorem, habuisse in larario imagines
Christi, Abrahami, Orphei & Apollonij,
quos colebat ut Deos, vel ut viros sanctissi-
mos.

Caracalla Severi filius, cum quoque reli-
giosè coluit; templumq̃ Heroum statuit, ubi
oracula ab eius umbra sciscitaretur. Helioga-
balus eidem Cenotaphium splendidissimum
erexit, *ut testatur Dio*. Nec mirum, vterque
enim Imperator Magiæ ad insaniam usque stu-
diosus fuit.

Iamblichus Chalcidensis



Utilius fuerat nobis nescire futura
 Cogor enim irato fata Valente pati.



IAMBLICVS

IAMBlici vitam scripsit *Eunapius*; multa- *Socr. l. 4.*
 que de eo habent historiæ Ecclesiasticæ Scri- *c. 19.*
 ptores, Socrates, Sozomenus, Paulus Diaco- *Sozom. l.*
 nus, Zonaras aliq; , è quibus sequentia ex- *6. c. 35.*
 cerpsimus. *P. Diac.*
l. 11. c.
12. Zon.

Is fuit Philosophus Pythagoricus, inter A- *Te. 3.*
 cademicos cognomento *Divinus*, & Sacerdos
 Magnus, è Chalcide Syriæ oriundus; Anatolij
 primum, mox Porphyrij illius Apostatæ, Chri-
 stianorum hostis acerrimi, magiq; execrandi,
 discipulus.

Florere cæpit temporibus Constantini Ma-
 gni, & vitam ad Valentinum vsque produxit.
 Tantùm memoria, ingenio & iudicio valuit,
 vt brevi tempore secundas post præceptorem
 Romæ obtineret, nec ab eo quicquam differ-
 re videretur quoad doctrinam. Moribus in
 speciem adeò probatis fuisse dicitur, vt eius vi-
 tæ abstinencia modestiaque, ea tempestate no-
 minatissimæ fuerint; frugalitate victus summa,
 humanitate mirabili erat. Cæterùm Magus
 fuit insignis, vt Pythagorici omnes, & Chri-

stiani nominis osor & infectator , vnà cum Sophista Libanio, & Maximo Ephesio coævus, virulentus.

His artibus, facilè apud Iulianum Imperatorem graciosus fuit. Hic enim & Christianos oderat maximè, & Magicis artibus perpetuò deditus fuit, easque exercuit : quod post interitum eius tandem deprehensum est, inventâ in Templo, (quod per milites accuratè, ne quis ingrederetur custodiri iusserat) muliere crinibus suspensa & manus extendente, cuius alvum profecturus in Persas aperuerat ; vt seu victoriam, seu belli quemcunque eventum in iecore eius rimaretur.

Multa de Iamblico fidem superantia narrantur, quibus patet illum Cacodæmonis ope adiutum fuisse. Aiunt cùm in Templo Deorum preces funderet, vultum illius mutari solitum, & præter naturæ vim in omnium conspectu, ab humo plusquàm decem cubitis in sublime attolli, nullo fulciente, sed tanquam in aëre pendentem, corpore & vestimentis in auri speciem refulgentibus. Acclamabant tanquam Deo alicui præsentī mirabundi astantes; numineq; cælesti afflatum demissis capitibus venerabantur, donec absolutis precibus in pristinam

stinam formam rediret , & in terram modico motu, illæsus descenderet.

Narrat Eunapius eum cùm aliquando urbem confabulando cum discipulis ingrederetur , fixis derepentè in terram oculis exclamasse , *Agite, inquit, aliam viam ineamus ; Non enim procul hinc cadaver effertur , cui nos occurrere non licet, ne polluamur.* Itaque alio itinere progressum sequuti sunt comites : sed Aedesius quidam cum aliquot aliis, captum iter persecuti, incurrun in vespillones , qui cadaver defuncti tumulo mandaverant.

Aegyptius quidam Magus , media populi turba, exorcismis & coniurationibus, profitebatur se evocaturum Apollinem ; qui postquam comparuisset forma vegeta & corpulenta , spectatoresq; omnes attoniti adstarent; Iamblicus qui eò venerat , ad suos conversus; *Desinite, inquit, mirari ô sodales ; Non enim hic est Apollo, sed gladiatoris cuiusdam, qui singulari certamine occubuit, spectrum :* Vtq; id probaret, effecit vt umbra illa subitò disparuerit.

Refert idem Eunapius Iamblicum aliquando cum discipulis suis venisse Gadara urbem Syriæ , vbi sunt thermæ saluberrimæ , quibus vix vllæ comparari possunt. Ibi cùm lavaret,

orta de balneis disceptatione, iussit discipulos
 sciscitari ab indigenis, quibus olim nominibus
 donati fuissent è calidis fonticulis minores, sed
 ceteris elegantiores, venustioresq;. Gadarenſes
 responderunt se causam nominum ignorare,
 vbi tamen è rivulis *Amoris* nomen esse, alteri
Anteroti. Confessim ipse, contactâ manu
 aquâ (sedebat enim in crepidine fontis vbi de-
 pletur ac superfunditur alveus) paucis admur-
 muratis verbulis, de fontis imo pusionem ex-
 civit candidum, commoda statura, capillitio
 in fulvum aurum tincto, dorsi cute nitida, qui
 totus lavanti aut loto similis erat. Attonitis
 rei novitate comitibus, ad proximum fonticu-
 lum transiit, ibiq; eadem quæ prius peragens,
 alterum *Amorem* evocavit priori per omnia
 similem. Ambo pusiones circumfusi, arctis
 complexibus Iamblico velut patri inhærebant,
 eumq; hilari & ridente vultu amicè salutabant.
 Hos ille molliter exceptos demulſit, atque
 vnumquemque proprias sedes repetere iussit,
 dicens adstantibus, illos esse loci Genios, pro-
 motores aquarum tepentium, quæ ad lavacra
 erant necessaria.

Scriptit Iamblicus librum de Myſteriis, vbi
 voto & adoratione sacrificium fieri perfectius
 docet,

docet , iisq; totam religionem constare , vt quibus conflatur animarum & Dei connexio. Alio loco rationem reddere conatur cur Magi in incantationibus suis plerunque adhibeant voces barbaras & nihil significantes. Ait eiusmodi nomina , vtcunque nobis prorsus incognita , habere tamen apud Deos notiones suas. Multa alia scripsit , quorum pars adhuc hodie exstat.

Magiæ peritus fuit , non solum illius naturalis , quæ per virtutes & facultates rerum naturalium operatur , sed eius quæ ope Dæmonum vtitur. Non modò Theurgiam exercuit qua sacrificiis & quibusdam aliis ceremoniis evocantur Dæmones , quorum afflatu occulta cognoscebat , & futura prænuntiabat , miraq; edebat opera ; sed & Gætiæ ac Necromantiam , qua excitare se aiebat mortuorum animas , & per eas de rebus occultis & futuris responsa captare.

Nefarium illum mortem sceleribus dignam obijisse , referunt Scriptores Ecclesiastici. Valente Imperium tenente , quidam Magi & Philosophi , inter quos Iamblicus , incrementum Christianæ religionis ægrè ferentes , iniere consilium de prænosciendo quis esset Valenti in

*Aleſtuo
marſia.*

Imperio ſucceſſurus, an è Chriſtianis aliquis; hocq; divinationis genere uſi ſunt. Omnes elementarij elenchi literas pavimento inſcripſerunt, quas tritici granis operuerunt, recitatique quibuſdam magicis carminibus, gallum gallinaceum admiferunt, vt ex quibus literis granum ſumeret, animadverterent quis ſucceſſor à Diis deſtinaretur Imperatori: gallus autem grana omnia roſtro petiit quæ has literas *Θεοδ.* tegebant; vnde Theodorum virum inter ſatellites Imperatorios inſignem, ſed Gentilem, Imperio potiturum opinione augurati ſunt. Cùm ea res Valenti innotuiſſet, ira inflammatus eſt, quaſi vitæ ſuæ inſidias ſtruxiſſent. Quare Magos & Philoſophos pluſquàm centum trucidari iuſſit. Iamblicus extrema ſenectute preſſus, ne ad ignominioſum ſupplicium traheretur, hauſto veneno ſibi mortem conſcivit. Interea Imperator ſucceſſoris metu, omnes Theodoros, Theodulos, Theodotos, & Theodoritos illuſtres genere, vel potentia & opibus præſtantes, de medio tolli iuſſit. Verùm Theodoſio, Hiſpani principis filiolo, cuius patrem cognominem interfecerat, imprudens pepercit; qui illi poſtea ſucceſſit. Alij aliter factum Magorum enarrant.

Zonaras

Zonaras *Tom. 3.* & alij, id per ἀλεκτρομαντείας *Socr. l. 4. c. 15.*
vti diximus, egisse scribunt. Socrates dicit fa- *Sozom. l. 6. c. 5.*
ctum per νεκρομαντείας. Sozomenus per oracu- *Nicéph. l. 11. c. 45.*
lum ex tripodis machina laurea, quem Nice-
phorus sequitur. Ammianus verò illius tem-
poris scriptor, longè aliter. Hunc vide
libro 26.

MEMORANDUM

Received of the Hon. Secy. of the Navy
the sum of \$100.00 for the purpose of
purchasing the necessary supplies for the
use of the U. S. Fish Commission
at Washington, D. C.

Wm. H. Smith
Treasurer

DE
SIBYLLIS.
aliisq̃
MVLIERIBVS
FATIDICIS.

STUDY

WINTER

1871

DE SIBYLLIS

ET

LIBRIS SIBYLLINIS



SIBYLLARVM nomen, magna in veneratione fuisse apud Veteres, constat. Credebantur esse mulieres Deo plenæ, quæ cum pectore divinum numen recepissent, vaticinabantur. Ita dictas ait Servius in *Aen.* 4. quasi Σιβυλλὰς *Consilij Deorum participes*. Dores enim & Aeoles pro Θεῶν dicunt Σιών. Quid si huius nominis Etymon arcessatur à Rabbinico קַיִבֶּל *Kibbel*, recipit, accepit; unde *Kabbala* vocatur Theologia mystica, doctrina scilicet cœlitus traditione accepta?

Regnante Romæ Tarquinio Prisco, (ut *Dion. Lactantius* ex Varrone observat; non *Superbo* *halic.* ut habent Dionysius Halicarnasseus, Plinius, *Plin. l. 4.* & Gellius,) anus quædam hospita atque incognita, Regem adiit, novem libros ferens, *Gell. l. 1. c. 19.* (*Plinius tres tantum memorat*) quos esse dicebat divina oracula, eos velle venundare. Tar-

quinius precium percunctatus est; mulier immensum poposcit: Rex quasi anus desiperet risit: tum illa tres è libris, spectante Rege, flammis dedit; & ecquid reliquos sex eodem precio emere vellet, Regem denuò interrogavit. Sed enim Tarquinius id multò risit magis. Mulier itidem tres alios libros exussit, atque id ipsum placidè interrogavit, an tres reliquos eodè precio emat. Tarquinius iam ore serio atq; attentiore animo sit; eam constantiam confidentiâq; non insuper habendâ intelligit: libros reliquos tres mercatur nihilo minore precio quàm quod erat petatum pro omnibus. Sed eam mulierem tunc à Tarquinio degressam, postea nusquam loci visam constitit. In tribus igitur illis de novem relictis libris, quum Tarquinius fata Romanorum, & alia miranda contineri vidisset, Duum viros Sacerdotes constituit, quorum fidei ac custodiæ mandarentur. Erantq; illi è civibus illustres viri, qui huic Sacerdocio præficiebantur. Horum officium erat, Libros Sibyllinos custodire, eosq; si Senatusconsulto jussissent, adire & quæ legissent, propositæq; quæstioni apposita invenissent, Senatui fideliter referre; omniaq; ea, quæ Sibyllinorum oraculorum iussu facienda erant, peragenda procurare

procurare. Ipsi libri Romæ, in delubro Iunonis quoderat in æde Iovis Capitolini, in cella quadam subterranea, arcæ lapideæ inclusi asservabantur. Fas autem non erat absque iussu Senatus, libros Sibyllinos adire, vel aliis legendos nedum describendos, concedere. Itaque quum Duumvirum alter, M. Attilius, Petronio cuidam hos Libros describendos dedisset, & ita patriæ sacra profanasse, arcanaq; prodidisse visus fuisset; Tarquinius eum culeo bubulo insutum, tanquam parricidam, in mare proiecit. Nihil enim Romani ὅτε ὁσίων ὅτε ἱερὸν (ut ait Dionysius Halicarnassensis) tam diligenter quàm Sibyllina oracula, custodiebant.

Dion.
Hal. l. 4.

Post 213. annos Duumviri abrogati, & eorum loco Viri decem nobilissimi & integerrimi custodes creati, quorum idem officium quod Duumvirum antea. Ij, *sacrorum Decemviri* dicti. Mox XV viris libros fatidicos committere visum est. Tandem verò numerum eorum ad XL viros auxerunt. Adibantur itaque hi libri in rebus arduis, tanquam fatorum futurorum oraculum quoddam; putà si prodigia apparuissent; si terræ motus fuisset; si seditionibus turbaretur status Reipublicæ; si in bello insignis aliqua clades accepta esset; si pestilentia

Romani conquirendis Sibyllinis occupati essent; Erythris, templo Apollinis fortè exusto, tres illi libri, quorum Tarquinius exemplum olim acceperat, in adyto quodam illius templi, ubi occultati fuerant, denuò invenirentur: quos & ipsos cum cæteris versibus collectis, Romam secum deportarunt Legati.

Verùm quantacumque cura asservarentur libri, his nihilominus aut fraude XV virorum, aut autoritate Magnatum, aut cùm Reipublicæ interesse credebatur, furtim carmina inferebantur; quæ postea Sacris præfecti, qui de compacto rem gerebant, evulgabant. Ut cùm Iul. Cæsar regium nomen & insignia affectabat, subornati sunt Quindecim Viri, qui quoniam libris fatalibus continebatur, (ita enim affirmabant) Parthos nisi à Rege vinci non posse, ut Cæsar Rex appellaretur, suadebant. Suetonius *in Iul. c. 79.* Cùm itaque multa adulterina irrepsissent; postquam Pontificatum Maximum suscepisset Augustus, quicquid fatidicorum librorum, nullis vel parùm idoneis authoribus vulgò ferebatur, super duo millia undique contracta cremavit, ac solos retinuit Sibyllinos. Hos quoque delectu habito, condiditq; duobus forulis auratis sub Palatini A-

pollinis basi , vt narrat idem Suetonius *Aug.* c. 37. At cùm iterùm atque iterùm sub Nerone conflagrasset Roma, iisq; flammis haustæ sint eæ vr̄bis regiones in quibus reconditi erant Sibyllini libri, quin & ipsi combusti sint, vix dubitari potest.

Ex his satis patet de Sibyllis nihil certi habuisse Ethnicos: Verùm cùm nihilominus affirmarent Sacris præfecti, se divinos servare libros, quorum arcana in vulgus produci nefas esset; vt in vetita nititur ingenium humanum, tantò avidiùs occulta noscere multi expetebant. Id deceptores compulit, vt subinde fictitios versus quos Sibyllis adscribebant, e-
mentirentur: quia verò ij Rempublicam non spectabant, quò minùs in vsu essent cupienti-
bus, prohibitum non erat.

Eandem occasionem avidè arripuerunt quidam falso zelo Christianæ religionis promovendæ incensi: nondum enim abierant annicenturæ morte Christi, cùm plurima carmina Sibyllina præferebantur, quibus Ethnici ad fidem allectarentur. Idq; sic passim & imprudenter factitabatur, vt Ethnicos non lateret fucus, qui populari dicterio, Christianos *Sibyllinos* appellabant.

Extant

Extant etiamnum hodiè octo libri vulgò *Sibyllini* dicti, qui à Iustino Martyre scriptore antiquissimo, Clemente Alexandrino, & plerisque veteribus Christianis, pro vero & genuino Sibyllarum fœtu censentur.

*Iust.**Mart.**Apol. 2.**Cl.**Alex.**Strom.*

Hos tamen post annum Domini 130. fictos fuisse, & res ipsæ liquidò videntur; & clarissimus Blondellus, opere Gallico de Sibyllis, luculentissimè demonstravit.

Primò enim quis credat Gentiles voluisse in Prophetissarum numerum admittere, quæ se scortum & prostibulum fuisse fatetur *lib. 7. in fine.*

Μνεία μὲν μοι λέκτεα, γάμος δ' ὅδεις ἐμελήθη.

Talis si Paganorum fuisset Sibylla, non adeò fuisset inter illos decantata, quippe qui adulterium summoperè execrabantur. Quid quod Græcè scripsit cum nondum erat lingua Græca; & ignoravit linguam Hebraicam quæ tamen solatunc erat, si verum est quod personata illa Sibylla refert, se scilicet cum Noha in arca fuisse? Præterea plena sunt mendaciorum spuria hæc Sibyllina oracula, & S. Scripturæ contradicunt. Moses *e. gr.* narrat Noham degisse in arca annum integrum; at Sibylla illa fictitia dicit illum degisse tantum per XLI. dies. Pariter

ἀντίτυπον est quod dicit de monte Ararat, illum in Phrygia situm esse, eumq; post diluvium emerxisse.

Authorem horum carminum fuisse Christo posteriorem hinc patet, quod multa narrat quasi præterita, quæ nonnisi post Christum natum contigere; ut cùm affirmat falsa Sibylla se vidisse alterum ædis Vestalis incendium; at verò illud contigit sub Imperio Commodi, c. lxx: anno Christum, aut circiter. Dicit etiam *lib. 2. circa finem*, damnatos liberandos postquam pœnas infernales per aliquot secula erunt perpeffi; qui Origenis fuit error, antè ignotus. Meminit etiam ludorum Iselastico- rum, qui Traiani tempore demum innotuere, *teste Plinio secundo*. Verùm, ut hæc aliq; multa prætermittam, vel hoc vnum fidem facit hæc carmina à Paganorum Sibyllis non esse profecta, quod illa clariùs enunciant futura de Christo, quàm ipsi Prophetæ. Esaias ait Virginem parituram; ficta verò Sibylla, *Maria virgo pariet Iesum in Bethlehem*. Exactè notat omnes circumstantias, nomina propria personarum de quibus vaticinatur. Prædicit *e. gr.* baptismum Christi in Iordane; descensum Spiritus S. sub forma columbæ, aliq; de quibus
nihil

nihil legitur apud Prophetas. Extat etiam in
 iis carminibus acrostichis, in qua primæ lite-
 ræ versuum sunt, Ἰησοῦς Χριστὸς Θεοῦ υἱὸς σωτὴρ
 σταυρῶς; Id est, *Iesus Christus Dei Filius, Servator,*
Cruz. Sanè si quæ talia scripserunt, fuerunt
 mulieres Ethnicæ, ab eiusmodi infidelibus
 superatos sanctos Prophetas vaticiniorum cla-
 ritate, fatendum erit. At si id verum est, qui
 stabit quod affirmat David *Psal. 76. Deum in*
sola Iudæa cognitum esse? Item *Psal. 147. Deum*
annunciassse verba sua Iacobo, sua statuta & manda-
ta Israël, non ita fecisse cæteris gentibus; ideoq; has eius
iudicia ignorare? Cur Paulus tempora ignorantia
 vocat, ea secula quæ Evangelij prædicationem
 antecesserunt? Cur idem affirmat *Act. 14.*
Deum præteritis ætatibus fuisse Gentes ipsarum viis in-
cedere? Cur eam esse diceret præstantiam Iu-
 dæorum, *Quod in credita sunt oracula Dei, Rom. 3.?*
 Cur Gentiles cum Iudæis collati, vocantur
Gentes intelligentiæ expertes, Rom. 10? Ea omnia
 verè dici non possunt, si Ethnici clara illa &
 Prophetica longè evidentiora Sibyllarum car-
 mina habuerunt. Illorum tempora non igno-
 rantia, sed lucis & cognitionis fuerunt. Nulla
 fuit præ iis prærogativa Iudæorum; imò maxi-
 ma fuit Ethnicorum in Iudæos, quibus Sibyllæ

oracula Prophetica longè clariora, fuderunt.

Vnum præterea addo, supposititia esse hæc scripta & post Christi tempora conficta, inde etiam liquere; quod apud Platonem, Aristotelem, Theophastrum, & tot alios è Paganis curiosissimos omnium disciplinarum scrutatores, eorum quæ apud Sibyllas miramur, nullum penitus exstat vestigium. Fuit ergo id Christianorum inventum, sub initia Novi Testamenti. Primis enim illis Ecclesiæ temporibus, quàm plurimi extiterunt, ut legentibus historiam notum, qui palmarium iudicabant, cælestem veritatem figmentis suis ire adiutum; quò facilius scilicet nova doctrina à Gentilibus admitteretur. *Pias fraudes, & officiosa mendacia* ista vocabant, bono fine excogitata. Eo ex fonte orti sunt libri sexcenti, quos illa ætas & proxima viderunt, de quibus consulendus Doctissimus Dallæus *De usu Patrum, & Pseudepigraphis.*

Sed ut fictitia illa carmina mittam; quæ de ipsis Sibyllis tradiderunt Ethnici, adeò incerta sunt & confusa, ut de numero, patriâ, parentibus, de loco vaticiniorum, tempore & aliis, maxima inter eos sit discrepantia. Alij vnam tantum fuisse commemorant; eamque, alij Iovis, alij Apollinis, alij aliorum parentum filiam faciunt.

ciunt. Quidam Aegyptiam, alij Samiam, alij Cumæam, alij Erythræam, alij aliunde oriundam contendunt.

Quorumcunque autem parentum, & cuiuscunque patriæ fuerit; ea ab Apolline cuius Sacerdos fuerat, adamata dicitur, qui ei quicquid vellet poscendi arbitrium obtulit; Illa arenam manibus hausit, & tot annorum quot arenularum corpuscula essent, vitam poposcit, quam Apollo ei præstitit. Eam sic loquentem inducit Ovidius *Metam.* l. 14.

— — — *Dum Phæbus corrumpere dictis
Me cupit, Elige, ais, virgo Cumæa, quid optes:
Optatis potiere tuis. Ego pulveris hausti
Tot mihi natales contingere vana rogavi.
Excidit, ut paterem iuvenes quoque protinus
annos.*

*Hos tamen ille mihi dabat, æternamq; inventam,
Si Venerem paterer. Contempto numine Phæbi
Innuba permanco. Sed iam felicitior ætas
Terga dedit, tremuloq; gradu venit agra senectus;*

*Qua patienda diu est. Nam iam mihi secula
septem*

*Acta vides; superest numeros ut pulveris aquam,
Ter centum menses, ter centum mûsta videre.*

Illa igitur Cumis in Campania Italiæ , per multa secula in thalamo subterraneo habitans, interrogantibus responsa dabat. Oracula in palmarum foliis consignare solitam esse, Virgilius canit *Aeneid.* 3.

*Insanam vatem aspicias , quæ rupe sub ima
Fata canit , foliisq; notas & nomina mandat.
Quæcunque in foliis descripsit carmina virgo
Digerit in numerum , atque antro seclusa re-
linquit.*

Adeò autem eius vaticiniis certa fides fuit habita, ut etiam in Proverbium eius folia abierint ; & si quæ indubitata haberi deberent, *Sibyllæ folia* dicerentur, Iuven. *Sat.* 8.

*Quod modò proposui, non est sententia: verum est.
Credite me vobis folium recitare Sibyllæ.*

Eam esse memorant quæ libros Tarquinio, de quibus suprà, obtulit. Alij verò plures fuisse eiusmodi *μάντιδες* volunt , sed de numero non concordant. Martianus Capella *in fine libri* 2. duas tantum agnoscit , Erythræam & Phrygiam. Plinius & Solinus tres, de quibus Aufonius,

Estres fatidica , nomen commune, Sibyllæ.

Aelianus quatuor. Alij sex. Dionysius *lib.* 1. novem. Marcus Varro , decem. Alij denique

dénique duodenarium numerum statuunt; quarum sequentes paginae exhibent icones, & eorum quæ de iis prodita sunt brevem narrationem.

Decem quas vult Varro, hoc ordine collocat; Persicam, Libycam, Delphicam, Cumæam, Erythræam, Samiam, Cumanam alteram, Hellesponticam, Phrygiam, Tiburtinam.

Harum libros qui superesse dicebantur, Stilico ne amplius legerentur à quoquam, igni absumpsit. Theodosius autem Imperator, Collegium XXvirum cum reliquis Ethnicorum superstitionibus abolevit, anno salutis humanæ 390. Vnde & iterum patet, illa quæ hodiè circumferuntur carmina Sibyllina, genuina non esse.



*Perfica seu Chaldaea fui, patre nata Beroso
Sambethe Pythij; Vaticinata modis.*

PERSICA SIBYLLA

Primam recenset Varro Sibyllam *Persicam*; quam alij Babyloniam, alij Chaldaeam, alij Hebraeam, alij Aegyptiam appellarunt. Nomen eius proprium *Sambetha*; vel ut Pausanias habet, *Sabba*. Natam dicunt patre Berofo, matre Erymanthe, in oppido ad mare rubrum, cui Noë nomen. Vnde aliqui Nohæ Patriarchæ filiam vel neptem fuisse contendunt, præsertim cum *l. 1. Carm.* Sibylla, vnà se cum Noha in arca effugisse αἰπὺν ὄλεθρον, *discrimina mortis*; & *lib. 3.* de eodem Noha verba faciens, affirmet se eius sanguine ortam. Huius omnium antiquissimæ Sibyllæ, historiam descripsisse Nicanorem illum qui Alexandri Magni res gestas memoriæ mandavit, Lactantius ex Varrone annotat. Libros eius viginti quatuor fuisse, Suidas testis est: in quibus innumera cecinit de regnorum mutationibus, de Christo, de AntiChristo, & singulatim de Alexandro M., qua occasione etiam Nicanor eius historiam rebus Alexandri interposuit. Horum librorum fragmenta adhuc aliqua apud Lactantium

lib. 1. cap. 6. & Augustinum lib. 18. de Civit. Dei, cap. 25. passim habentur.

Tempus quo floruit, etsi vulgò diluvio definiatur, si tamen verum est quod Beroso parente progenita fuit, longè posteriorem fuisse statuendum est. Constat enim Berosum fuisse Chaldæum, & Beli in Babylone Sacerdotem, ut testis est Tatianus Assyrius *Orat. adv. Græcos*, eumq; tempore Alexandri M. vixisse. Alij non hunc Berosum recentiore Sibyllæ Persicæ patrem fuisse dicunt, sed alium antiquissimum prophetam, qui ante bellum Troianum vixerit. Pausanias scribit illam consuevisse cum Hebræis qui supra Palæstinam habitabant, ex quorum libris multa didicerat, ideò Hebræam & Chaldæam dictam. Hanc eandem fuisse cum regina illa Saba de qua *1. Reg. c. 10. 1.* quæ audiens famam Salomonis Hierosolymam venit, ut illius sapientiam audiret, nonnullis placet: Ac sanè Saba dicta est, & Persica, & Arabica. Verùm Beroaldus in *Chronico*, per Sabæos, Arabici sinus accolas, item alios populos alteri sinui, Persico nimirum vicinos, intelligit: reginamq; illam sapientissimam non ex Aethiopia, sed potius Arabia Fœlici

lici , aut sinu Persico , venisse statuit. Nec
ille modò , sed Martyr *in* 1. *Reg.* 11. aliq; ;
quia regina Austri, à Christo fuit appellata: si-
nus autem Persicus & Arabia Fœlix , Iudææ
regionis respectu , ad Austrum spectant.

Libyssa vel libyca Elissa.



Ut genus e Libya, venit mihi nomen Elissa.
 Mi cortina Clari serviit, atque Sami.

LIBYCA SIBYLLA

Libyca, vel Libylla Sibylla secundo loco collocatur à M. Varrone, quæ proprio nomine dicta est Elissa. Hanc ex Iove & Lamia Neptuni filia procreatam, tradit Pausanias in *Phocæicis*. Eam proprio nomine Sibyllam vocatam esse volunt, à qua omnes postea prophetissæ mulieres, propter similitudinem enthusiasmi, & inspirationem divinam, Sibyllæ cognominatæ sint. Diversis in locis oracula reddidisse fertur; in Claro vrbe Colophoniorum; inde Delphis; maximam tamen vitæ partem transegisse in Samo. Hanc eam esse censet Lactantius *lib. 1. 6.* cuius Euripides in *Prologo Lamiæ*, mentionem facit. Tribuuntur illi variæ prædictiones adversus idolorum cultores: Item de Christo, eiusdemque passione & miraculis: de mundi conflagratione; de Iudicio extremo, Mortuorum resurrectione, Vita æterna piis & Dei cultoribus præparata; De impiis, iraq; Dei quam certò subituri sunt; Denique de everfione urbium, & regnorum mutationibus, alijsq; cladibus, quibus à Deo irato punietur mundus.



Reddere Boeotis consueram oracula Delphus
 Heroi inventrix carminis esse feror.

DELPHICA SIBYLLA

DELPHICAM Sibyllam, Suidas Thessalonicam vocat Diodorus verò Daphnem. Quidam illam esse existimant quæ Iovis & Lamiae filia fuit ; alij Aristocratis & Hydoles ; alij ab Idæa nymphea editam dicunt , patre Theodoro. Hanc multi asserunt omnium formarum quæ oracula reddiderunt antiquissimam, longeq; ante bellum Troianum prophetasse. Eius ex versibus Homerum poetam multa ad ornatum sui poematis sumpta transtulisse, refert Diodorus Siculus *lib. 4. cap. 6.* Suidas, ait eam quum Argivi Thebas expugnassent, inter captivos reliquos Delphos missam esse, ubi Apollinis vaticiniis divinandi peritior facta, oraculis aliquandiu inservierit. Clemens Alexandrinus, saxum quoddam iuxta Bulentarium ostendi testatur, super quo Sibylla Delphica sedens oracula cecinerit. Quumq; diu Delphis commorata fuerit, factum est ut à multis ibi nata crederetur, eademq; fuisse iudicaretur, quæ Themidis nomine aliàs celebris fuit. Huic tribuuntur multæ prædictiones, De vno vero Deo, & de Christo Servatore.

Scripto etiam mandavit, Incarnationem, Doctrinam, Miracula, Passionem, Resurrectionem & Ascensionem Christi in cœlum. De hac Chrysippum in libro *de Divinatione*, scripsisse Lactantius ex Varrone, affirmat. In huius libris Augustinus *lib. 18. de Civit. Dei cap. 21.* se hæc verba reperisse ait; *Nascetur Propheta ex Virgine absque humana corruptione.* Vixisse dicitur ante Christum 1200. annis.

CVMÆA

Cumæa Erophone, vel Symmachia



Artani Phoebus cénsetur carminis auctor.
Cumæo expressi quod Pythia e tripode.

CVMÆA SIBYLLA

CVMÆA dicta est à Cumis, quæ vrbs est in Campania, omnium in Sicilia & Italia urbium antiquissima. Nomen habet ἀπὸ τοῦ κύματος à fluctibus, nam propinqua est mari. Illic, testibus Virgilio & Solino, erat Sibyllæ facellum, in quo prophetasse dicitur. Iuven. Sat. 3.

*Quamvis digressu veteris confusus amici
Laudo tamen vacuis quod sedem figere Cumis
Destinet, atque unum civem donare Sibyllæ.*

Cæterum de proprio huius phœbadis nomine plurimum discrepant inter se authores. Pausanias eam vocat *Demo*: Alij *Amaltheam*; Suidas, *Eriphilen*: Virgilius, *Deiphobem* Glauci filiam, qui & ipse clarus fuit vaticiniis ac divinatione: Aristoteles *Melanchrenam* cognominat; Lactantius lib. de *Ira Dei*, eam esse affirmat quæ Tarquinio libros fatales vendidit: Virgilius verò & Ovidius longè antiquiorem esse volunt, qui testantur ad eam venisse Aeneam sciscitatum de statu fortunarum suarum; certum autem est inter Aeneam & Tarquinium, intercessisse annos plusquàm sexcentos. Refert Iustinus.

Iustinus Martyr, se cū Cumis esset in Campania, vidisse locum quendam, vbi basilica ingens erat vno fabricata saxo, ibiq; oracula reddere solitam Cumæam Sibyllam, affirmasse ac-
Admon. ad. Græc
 colas. Eam basilicam durasse tradunt ad annū Domini 1539. quo terrę motu eversa est. Etiam-
 nū hodiē, teste Boissardo, ostenditur super lacu Averno spelunca, quæ Sibyllæ dicitur, vasta & spatiosa, artificiosa testudine excavata; hæc post longum amplumq; meatum sub monte extēsa, tandem muro obducto finitur; qui idē extructus est, quod plurimi advenæ curiositate ducti, per anfractus illos subterraneos, obscuros & multiplici ambage reticulatos, sese in inferiora loca demittebant; cumq; illis reditus liber non daretur, lucernis propter sulfureas exhalationes suffocatis, miserimo vitæ exitio pœnas nimix curiositatis suæ luebant. Eam specum sic describit Virgilius *Aen. 6.*

*At pius Aeneas arces, quibus altus Apollo
 Prasides, horrendaque procul secreta Sibyllæ
 Antrum immane petit; magnum cui mentem
 animumq;*

*Delius inspirat vates, aperitq; futura &c.
 Talibus ex adyto dictis Cumæa Sibylla
 Horrendas canit ambages, antroq; remugit,*

*Obscuris vera involvens. Ea frana furenti
Concurrit, & stimulos sub pectore vertit Apollo.*

Huius Sibyllæ nomine feruntur varia oracula; De vno Deo; De Christo vero eius filio, æquali patri; De eius incarnatione & è Virgine Maria ortu; De adoratione Magorum in Bethlehem &c.

Vulgò creditur ex huius prædicationibus, Virgilium petiisse Eglogam suam quartam, in qua *γενεθλιακὸν* Salonini Pollionis filij describit, cuius principium est, *Sicelides Musæ* &c. in qua varia contineri putant; quæ nonnisi in Christo completa sunt, maximè quæ sequuntur,

*Iam redit & Virgo, redeunt Saturnia regna
Iam nova progenies cælo demittitur alto &c.
Te duce si qua manent sceleris vestigia nostri,
Irrita perpetua solvent formidine terras. &c.*

Ex huius Eglogæ versuum lectione Secundianum pictorem, & Marcellianum oratorem, Christianos factos esse narrant. Eamq; totam recitat Constantinus Magnus, & interpretatur de Christo. Verum, ut optimè observavit Blondellus, nihil Christiani sapit hæc Elogia; tota Ethnica est, estq; mera assentatio, quâ Poëta Pollioni benefico cui Consulatus

tempore

*Orat. ad
Sanct.
cæsum.*

tempore natus erat filius, palpatur, proq; eius
& infantuli salute vota nuncupat. Eaq; poëti-
co more fingit; tantam scilicet sub Salonino il-
lo cūm adoleverit, omnium rerum fœlicitatem
futuram pollicetur, vt rediisse credatur ætas
illa aurea qualis erat sub Saturno, vbi & aër
saluberrimus erat, & terra fœcundissima, quæ
nullo cultu aut labore, per se dabat omnia; &
homines iustissimi qui,

----- *Vindice nullo*

Sponte sua sine lege fidem rectumq; colebant,
vt canit Ovidius: vbi reditura sit *Virgo*, id est
Astræa illa virgo quæ cūm hominum scelera *Admon.*
ferre non posset, se in cœlum desertis terris *ad Grec.*
receperat, vt ait idem Poëta *Metam. l. 1. 4.*

----- & *Virgo cæde madentes*

Ultima cœlestium terras Astræa reliquit.

Si quæ autem extabant huius Sibyllæ car-
mina, ea apud Aenam civitatem, Iuliāno im-
perante combusta esse, scribit Amm. Marcel-
linus. Quæ itaque illius nomine præferuntur,
fictitia sunt.

Pariter & commentitium est quod narrant *Solin. c. 5*
Solinus & Isidorus, eius sepulcrum Lilybæi in *Isid. l. 8.*
Sicilia, suo ævo adhuc mansisse. Fabulam ex *c. 8.*
eo natam censet Cl. Bochartus, quod ad Sibyl- *Boch.*
Geogr.
Sac. p. 2.
c. 25.

læ nomen alludit Hebræum זבול (Zebul) *Habitatio*, quod pro sepulcro passim vsurpatur, quia in eo quisvis habitat; & Arabs غمما (Gummaa) *Universitas*. Coniectat itaque Vir ille sagacissimus, quia *Zebul gumaa*, id est, *Habitatio universitatis*, seu communis omnium sedes & locus, alicui sepulcro ad Lilybæum inscriptum erat, ex illo *Zebul gumaa*, factum *Sibylla Cumæa*.

ERYTHRÆA

Erythraea Demophile sive Athenais.



*Ionis divum responsa ferebat Erythris,
Demophile Pijthio Phoebas amata Deo.*

ERYTHRÆA SIBYLLA

HÆc inter Sibyllas fuit nobilissima, eiusq; scripta apud multas nationes summa cura servata sunt, maxime Erythris, vnde Romani ea Romam transfèrri curaverunt. Strabo *lib. 14.* duas hoc nomine Phœbadas fuisse dicit; vnam antiquissimam; alteram recentiore, quæ responsa dabat Alexandri M. tempore. Priorem illam, volunt ante bellum Troianum vixisse, Troiæq; everisionem, & Helenam in perniciem Europæ & Asiæ nascituram, prædixisse. De eius patria discrepant authores. Lactantius Babyloniam fuisse dicit, vocatamq; Erythræam proprio nomine, non ab aliqua vrbe aut regione. Alij verò ab Erythris dictam affirmant: quod Erythræi inprimis pertinacissimè asserabant, antrum phœbadis nativitate clarum ostentantes. Vnde & Apollodorus Erythræus, eam popularem suam fuisse gloriatur.

Statim exciso Ilio, Aenææ & eius sociis futura prædixisse fertur, iussisq; eos versus Occidentem eò vsque navigare, donec eò locorum pervenerint vbi mensas comederent, referente Halicarn. *lib. 1.* Quod & factum fuit, quando

quando in Italia triticeas crustulas loco mensæ substratas simul comederunt ; vbi Ascanius, teste Virgilio, *Et mensas consumimus*, exclamavit, & vaticinio de sede hac fatali fidem fecit. Quæ vulgò illius nomine feruntur carmina, varia complectuntur, De creatione mundi generatim, & hominis seorsim; De Christo Dei filio venturo: De eius miraculis; De bonis quibus mundum beaturus est; De extremo iudicio; De pœnis malorum, & fœlicitate bonorum; De fine mundi; De Antichristo, & vario Ecclesiæ statu.

Huic autem Sibyllæ nobilissimæ, Constantinus Magnus tribuit acrostichin illam de qua suprà, cuius versuum literæ initiales, has dictiones constituunt, *Iesus Christus, Dei filius, Servator, Crux*, Sibyllamq; veram fuisse huius authorem, testem laudat Ciceronem lib. 2. de Divin. cuius verba sunt., *Ea qua acrostichis dicitur, cum deinceps ex primis versus literis aliquid con-*
nectitur, *ut in quibusdam Ennians, id certè magis est*
attenti animi quàm furentis. Atqui in Sibyllinis ex
primo versu cuiusque sententia, primis literis illius
sententia carmen omne prætexitur: Hoc scriptoris est,
non furentis; adhibentis diligentiam, non insani.
Verùm falsò Erythrææ Sibyllæ acrostichin illā

Serm. ad
Conv.
Sanct.

tribui , vel ex ipso Cicerone patet. Is enim docet eam fuisse carminum Sibyllinorum texturam & artificium , vt primus sententiæ versus, in capite & ad latus poematis scriberetur: in hoc verò Pseudo-Erythrææ poemate acrostichis ex solis ad latus literis constat , non sunt eadem in primo versu. Deinde ex eodem Cicerone manifestum est , omnia carmina Sibyllinorum librorum quæ apud Ethnicos celebrabantur , eodem artificio contexta fuisse; cùm in iis octo libris carminum Sibyllinorum quos iactant Christiani , extent duntaxat triginta quatuor acrosticha. Vnde liquet horum librorum sarcinatores , nec libros Sibyllinos tantoperè à Paganis decantatos legisse, nec ipsum Ciceronem, cùm de Acrostichis loquitur hos intellexisse.

SAMIA

Samia Phyto sive Phiygo.



*Divino quoties pectus stimulatut ab oestro
Enthea fatidicis ora resolvo modis*

SAMIA SIBYLLA

SEXTA Sibylla, quæ annis plus-quàm quingentis Erythræam secuta dicitur, Samia fuit, nomine Phyto. *Aelian. lib. 12. Var. Hist.* eam vixisse scribit temporibus Numæ Pompilij. *Aug. De Civ. Dei* Augustinus sic de ea lequitur. *Numa regnante l. 18. c. 14 Roma, & apud Hebræos initio regni Manasse, Samiam fuisse Sibyllam scribunt.* Hæc post Erythræam docuisse fertur, Vnum esse solum Deum conditorem omnium, cognoscendum & colendum; & avertisse Gentes à cultu Dæmonum & Idolorum. Christum filium Dei esse dicit, & excandescit in Iudæos qui eum Regem suum non agnoverint. De præmiis bonorum & impiorum pœnis multa habet, eoque spectant huius oracula, ut homines à vitiis avertant, & ad morum correctionem adducant. Suidas hanc primam Lyræ triangularis inventricem facit.

CYMANA

Cumana Amalthea vel Demophile.



Venales auro redime hos rex maxime libros
 Romanas fortes pagina sacra docet.

CVMANA SIBYLLA

M. Terentius Varro Cumanam Sibyllam à Cumæa distinguit. Appellatam dicunt à Cumis, vrbe Locrensis agri, quæ fuit in Ionia Asiæ minoris, inter vrbes olim florētissima. Commigravit postea Sibylla in Italiam, vbi oracula reddidit. Multa vaticinata esse dicitur, De Romanorum potentia, & imperio futuro; De Christo & eius mysteriis. Plerique tamen hanc eandem esse censent cum Cumæa illâ suprâ dictâ, & perperam duas constitui. Hancq; proinde esse quæ Tarquinio Romanorum Regi, suprâ commemoratos libros vendidit.

HELLESPONTICA

Hellepontiaea. Demo vel Daphobe.



*Marpesso orta feror celebrato in Troade vico
Phoebas Apollineo clara ministerio.*

HELLESPONTICA SIBYLLA

Hanc oracula celebri fama reddidisse Cyri
Hac Solonis tempore, id est, ante Christum
159. tradunt ; & Marpessi oppido Troadis na-
tam, vnde Marpesia dicta. Nomen proprium
fuit Demo. Falluntur qui eam cum Deiphobe
Glauci filia, quam consuluit Aeneas cum ex
Troade venisset in Italiam, confundunt.
De Christo etiam varia prædixisse fertur; ma-
ximè tenebras illas quæ in eius morte, medio
die sine vlla naturali causa, contigerunt.

PHRYGIA

Phrygia Phaennis



Responsis quondam celebrata est Sincranosti
Concepto incalij quando anima Deo

PHRYGIA SIBYLLA

DE hac Sibylla ista habentur apud Cœl. Rhodiginum l. 14. c. 1. *Dardanius Samothraciâ relictâ in Phrygiam venit ad Teucrum regem, cuius filias duas uxores duxit, Batiam & Nesonem: ex Nesone nata est filia fatidica quæ spiritu divino afflata, populis sciscitantibus responsa de futuris pronuntiabat, nomine proprio dicta Sibylla: quapropter summo honore culta est in Asia, propter communicationem quam credebatur habere cum Apolline, qui illi inspirabat oracula admiranda. Ea ut plurimum responsa sua dedit Ancyrae, quæ est vrbs Asiæ minoris, inter Paphlagoniam & Galatiam. Hanc ferunt prædixisse Christi nativitatem ex Virgine Maria, quam illi Angelus Gabriel annuntiavit; Item mortem Christi; Resurrectionem post triduum; sui manifestationem Apostolis, & quæ exhibuit impressa pedibus & manibus clavorum vestigia; Resurrectionem mortuorum, & Iudicium postremo seculo futurum.*

TIBURTINA

Tiburtina Albunea.



Templa meo Herculeum vocit sub nomine Tibur
 Divorum interpres clara ubi visa fux

TIBURTINA SIBYLLA

DEcima & vltima Sibylla Tiburtina fuit, quæ paulò ante Christum natum floruit. Aliàs nominata est Albunea ab Albulæ fluvio. Propter excellentes futurorum prædictiones ab incolis Anienis seu Albulæ fluvij, pro Dea patria culta est: maximè postquam in vivis esse desiit. Illam templo, aris & sacrificiis decoraverunt. Quia verò Tiburi ad Albulam, sua reddidit oracula, Tiburtina dicta est. Hæc dicitur Augustum Cæsarem, puerum Hebræum Virgine natum, adorare iussisse; populumq; instituisse documentis salubribus; iusticiam servandam inter homines docuisse; unicuique ius suum tribuendum; integritatem vitæ sectandam; nec quicquam admittendum quod ius concordiamq; læderet. Multis post illius mortem annis inventa est eius statua lapidea, in profundo Anienis gurgite, quam Senatus Romam solenni pompa transferri curavit, & in Templo Iovis Capitolini cum Sibyllæ libris reponi. Plinius *lib.* 34. scribit suo tempore tres Sibyllarum statuas pro Rostris positas Romæ.

EPIROTICA

Epirotica. Phaennis.



Fatidica; inter numerat Dodona Phaennis;
 Quae cecinit Pythio plena futura Deo.

EPIROTICA SIBYLLA

Quamquam M. Terentius Varro decem tantum Sibyllas annumerat, tanquam præcipuas, quarum libri maxima religione & cura servari Romæ credebantur; certum tamen est multas alias fuisse Phœbadas, quæ Dæmonum afflatæ spiritu, variis in locis vaticinatae sunt. Ex harum numero fuit Epirotica, quæ proprio nomine Phaënnis fuisse dicitur. Fateor nonnullos velle hanc eandem esse cum Phrygia illa de qua supra, plerique tamen secus sentiunt. Tradunt eam simul atque ex utero materno prodire, quamprimum de Univerſi coagmentatione philosophatam esse. Fortasse ea est, quam Europæam nonnulli cognominant, quæ Thesprotiæ Epiri nata est, & in Dodonæo templo reddidit oracula. Liber antiquus qui est in Bibliotheca regia, ut refert Boissartus, illi hos versus tribuit,

*Virginis aeternum veniet de corpore verbum
Purum, qui valles & montes transiet altos.
Ille volens etiam stellato missus Olympo,
Ederur mundo pauper: qui cuncta silenti
Rexerit imperio (sic credo & mente fatebor,)
Humano simul & divino semine natus.*

ÆGYPTIA

Ægyptia



Sum Pelusiacas vates celebrata per urbes
 Quæ summi ostendi mystica. Jensa Dei.

ÆGYPTIA SIBYLLA

Scribit Clemens Alexandrinus *in Prometheo*,
 fuisse ludicum Hebræorum tempore, re-
 gnante apud Ægyptios Pharaone Taracho,
 fati dicam Sibyllam. Ea est procul dubiò quæ
 Ægyptia dicta est, quamq; Aelianus inter
 quatuor præcipuas Phœbi Sacerdotes fatidi-
 cas recenset; Erythræam scilicet, Samiam,
Pausan. Sardicam, & Ægyptiam. Pausanias tamen
in Phoc. hanc eandem esse censet cum ea quæ Persica
 dicta est, vel Aethiopica, nomine Sabæ. Ut-
 cunque sit, nam de his nihil certi tradi potest,
 huius nomine variæ feruntur prædictiones;
 De Christi Servatoris adventu; De eius incar-
 natione in utero beatæ Virginis; De eius mi-
 raculis, passione, & extremo iudicio. Monuit
 populos, ut converterentur ad numen illud
 summum, quod suæ divinitatis socium admittit
 neminem. Ephesini templi tota Asia celeberrimi,
 everisionem prædixit. Isidis quoque, &
 Serapis idolatriam taxat, quorum cultum ne-
 fastum abolendum pronuntiât. Lælius Cleo-
 passus hos illi versus tribuit,

— *Qui Lux æterna, Lumen de Lumine, semper*
Qui

*Qui fuit, estq̃, & erit, sidera summa tenens;
Virginis Hebrææ, castam descendet in alvum;
Factus homo tandem est hac genitrice Deus.
Hoc mediante Deo coniungimur: illius ergò
Progenies summi dicimur esse Dei.*



Gg

Colophonía Lampusia



Sum Chalcante fata, et Phoebæ dilecta, Sacerdos
 Responſa in culta quæ Colophone tuli.

LAMPVSIA SIBYLLA

FVisse dicitur Calchantis illius filia, qui cum Græcis in expeditionem Troianam profectus est, quem in dubiis, ceu oraculum consuluit Agamemnon Imperator, & sine cuius consilio nihil moliebantur Græcanici exercitus Principes. A parente igitur instituta Lampusia, Apollinis Pythij Sacerdos consecrata est, magnumq; nomen sibi vaticinandi peritia comparavit. Nec solum in Asia, sed per totam Græciam Europæam, celebris habita est. Maximam ætatis partem egit Colophoni, quæ vrbs est Asiæ Minoris, ex qua Homerum natum voluerunt eius cives; vnde Colophonia cognominata est.

Varia leguntur eius prædictiones; De mutationibus regnorum; De bellis, aliisque eiusmodi, quæ ad hanc vitam mortalem spectant: Item præcepta quibus homines ad bene vivendum hortatur, ut illius iram vitent, qui malos malè perdet & æternis suppliciis afficiet. De hac Strabo, *Sibylla Colophonia Lampusia dicta, à Calchante oriunda, & ipsa divinationes oraculaq; & alia quadam versibus edidit.* Lælius

Cleopassus hoc exasticon illi tribuit,

Ne Phæbi cortina tulit, Colophonia vatem

Mendacis tripodes execror usque Dei.

Est Deus aternus, qui nomine non eget; ille

Solus enim mundi possidet imperium.

Huic soli vota atque preces effundire; grata est

Illi, quæ ex puro victima corde venit.

MANTO

Theſſalica Manto.



*Templa Clari prima erexi, atque oracula reſol:
Et noſtris gaudet Mantua nominibus.*

MANTO SIBYLLA

FLoruisse dicitur Manto, Creontis & Theſai Thebanorum Regum crudeliſſimorum temporibus, & fuiſſe Ireſiæ vatis, de quo ſuprà, filia. Hæc poſt patris obitum tyrannorum ſævitiam fugiens, in Aſiam venit, Clarumq; appulit, vbi templum Apollini ædificavit, eiufq; ſacris præfuit. Cùm enim vaticinationem à patre edocta eſſet, Phœbiq; inſpiratione adiuta, brevi in tantâ celebritate fuit, vt cum clariſſimis Phœbadibus & Sibyllis æquaretur. Tandem Aſia relicta venit in Italiam, ibiq; à Tiberino rege Albæ Longæ adamata eſt, propter egregiam formam, & animi præſtantiſſimas dotes. Ex eo ſuſcepit Bianorem, aliàs Ocnus dictum, de quo Virgilius *Egloga* 10. & *Aen.* 10. Is mortuo patre Tiberino, (qui in Albulam fluvium, ab eo Tiberis vocatum, lapſus periit,) cum matre in tranſpadanam Italia regionem ſe contulit, & in ea planitiæ urbem ædificavit, quam appellavit *Mantuum*, de nomine matris: Sic enim Virgilius *Aen.* 10.

*Ille etiam patriis agmen ciet Ocnus ab oris,
Fœdica Mantus & Tuſci filius amnis*

Qui

Qui muros, matrisq; dedit tibi Mantua nomen.

Mantua dives avis &c.

Nihil scriptis illa mādavit quod quidem ad nos pervenerit. Nonnulli tamen, inter quos Ruillius, affirmant eam de Christo venturo in mundum, de eius ex Virgine ortu, deq; paupertate, vaticinatam esse, ideoq; in Sibyllis numerandam. De hac Ovidius *Metam. lib. 6.*

Fab. 3.

*Nam sata Tiresia venturi prascia Manto,
Per medias fuerat divino concita motu,
Vaticinata vias.*

Themis Coeli et Terrae filia



Cephusi ad ripas templo sum culta Vetusto
Deucalionæi tempore diluvij.

THEMIS



έμης, fas, quod iustum est & positum ad observandum, à τίημι pono. Gentiles, suo more, Deam faciunt, quam fingunt Cœli & terræ filiam: quia scilicet homines docet pietatem erga Deum, & iusticiam erga homines colere. Eam aiunt Saturni sororem & Iovis amitam; quæ Ogygis avi pietatem secuta, homines assiduis adhortationibus ad benè vivendum compulerit, tum voce tum exemplo; Deoq; nihil gratius esse pietate erga cœleste numen, & charitate erga proximum, docuerit. Huic honores divinos tribuerunt, tanquam Deæ iusticiæ faulrici, & Dei Sacerdoti primariæ. Fatidicam etiam esse dixerunt, quæ futura hominibus prædiceret, & rerum incertos eventus explicaret. Hanc à Iove compressam fabulatur Hesiodus in Theogonia, peperisse horas Εὐνομίην τε Δίκην τε ἔν εἰρηνήν τε θαλαῖαν. Post obitum ad cœlos remeasse credita est, & illic plurimum authoritatis adepta; Iusticiæ præesse; regibus regni iura præscribere; populos ad obsequium erga præfectos cogere, æstimata est:

H h

denique in tanta veneratione fuit, vt sine eius numine existimauerint mundum constare non posse. Ideo illi Tempia & honores divinos statuerunt. Iam ante Deucalionis diluvium illi structum erat delubrum in Bœotia ad Cephissum amnem, vbi sacras sortes dare dicebatur: Huc venisse Deucalionem & Pyrrham canit Ovidius *Metamorph.* i. vt Deam consulerent, qua arte genus humanum quod diluvio perierat, reparabile esset; quibus respondit Dea, velarent caput, ossaq; magnæ parentis, id est lapides qui in corpore terræ, magnæ parentis hominum, sunt velut ossa, post terga iactarent.

CARMENTA

Carmeitta Mercurij filia.

*Fata Italos Ventura docens Evandria mater
Est inter Latias annumerata Deas.*

C A R M E N T A

E A alio nomine Themis & Nicostrata dicta est : fuitq; Ionij Regis Arcadiæ filia. Carmenta appellata vel à Carmine, cùm enim fatidica esset, oracula carminibus reddere solebat; vel quasi *carens mente*, propter furorem quo cùm enthusiasmo correpta erat, invadebatur. Ea mater fuit Evandri. De his Livius lib.1. Dec.1. *Evander tum ea loca profugus ex Peloponneso, auctoritate magis quàm imperio regebat: venerabilis vir miraculo literarum, rei novæ inter rudes artium populos: venerabilior divinitate credita Carmentis matris, quam fatuloquam ante Sibyllæ adventum in Italiam mirata hæ gentes fuerunt.*

Carmenta itaque propter insignem pietatem & futurorum præscientiam, existimata est commercium familiare habere cum Diis, quorum numine afflata prænosceret futura, & prædiceret hominibus ad eorum conservationem. Ideo pro Dea culta est inter Aborigenes & Arcades Tiberis incolas: Sacraq; illi instituta sunt *Carmentalia*, quæ quotannis celebrabantur à matronis 18. Cal. Februarij: ab ea dicta est porta *Carmentalis*, sub Capitolio, ybi

vbi illi templum extructum à matronis Romanis versus Tiberim: Ita enim Solinus, *Pars infima Capitolini montis habitaculum Carmentis fuit, vbi & Carmentale fanum est; à quo Carmentalis porta nomen.* Vnde & P. Victor in VIII. vrbis Regione ponit *Templum Carmentale.*

Dicitur autem Carmenta ex Arcadia literarum Græcarum characteres primùm in Italiam attulisse, & iis conceptum mentis exprimere scripto docuisse: quæ res priùs incognita Aboriginibus, mirifica iudicata est, & divini ingenij certissimum argumentum. Quod & superiori seculo contigisse legimus Americanis.

Cassandra Priami et Hecubæ filia.

*Prædixat Troiæ excidium Priameia Virgo
Atque Agamemnoniæ tela cruenta necis*

CASSANDRA.

SCholiastes Homeri *in Iliad. B.* tradit, Priamum regem ex Hecuba vxore, Helenum & Cassandram suscepisse : Infantes in templo Apollinis Thymbræi, vbi γενέθλια celebrabant, colludentes obdormivisse : Famulas quibus puerorum cura erat demandata, temulentiores eorum oblitās domum abiisse : Postridiē in templum reversas, vidisse serpentes linguis puerorum sensoria organa obstruere : Territas vociferationem edidisse : Serpentes clamore excitas, sub proximas lauros se abdixisse : Infantes nihil omninò oblatos exinde vaticinio claros fuisse. Caterūm Cassandram dici opinantur, quia Casin, id est fratrem Hectora, strenuum habuerit, ac virilem in primis. Eadem & Alexandra nuncupatur *παρὰ τὸ Celiu*
ἀλ' ἕα, quoniam congressus hominum vitavit *Rhod.*
l. 24. 6. vel ab ἀλέξειν, quia vaticinando prodesset pluribus. Plutarchus *in Agide*, refert Cassandram diem suum obiisse Thalamis, vrbe Græciæ, vbi & Templum habuit oraculis & vndeque hominum confluentium frequentia celeberrimum, ibique Πάσιφλæα νο-

cari δὲ αὖ τὸ πᾶσι φαίνειν τὰ μαντεία, quod omnibus vaticinia declararet.

*Lycophron in
Cassandra.*

*Virg.
Aen. 2.
8.*

*Propert.
1.3.*

Cassandreae autem historia aut fabula hæc est. Fuit puella eximiâ formâ, ideòq; perditè ab Apolline amata; qui cùm eius concubitum ambiret, puellâq; potiri non posset, hanc iubet poscere quodcunque vellet, seq; id præstaturum per Stygiam paludem iurat, modò corporis copiam faciat. Illa hac conditione promittit, modò divinandi artem edoceatur; quam cùm Apollo tribuisset, à Cassandra quæ impuro promisso stare noluit, delusus est. Is repulsam ægrè ferens, cùm vaticinandi donum sacramento concessum, revocare non posset, ab ea petit, vt sibi saltem osculum daret, quod cùm illa præstitisset, os eius inspuat Apollo, effecitq; vt Cassandra quidem vera vaticinaretur, sed vt eius vaticiniis nemo fidem adhiberet. *Virg. Aen. 2.*

--- *Fatis aperis Cassandra futuris
Ora, Dei iussu non vnquam credita Teucris.*

Item Aenid. 3.

*Sola mihi tales casus Cassandra canebat;
Sed quis ad Hesperiae venturos littora Teucros
Crederet? aut quæ tum vates Cassandra moveret?
Frustra itaque prædixit Troianis omnia
mala,*

mala, quæ si illi recta suadenti creditum esset, vitari potuissent. Primò enim cùm somniaffet Hecuba eius mater, Paridem vtero gestans, se facem ardentem peperisse, Cassandra interpretata est, puerum qui nasciturus, causam futurum incendij Troiæ; quod & evenit ob raptam à Paride Helenam Menelai vxorem. Deinde cùm decimo Iliacæ obsidionis anno, equus ille ligneus ad vrbis mœnia duceretur, Cassandra machinam illam fatalem esse prædixit, ac proinde in urbem minimè admittendam; sed nemo salutaribus eius admonitionibus fidem adhibuit. Admissus est itaque equus, in quo latebant validissimi Græcorum duces, qui noctu machinâ per Sinonem aperta erumpentes, portam vrbis recluserunt, Græcosq; reuersos ex Tenedo admiserunt, & Ilium ferro flammâq; deleverunt.

Venerat Geraſtus Mygdonis regis Thraciæ filius, ad Troiam, Phrygibus opem laturus; is insano Cassandræ incensus amore erat, eiq; desponsatus; hunc Cassandra identidem monebat vt se in Thraciam reciperet, alioqui ipsum cum Ilio periturum, quod & accidit: cùm enim ea nocte qua vrbs incensa est, auxilium conaretur ferre Cassandræ, quam Ajax

Oileus crinibus arreptam trahebat in Minervæ templum, vbi & vim intulit puellæ, à Peneleo Bæotorum duce, interfectus est,

Infelix, qui non sponsa præcepta furentis

Audierat &c. Furentis, id est vaticinantis.

At stuprum Cassandræ non impunè tulit Ajax : Eo enim irritata Minerva, illum, cum domum repeteret post excidium Troiæ, medio mari ictum fulmine, cum navi miserando perdidit naufragio. Misella verò Cassandra tot malis superstes, in prædæ divisione, Agamemnoni Græcorum Imperatori sortitò obtigit. Cum reditum pararet herus, eum seriò admonuit Cassandra, ut sibi caveret ab insidiis uxoris, cuius proditione interimeretur. Sed prædictiones mulieris, ceu deliræ, risit Agamemnon, quas tamen exitus verissimas esse comprobavit. Agamemnon enim post varia terra mariq; emensa discrimina, Mycenæ venit, vbi à Clitemnestra uxore, conspiratione facta cum Ægistho adultero, unà cum Cassandra trucidatus est.

Quæ de Cassandra vera monente, cui tamen semper fides defuit, narrant Poëtæ, mythologicè interpretantur nonnulli; aiuntq; fabulam in eos confictam qui ingenio sunt per-
vicaci

vicaci & aspero, nec se Apollini, *id est*, Deo ^{Raco de} Harmoniæ submittere volunt, vt rerum mo- ^{Sapien-}
 dos & mensuras, sermonumq; veluti tonos, ^{tia Ve-}
 acutos & graves, aurium etiam magis perita- ^{terum.}
 rum, & magis vulgarium differentias, tempo-
 ra denique tum loquendi, tum silendi, ediscant
 & observent: licet enim sint prudentes & li-
 beri, & consilia afferant sana & bona, nun-
 quam tamen ferè suasu & impetu suo profi-
 ciunt; neque ad res tractandas efficaces sunt;
 sed potiùs exitium iis apud quos se ingerunt
 maturant; & tum demum post calamitatem
 & eventum, vt vates & in longum prospicien-
 tes, celebrantur. Sanè huius rei exemplum
 eminet in M. Catone Vticensi. Ille enim in-
 teritum patriæ & tyrannidem, primò ex con-
 spiratione, deinde ex contentione Cæsaris cum
 Pompeio secutam, diu antè tanquam è specu-
 la prævidit, & velut è tripode prædixit; sed
 nihil profecit interim, verum obfuit potiùs, &
 mala patriæ acceleravit. Id quod prudenter
 advertit, & eleganter describit Cicero, cum ad
 amicum ita scribit, *Cato optimè sentit, sed nocet*
interdum Reipublicæ: loquitur enim tanquam in Re-
publica Platonis, non tanquam in fœce Romuli.

Polyxo.



*Lemnia sum Vates, Phoebæ dilecta Polyxo;
Uliæci facinus per scelus ausa virum.*

POLYXO

DVas mulieres nomine Polyxo celebrat antiquitas ; vnam Argivam Tlepolemi Principis Rhodij, qui in expeditione Trojana cecidit, vxorem; quæ famosa reddita est cæde Helenæ. Cùm enim mortuo Menelao, ab eius filiis pulsa esset Rhodumq; venisset ad Polyxo cognatam suam; hæc necem mariti vlcisci cupiens, Helenam hospitio excepit, & in eam dum lavabat, ancillas furiarum ornatu immisit, quæ illam prehensam & ad arborem suspensam, laqueo necarunt; vt refert Pausanias in *Læonicis*. Altera verò fuit Polyxo maga, atque à mendace & homicida spiritu obfessa, quæ Lemnios aliosq; Græciæ populos decepit. Fuit enim Lemnia & Sacerdos Apollinis, quæ sciscitantibus reddebat oracula ac futura prædicebat, magno hominum concursu.


Narrant, aliquando Lemnias mulieres Superis omnibus sacrum fecisse, Iunoni maximè Pronubæ nuptiarum præsidi; Dianæ item Lucinæ, quæ parturientibus & infantibus in lucem venientibus opem ferret; vnius Veneris

numen consultò neglexisse; quod esset incitatrix ad insanas libidines quibus iuventus à nuptiali thoro avocatur. Hunc contemptum Venus cùm ferre non posset, in matronas Lemnias animadvertere statuit. Mephitim graveolentiæ Deam immittit, quæ mulierum alis & inguinibus virus suum inmitteret; unde factum ut maritis satore essent intolerabiles. Hi itaque vxoribus repudio misso, nuptias mutarunt, & thalamo puellas è Thracia atque Asia accitas, substituerunt. Lemniæ matronæ ignominioso hoc divortio perculsæ, Polyxûs vatis consilium requirunt; ea suadet ut conjuratione facta omnes viri trucidentur. Immane id consilium, statim executioni mandatum est; viros enim nihil tale timentes, per somnum adortos omnes iugularunt. Post interfectos viros, Lemniæ mulieres, hortatu Polyxûs Venerem placare studuerunt, & avertendæ graveolentiæ causa hircum & capram Deæ immolarunt, quibus victimis reconciliata est Venus. Sed tetro in posterum avertendo odore, secum terram illam Lemniam, redactam in pastillos & sigillo capræ, seu ut vult Galenus, Dianæ signatam, gestabant. Etiamnum hodiè ea terra quæ *Sigillata* vulgò dicitur ab impressione

sione putà sigilli, summo est in precio. Vt verò olim signum capræ vel stellæ, ita nunc characteres Turcici, adulterationis metu, globulis illius terræ imprimuntur. Literis Arabicis inscribitur *Tin imachton*, hoc est; *Terra sigillata*. Locus vnde terra illa eruitur ita absconditus est & tectus, ut nisi ab accolis cognosci nullo modo possit. Effoditur statuto tempore ac solenni ritu, eamque magna difficultate robustissimi fossiores, in profundissimis venis latitantem, rimantur & perquirunt. De hac Busbequius Epistola 3. sic scribit. *Fuit, inquit, Græcorum institutum ut non nisi sexto die Augusti, festo Transfigurationis Domini, Specus recluderetur, vnde in Lemno terra, quam Αἴγος σφραγίδα à sigillo capræ, vocabant, hauritur. Idem institutum hodieq; servant Turcæ; & ut olim Sacerdos Græcus liturgiam ibi celebrabat, sic & illam hodie celebrari volunt, ipsi quidem sacrorum ex longinquo tantum spectatores.* Pinguis est illa terra, mollis, adstringens, rubricæ aliquando non dissimilis, nisi quod manus contrectantium non inficit. Memorabile verò est, non modò ex hac terrâ seu argillâ, speciosissima elaborari vasa; sed esse quoque eius vsum in Medicinâ comendatum; quippe

& adstringens est, quod ex adhæsu ad linguam probatur; vnde vsurpatur sistendis profluviis, ac potissimùm sanguinis: & vim alexipharmacam habet; vnde adversus serpentum morsus aliaq; venena, est vsui: eoq; nomine etiam vasa ex eâ confecta, preciosa habentur. Cæterùm P. Belonus Observ. lib. 22. proponit typos terræ sigillatæ imprimi solitos, hac forma.





MADE IN
ROME
BY GIOVANNI MANUELE

Kk

Hirtia Sesostris Aegyptiorū regis filia.



*Sesostris pater est Aegypti sceptrā habitur,
Is Colchos bello deprimet atq; Getas.*

HIRTIA

Herodotus *lib. 2.* Sesostris inter Reges Ægypti primas defert; qui multas nationes debellavit, & subactarum trophæa variis in locis posuit, ex quibus se multa vidisse ipse testatur. Sesostris autem eximia belli facinora suavis & consilio Hirtia filia suscepisse aiunt. Erat enim mulier illa fatidica Serapidis ministerio dicata, cuius afflatu plurima prædicere credebatur. Hæc patri suavit ut Colchis bellum inferret, certam enim victoriam à Diis promitti: id felix eventus brevi comprobavit; expugnatis enim urbibus, tota se provincia eius potestati permisit. Iterum author fuit Sesostris, ut Mariditum Ægypti regi potentissimo bellum inferret, propicios Deos victoriam spondere. Illum Sesostris invasit & superavit; præfuitque Ægypto summa felicitate. Is fuit qui templa magnificentissima per totam Ægyptum maximis sumptibus ædificari curavit; in quibus fuit illud Alexandrinum Serapidis, de quo diximus in Serapide.

F I N I S.



INDEX NOMINVM ET RERVM.

A		<i>Aflum</i>	73
A Crostichis Sibylla Erythraea		<i>Augures & auguria</i>	107.114
pag.	207	<i>Augurum vanitas</i>	16.17.18.117
<i>Aegyptiorum superstitio</i>	63	<i>Avium voces à Magis intellectæ</i>	
<i>Aegyptia Sibylla</i>	212	105.122.152	
<i>Agelasti fiebant qui descendebant</i>			
in antrum Trophonij	49	B	
<i>Agenora Silentij Dea</i>	138	<i>Bacchus</i>	35
<i>Aletriomantia</i>	162	<i>Boissardus</i>	24
<i>Alexander M. credi voluit filius</i>		<i>Bos paret Pythagora</i>	133
Iovis Hammonis	37	<i>Branchus</i>	53
<i>Alexander Severus</i>	155	<i>Brennus</i>	45
<i>Amphiaraius</i>	102		
<i>Amuleta</i>	114	C	
<i>Andromache</i>	125	<i>Cambyfis mors</i>	60
<i>Anubis</i>	62.65	<i>Canes culti Aegyptiis</i>	63
<i>Apis bos, Idolum Aegyptiorum</i>	57	<i>Castoris & Pollucis phantasmata</i>	12
<i>Apollo Pythius 40. author Medicinæ & Musica</i>	42	<i>Caphareus scopulus</i>	125
<i>Apollonius Tyanicus</i>	148	<i>Capnomantia</i>	85.86
<i>Arbores vocales</i>	32.33	<i>Capitolium unde dictum</i>	120
<i>Argonauta</i>	98	<i>Caracalla</i>	155
<i>Aristodemus filiam interfecit, & semetipsum</i>	22	<i>Carmentis & Carmentalia</i>	234
<i>Aruns vates Etruscus</i>	107	<i>Cassandra</i>	237
<i>Afclerionis, de Domitiani cade vaticinium</i>	5	<i>Chalcas vates</i>	21
<i>Astrologia vanitas</i>	8.117	<i>Cham, dictus Iupiter Hammon</i>	38
<i>Astronomorum prædictiones</i>	7	<i>Chiromantia</i>	124
<i>Astylas</i>	116	<i>Cholchica expeditio</i>	97
		<i>Christus Demones compefcuit</i>	28
		<i>Colophonia Lampusia</i>	215
		<i>Colophonem addere</i>	47

INDEX NOMINVM

<i>Columba vocales</i>	33	<i>Extispices</i>	108
<i>C. Cornely mira predictio</i>	12	<i>Erythraa Sibylla</i>	120
<i>Corina</i>	43		
<i>Crepitacula Dodonae</i>	33	<i>F</i>	
<i>Cræsus deluditur ab oraculo Delphico</i>	10.15	<i>A Fabis abstinere</i>	141
<i>Crotona</i>	137	<i>Femur aureum Pythagoræ</i>	133
<i>Cumæa Sibylla 200. eiusdem speciei</i>	201	<i>Fons Hammonis</i>	36
<i>Cuma urbs</i>	200	<i>Futurorum præcognitio</i>	6
<i>Cumana Sibylla</i>	211	<i>G</i>	
<i>Cyclopes</i>	80	<i>Genij 134. Geniorum mors</i>	26
<i>Cyro prædictum imperium</i>	10	<i>Germanici mors</i>	60
		<i>Goesia</i>	161
		<i>Grandinis avertendæ ratio</i>	113
D		H	
<i>Dæmones mendaces 16. Homicide</i>			
21.44		<i>Hammon Iupiter</i>	36
<i>Dæmonum cognitio</i>	8.9.10.11	<i>Hannibal delusus ab oraculo</i>	60
<i>maleficia 14. Subtilitas</i>	11	<i>Harpocrates, Silentij Deus</i>	138
<i>Experientia</i>	13	<i>Helenus</i>	124
<i>Dænis Apollonij cones</i>	149.152	<i>Hellepontica Sibylla</i>	214
<i>Delphica Sibylla</i>	197	<i>Hermaphroditus</i>	84
<i>Delphicum templum</i>	42.45.46	<i>Hermes Trismegistus</i>	75
<i>Delus</i>	40	<i>Heræi pro Diis culti</i>	19
<i>Divinatio multiplex</i>	1.4.6.7	<i>Hetruscæ</i>	113
<i>Divini</i>	1	<i>Hirtia</i>	149
<i>Dodonæus Iupiter</i>	32		
<i>Dodonæum oraculum</i>	33	I	
<i>Domitiani cades predicta</i>	154	<i>Iamblicus</i>	137
<i>Duumviri factorum</i>	168	<i>Iason</i>	98
		<i>Idmon</i>	97
E		<i>Idololatria origo</i>	19
<i>Echemuthia Pythagorica</i>	137	<i>Iosephus cultus Egyptiis sub nomine Serapidæ</i>	56
<i>Enthusiasta</i>	20	<i>Isis</i>	61
<i>Epironica Sibylla</i>	220	<i>Iulianus apostata</i>	158
<i>Equus ligneus Troianus</i>	127.130	<i>Iupiter, unde dictus 31. Is fuit Cham</i>	
<i>Eriphyle</i>	105		


E T R E R V M.


<i>Cham</i> 35. <i>Dodonens</i> 32. <i>Hammon</i>	36	<i>Oscines</i>	107
		<i>Osiris</i>	56
L		P	
<i>Libya Sibylla</i>	195	<i>Palici</i> 71. <i>Palice urbs</i>	73
<i>Lituus</i>	108	<i>Panis Magni mors</i>	26
<i>Loxias, Apollo dictus</i>	16	<i>Pasiphaë</i>	237
<i>Lyra inventrix</i>	210	<i>Persica Sibylla.</i>	191
M		<i>Pestilentia à Mago excitata,</i>	6
<i>Magi Mathematici dicti, Roma</i>		<i>sedata</i>	14
<i>pulsi</i> 18. <i>Saxo Tarpeio dejecti</i> 16.		<i>Philo, pater Trismegisti</i>	75
<i>eorum voces barbara</i>	161	<i>Phrygia Sibylla</i>	216
<i>Magia naturalis</i>	161	<i>Pimander Trismegisti</i>	77
<i>Manto</i>	218	<i>Polyphemus ab Ulyssæ excacatus</i>	80
<i>Mardonius dux Persarum</i>	103	<i>Polyxo</i>	243
<i>Medea</i>	98	<i>Porphyrius</i>	157
<i>Medicina author Apollo</i>	41	<i>Præpetes aves</i>	107
<i>Memnonis statua</i>	58	<i>Priamus</i>	124
<i>Mephis graveolentia Dea</i>	244	<i>Proteus</i>	65
<i>Mercurius Trismegistus</i>	75	<i>Prylis</i>	150
<i>Metempsychosis Pythagorica</i>	135	<i>Puer triceps</i>	153
<i>Miracula Pythagora</i> 133. <i>Apollo</i>		<i>Pullarij</i> 108. <i>Pullorum tripudium.</i>	
<i>nij</i>	150	<i>ibid.</i>	
<i>Mopsus</i>	90	<i>Pyromantia</i>	85
N		<i>Pyrrhus oraculo delusus</i>	15
<i>Navis Argo cur loquax</i>	99	<i>Pythagoras</i> 133. <i>Pythagorici omnes,</i>	
<i>Necromantia</i>	86. 161	<i>Magi</i>	157
<i>Nero delusus ab oraculo Delphi</i>		<i>Pythion</i> 40. <i>Pythia</i>	44
<i>co</i>	45	<i>Pythici ludi</i>	41
<i>Nerva mors predicta</i>	154	Q	
<i>Nilus</i>	61	<i>Quercus vocales</i>	32
<i>Numa Pompilius</i>	138	S	
O		<i>Sacri Scriptores</i>	4
<i>Olenus Calenus</i>	120	<i>Samia Sibylla</i>	210
<i>Oraculorum origo</i>	19. 20	<i>Serapis</i>	56
<i>fallacie & ambages</i>	15. 16	<i>Serpens fatidica</i>	62
<i>Descriptio</i>	20	<i>Sesostrius Rex Egypti</i>	250
		<i>Sibylla unde dicta</i>	167

INDEX NOMINVM ET RERV.

<i>Sibyllini libri</i>	168.169	<i>Tiburquina Sibylla</i>	218
<i>Sideromantia</i>	<u>116</u>	<i>Tiresias</i>	218.4
<i>Sigalion silentij sterna</i>	62	<i>Titi mors predicta</i>	<u>154</u>
<i>Sigillata terra</i>	244.245	<i>Trafyllus</i>	<u>5</u>
<i>Spurinna</i>	<u>145</u>	<i>Trinitatis mysterium à Trifnegisto</i>	
<i>Statue subdiales</i>	<u>36</u>	<i>agnitum</i>	75
T			
<i>Tages</i>	112	<i>Tripus</i>	<u>43</u>
<i>Telemus</i>	80	<i>Trophonius</i>	49
<i>Templum</i>	108	<i>Typho</i>	<u>57</u>
<i>Theagenes, praeiit Augusto in-</i>	<u>172</u>	<i>Tyri destructio predicta</i>	<u>2</u>
<i>perium</i>	5	V	
<i>Themis</i>	231	<i>Vellus aureum</i>	88.97
<i>Themistocles</i>	<u>131</u>	<i>Ventorum cohibendi ratio</i>	<u>113</u>
<i>Theurgia</i>	161	<i>Virgilij Egloga quarta</i>	202
<i>Thrasyllus Astrologus</i>	<u>5</u>	<i>Vituli aurei idololatria unde</i>	<u>58</u>
<i>Thyodamas</i>	112	X	
<i>Tiberius praeiit Galba imperii</i>	<u>5</u>	<i>Xerxes</i>	130

FINIS.











27

Λ